



Э. И. Полякова
Т. И. Прокушева

КОМИ СЁРНИ

Коми кывйысь
уджъяс

Сёрни да текст

Шы да шыпас

Кывлӧн тэчас

Эмакыв

Нимвежтас

Кадакыв

Кывберд

Кыв вежӧртас

4

Э. И. Полякова
Т. И. Прокушева

КОМИ СЁРНИ

Коми кывйысь уджъяс
4 класс



*Лэдзöма
Коми Республикаса йöзöс велöдан министерство
индöд серти*



Сыктывкар
2013

ББК 74.268.19=664.2
П 54

Велөдчан небөгсө дасьтөма
Коми Республикаса велөдчөм сөвмөдан институтын

Серпасалис **Инна Авилова**

ОТСАСЯН ПАСЪЯС:



– велөдан тема



– кывлөн вежөртас



– сёрни сөвмөдан да творчествоа удж



– зарни куд



– мөвпышт (юржуглан, нөдкыв)



– ёрта-ёрткөд уджалөм



– комиөд гижөдсө, орччөд коми да роч гижөд

Полякова Э.И., Прокушева Т.И.

П 54 Коми сёрни: Коми кывйысь уджъяс. 4 класс. – Сыктывкар:
ООО «Анбур», 2013. – 160 л.б.

ISBN 978-5-91669-125-2

ББК 74.268.19=664.2

«Коми сёрни» небөгсө дасьтөма нельөд класса велөдчысьяслы коми кыв-
йысь содтөд уджъяс вөчөм могысь. Велөдчан небөгас пыртөма ас кежысь
вөчөм вылө уна сикас удж.

«Коми сёрни» небөгысь уджъяссө челядь вермасны вөчны и школын,
и ас кежысь гортын.

ISBN 978-5-91669-125-2

© Полякова Э.И., Прокушева Т.И., 2013
© Авилова И.А., иллюстрации, 2013
© Оформление. ООО «Анбур», 2013



1 удж. Лыдды Иван Алексеевич Куратовлысь кыв-бурсö колана ногөн.

Коми кыв


Тайö муса кылөн Тайö кывлысь мичсö
Чой-вок сёрнитöны, Сьöлömön ме кылі –
Тайö кылөн меным И ме медводз сыөн
Ай-мам бурсиöны. Ньöжйöника сьылі.

- 1. Кызди донъялö И. А. Куратов чужан кывнымöс?
2. Кызди тэ донъялан сійöс?

2 удж. Лыдды важ коми гижöдъяс йылысь.

Комияслөн вöлі уна сикас пас. На отсöгөн пасйылісны лыдпасъяс, ассыныс эмбур да гортса пемöсьясöс. Коми-яслөн вöліны пуысь либö көртысь вöчöм пас-календаръяс. Сэні вöлі индöма волысь кад, праздникъяс, кутшöм звер вылö кор колö кыйсьыны. Татшöм пасъяссö позьö лыддыны аслыспöлöс гижöдъясөн.

Г. Бараксанов



СЁРНИКУЗЯ, СЁРНИ ДА ТЕКСТ



Сёрникузя сикасьяс

3 удж. Лыдды мичаа.

Видза колян, шоныд гожом!
Видза олан, кыпыд ар!

Г. Юшков

- 1. Кыдзи гөгөрвоан «кыпыд ар» кывтэчассо?
- 2. Мыйла колёны этш тодана кывъясыс?
- 3. Инды чолёмалан да прöщайтчан кывъяс.

БОСЬТ ТÖД ВЫЛАД!

Этш тодана кывъяс – уна сикас чолёмалом, прöщайтчан, дзоньвидзалун да кыпыд лов сиан, уджын да олöмын вермёмъяс сиан кывъяс. Найö колёны йöзкостса быдлунъя олöмын. На отсөгөн ми петкөдлам öта-мөдöс радейтöм да пыдди пунктöм.



4 удж. Уськөд тöд вылад сёрникузя сикасьяс.

- 1) Кутшöм сёрникузяяс овлöны висьталан мог серти?
- 2) Кутшöм сёрникузяяс овлöны шуанног серти?
- 3) Мыйла колёны горöдана да абу горöдана сёрникузяяс?
- 4) Мый могысь висьталысь пыртö сёрниас юöртана, юалана да чуксалана сёрникузяяс?

- 1. Лöсьöд морта-морт сёрни.
- 2. Висьтав сёрникузя сикасьяс йылысь. Вöч тадзи:
Висьталан мог серти овлöны ..., ... да ... сёрникузяяс.
Шуанног серти овлöны ... да ... сёрникузяяс.



5 удж. Лөсьөд ёртыдкөд гоҗся шойчөм йылысь сёрни.

- Көні тэ коллялін гоҗся каникул?
- Кытчө тэ ветлін гоҗөмнас?
- Мый выльторсө аддзылін гоҗөмнас?
- Кыдзи отсасин гоҗөмнас бать-мамыдлы либө пөль-пөчыдлы?
- Мый выльторсө төдмалін?

6 удж. Лыдды кывбурсө мичаа, сьөлөмянь. Гөлөснад петкөдлы төдчөдөм кывъяслысь шуанногсө.

**Видза олан, чужан муёй!
Коми войтыр, видза ов!
Мед пыр шудлун тиян туё,
Кыпыдмө да югзьё лов!**

А. Мишарина

- 1. Кыдзи гөгөрвоан «Мед пыр шудлун тиян туё, кыпыдмө да югзьё лов» сёрникузя?
- 2. Мый висьталө гижысьыс аслас видзаасьөмнас?
- 3. Инды кывбурсьыс шыөдчөмъяс.
- 4. Инды сёрникузя лыдсө.
- 5. Төдмав сёрникузяяслысь сикассө висьталан мог да шуанног серти.
- 6. Вайөд өтвужъя кывъяс югзьё кыв дорө.
- 7. Кывбурысь гиж сьөлөм вылад воана өти сёрникузя.

БОСЫТ ТӨД ВЫЛАД!

Сёрникузяын төдчана кыв гөлөсөн ёнджыка торйөдөм шусьө логическөй ударениеөн. Логическөй ударение петкөдлө вежөртас боксянь медтөдчана кывсө.



Текст сикасъяс. Паськыд да векни тема

7 удж. Лыдды Иван Тороповлысь серпаса гижӧдъяссӧ.



Ставыс вежӧдӧ, дзоридзалӧ, сӧвмӧ, кисъмӧ. Медводз веж видз вылын сяргысисны горадзульлӧн топыд виж юръясыс. Лыдтӧм зарни моляяс быттӧ пӧртмасьӧны, гыалӧны кокныдик тӧвру улын. Синтӧ кӧть эн вештыв на вылысь!

Сэсся ыркнитис и пондис дзоридзавны льӧм. А кӧрыс кутшӧм дзоридзалысь льӧм-йылӧн! Ловтӧ малыштӧ.



Кымӧрас косыс век ёнмӧ и ёнмӧ, век ярджыка нявкйӧ-гымалӧ. То быттӧ из гӧрагыпкысьӧ-киссьӧ вылісянныс. То быттӧ кыз йи дзеналӧмӧн шковмунӧ-потӧ. И ызгӧ-зэрӧ йи сора зэрӧн.

Друг пемыд керка пытшкӧс бур здук кежлӧ дзоньнас дзенавліс син ёран югыдӧн. Сэсся кыз тай трачнитас-йиркнитас! Быдӧн джджыс качмунліс.

- 1. Тӧдмав, паськыд али векни тема восьтӧны текстъясыс.
- 2. Юрнимав текстъяссӧ.

БОСЪТ ТӖД ВЫЛАД!


Текст вермӧ восьтыны **векньыд** либӧ **паськыд** тема. Векньыд темаа текстын висътавсӧ мыйкӧ ӧтитор йылысь.

Паськыд темаа текст шымыртӧ унатор йылысь юӧртӧм. Татшӧм текстас ӧтитор йывсыйс висътавсӧ уна боксянь да паськыда.

8 удж. Лыдды текстсӧ.

Вадорын лӧнь. Купайтчысьыс этша. Ляпкыд лыа берегсӧ зэв ёна визьӧдлӧмаӧсь ракпаньяс. Ракпаньыд тані зэв уна овмӧдчӧма. Кокныс налӧн кыв кодъ небыд. Чургӧдасны ракпаньясыд кывсӧ из кодъ чорыд кӧрӧб пытшсьыныс да ньӧжйӧникӧн визгӧны-мунӧны.

И. Торопов серти



Ракпань – из кодъ чорыд кӧрӧб пытшкын вапытшса олысь.

- 1. Висътав текстыслысь темасӧ да юрнимав.
- 2. Паськыд либӧ векни текстыслӧн темаыс?
- 3. Мӧвпышт, мыйла ракпаньсӧ тадзи шуӧмаӧсь.
- 4. Вайӧд ляпкыд кывлы ӧтвужъя кывъяс да гиж.



9 удж. Лыдды текстъяслысь юрнимъяссö.

Паськыд тема	Векни тема
Гожöм.	Вадорын. Велöдчи вартчыны. Ёг турункöд венласьöм. Турун пунктöм. Зэра лунö.
Вöрын.	Тшак вотигөн. Медводдзаысь нюрын. Мича яг. Дона гоб – ягвывса дивö. Вöрлөн козин.
Чужанін.	Менам сикт. Сиктса школаын. Менам чой-вок. Видз выв мич. Пöльпöч ордын.

- 1. Лыдды паськыд да векни темаяссö, орччöд найöс.
- 2. Висьтав, мыйöн торъялöны паськыд да векни темаясыс.
- 3. Бöрйы öти тема да сы серти лöсьöд неыджыд гижöд.

10 удж. Лыдды.

Вöлі лун шöр бöр нин. Шондіыс пöжöмөн пöжис. Яг керöссиянь öвтіс сир дукөн.

Со сотысь шондіыс мöдіс сайласьны съöd кымөр костö. Пöльтыштавліс рытыв-лун төв. Көнкö кымөръяс мышкын мурöстлывліс гым. Сійö öдйö воödчис яг керös весьтöдз, быттö тöдіс нин – сійöс виччысьöны тайö кос местаас.

Мöдіс чардавны. Друг сяркнитіс-гымыштіс сэтшöма, быттö весиг лажыньтчыліс гажа керöсыс. Чардыс кучкис нöрыс вылын сулалысь öтка пöжöмö. Пуыс другөн ыпнитіс. Сэссия биыс котöртіс водзö, заводитіс трачкöдчыны.

Е. Уляшев серти

- 1. Тöдмав, паськыд али векни тема осьтöма текстас.
- 2. Текстыслы сет юрним.

3. Аддзы серпасалан кывъяс.

4. Вайöd матын вежортаса кывъяс **сайласьны, лажыньтчыліс, кучкис, ыпнитіс** кадакывъяслы.

5. Вайöd **сьöd** кывлы öтвужъя кывъяс да гиж.

11 удж. Лыдды гижödсö.

Кыськö локтіс сьöd Кутіс муркөдчыны Лэптысис ... да кутіс копрöдлыны ..., швачöдны Югнитіс Öдздöдчöмөн сявкнитіс

• 1. Помав сёрникузяяссö вежортас серти лöсялана кывъясөн.

2. Текстыслы сет юрним.

3. Вайöd **лэптысис** кывлы матын вежортаса кыв.



12 удж. Лыдды шусьөгъяссö.

1) **Войвывса** гожöмыд көч бөж кузя. 2) **Гожея** луныд йöлөн-выйөн искөвтö. 3) Югдöм сертиыс тыдалö, кадыс гожöмланы вөсьлалö.

• 1. Гөгөрвоöd шусьөгъяссö.

2. Торйödöм кывъяс дорö вайöd паныд вежортаса кывъяс.

3. Гиж öти шусьөг юрвежсьыд.



13 удж. Лыдды кывъяссö.

Сотіс, пöжис, сьöd кымөр, гым, сяркйис, ведраысь моз.

• 1. Позьö-ö тайö кывъяснас лöсьöдны текст?

2. Тöдмав текстлысь темасö.

3. Кывъяссö пыртöмөн лöсьöd текст да юрнимав.

14 удж. Лыдды Зоя Шиликовалысь кывбурсö.

Гожся серпас

Югыдлöz ю пытшкын	Енэжсянь вашъялö
Шондiыс купайтчö.	Вör-вакöд шондiыс,
Пуясыс быттöкö	Зарниа югöрнас
Ваынöсь тшöтш.	Югзьöдö кöдж.



Кöдж – юлön, шорлön крут чукыль.

- 1. Тöдмав, паськыд али векныд темаыс кывбурыслön.
- 2. Аддзы кывбурысь матын вежöртаса кыв **нюмъялö** кадакывлы.
- 3. Вайöд **шондi** кывлы öтвужъя кывъяс.

15 удж. Лыдды колана ногön.

Кунва кодъ дзык ваыс юас,
Шондi улын быттö пуö.
Ок и лöсьыд, ок и долыд!
Гортö пöшти ог и воы.

Юлань лэчча – шондi чеччö,
Юсянь локта – шондi лэччö.

А. Мишарина



Кунва – пöйма пуöm ва, вöйдör вöдитчисны кöлуй пöслалigön.

- 1. Кызди гögöрвоан «*Кунва кодъ дзык ваыс юас*» сёрникузя?
- 2. Аддзы текстысь паныд вежöртаса кывъяс.
- 3. Тöдмав кывбурыслысь темасö.

БОСЪТ ТӖД ВЫЛАД!

Текстлӧн аслыспӧлӧслун:

1. Текстын эм кутшӧмкӧ тема.
2. Текстсӧ позьӧ юрнимавны.
3. Сёрникузяяс йитчӧмаӧсь ӧта-мӧдыскӧд мӧвп серти да кывъясӧн: *сійӧ, найӧ, друг, вот.*

16 удж. Лыдды текстсӧ.

Виччысьтӧг берег дорын тыдовтчис кӧч. Сійӧ первой ӧтарланьӧ сетчылӧс, но паныд локтисны понъяс. Кӧч тривкнитӧс мӧдарланьӧ – бара найӧ. Некытчӧ кузь пельдыдлы воштысьны, косявласны коньӧрӧс.

Друг кӧчыд чеччыштӧс ваас. Вот тайӧ да! Кӧчлы ӧни понъясыд оз нин лӧксӧ вӧчны. Со кутшӧм бура вартчӧ мӧдарладорас!


Л. Лыткин

- 1. Тӧдмав текстыслысь темасӧ.
- 2. Висьтав текстыслысь признакъяссӧ.
- 3. Кыдзи текстын шуӧма кӧчӧс?
- 4. Вайӧд матын вежӧртаса кывъяс **тривкнитӧс** кадакывлы. Висьтав, мыйла гижысьыс бӧрйӧма тайӧ кывъяссӧ.
- 5. Аддзы паныд вежӧртаса кывъяс.
- 6. Прӧверит уджтӧ.

17 удж. Лыдды текстсӧ.

Кӧк

Кӧк олӧ шочиник пуяса, коръя вӧрын да раскын. Сійӧ окотапырысь сӧйӧ гагъясӧс да гӧна номыръясӧс, кодъяс вылӧ мукӧд лӧбач оз ыштыны.



Тайö лэбачыс ёна торъялö аслас шыалöмнас. Шоныд да лөнъ рытъясö ылöдз кылö сылөн кöкöмыс. Унаон чайтöны, мый татшöм ногөн ливкйöдлöмыс висьталö аскиа бур поводдя йылысь. Йöз тшöкыда юавлöны кöклысь, кузь-ö налөн нэм помыс. А сьылысь пöтка аслас кöкöмнас туналö юалысьыслы нэм помсö.

А. Ракин серти

• 1. Эмось-ö гижöдас мичкывъяс да орччöдöмъяс?

2. Уськöд тöд вылад кöк йылысь мукöд текстъяс да лöсьöдчы висьтавны тайö лэбач йывсьыс.

3. Бөрйы öти удж да вöч сйöс:

1 удж. Вайöд матын вежöртаса кывъяс **тунавны** ка-
дакывлы да гиж.

2 удж. Аддзы **шоныд** кывлы öтвужъя кывъяс да
гиж.

18 удж. Лыдды текстсö.

Турияс

Öти гождя лунö Турьевъяс пес кералисны. Батьыс пилитчис, Коля да Миша отсасисны батьыслы. Пажын бöрын кык вок мöдöдчисны нюрö **бурдöдчан** турунла. Друг кыськö **кыпöдчисны** турияс да кутисны нора горзыны. Зонкаяс воисны нюр вылын быдмысь коз дорö. Сэтысь **аддзисны** турияслысь позсö. Сэни куйлис куим кольк. Коля босьтис öти кольк да кöсйис сйöс петкöдлыны батьыслы. Турияс казалисны челядьöс да кутисны лэбавны дзик юр весьтöдныс. **Сэсся** öти тури нетшыштис Миша юрысь шапкасö. Вокъяс повзисны да горöдисны батьсö. Батьыс кылис пияныслысь горзöмсö да öдйö локтис на дорö. Сйö бөр пунктис кольксö **позъяс** да велöдис пиянсö, мый некор оз позь вöрзьöдны пöтка позтö.

А. Некрасов (Гамса) серти

- 1. План серти корсь текстусь юкөнъяссö.

План:

- 1) Пес кералöм – öтувъя удж.
- 2) Ньюрын турияслөн поз.
- 3) Лэбачьяс майшасьöны.
- 4) Батьлөн пиянös велöдöм.

2. Гөгөрвоöd текстуслысь шөр мөвпсö да висьтыслы сет мөд юрним.

3. Босьт төд вылад төдчөдöм кывъяслысь гижанногсö.

4. Сетöм план серти гиж изложение. Быд юкөн гиж выль визьсянь.

5. Прөверит уджтö.



Художествоа да наука гижөдъяс

19 удж. Лыдды.


Важ комияслөн туриыс вöвлöма вежа пöткаөн. Сэки тури-лэбачтö ёна пöчитайтлöмаöсь. Тайö пöткаыслы эскывлöмаöсь, корлöмаöсь видзны йöзös висьöмысь да доймöмысь. Туритö некор абу кыйлывлöмаöсь. Важөн вөр керка вöчигөн турилысь мыгöрсö вöлавлöмаöсь-серпасав-лöмаöсь.

И. Торопов серти

- 1. Инды текстуслысь темасö да шөр мөвпсö.
- 2. Бөрйы лöсялана юрним: **Тури. Тури – вежа пöтка.**
- 3. Висьтав, мый выльторсö төдмалін тури йылысь.

20 удж. Лыдды Анатолий Ракинлысь гижөдсö.

Тури – локтысь-мунысь лэбач. Тулыснас медводдза кельöбъясыс петкөдчöны косму төлысь помасигөн. Кузь



туйсö вуджигөн пуксьывлöны шойч-чыштны ойдлан видзьяс вылö, юяслөн да тыяслөн ковтысьясö. Гожöмсö коллялöны ыджыд нюрьясын. Гожöм помнас турияс лэбöны лунвылö.

- Кутшöм тайö гижöдыс: художествоа али наука?



Ковтыс – ю бокъясын вольсыштчöм шыльыд видзьяс.

21 удж. Лыдды гижöдсö да тöдмав сикассö.

Зарни ар

Сентябр – войвывса парма-ягъяслөн медся мича серпасьяса кад. Тайö каднас шензьöдана мичлун позьö адзыны арся вöрысь. То мыччысьлас вугралысь паськыд яг, то найöс вежасны том ныв кодь веськыд пожöмъяс. Найö сулалöны öта-мöдныскöд торйөн, тшапöсь, öткодьöсь. Шочиника паныдасьялас багатыр кодь ён ниа.

Кыз расьяс заводитöны нин вижöдны. Пöльыштлö кокныдык тöвру. Пуяс бердысь торйöдчöны косьмöм корьяс. Найö бергалыштасны сынöдас да бобувьяс моз надзöникөн пуксяласны вазьöм му вылö.

И. Коданёв серти



Багатыр кодь ён ниа.

1. Инды текст-серпаслы лöсялысь признакъяс.
2. Кутшöм орччöдöмъясөн вöдитчö гижысьыс пуяссö серпасалигөн?
3. Бөрйы öти удж да вöч сийöс:
 - 1 удж. Вайöд матын вежöртаса кыв ливкйöдлыны, бергалыштны кывъяслы да гиж найöс.
 - 2 удж. Корсь кывбöра эмакывьяс да гиж найöс.
 - 3 удж. Вайöд паськыд кывлы öтвужъя кывьяс да гиж.

22 удж. Лыдды серпаса гижөд.

Ар

Луныс шоньд, гажа. Небыдик төвру чужомо лосьы-да ыркнитлывлө. Сынөдын лэбалөны кокныдик черань везьяс.

Арыс вөр-васө мичмөдөма югыд да гөрд рөмъясөн. Вижөдоны корья пуяс. Вижөдны көсйө и турун. Оз нин гожөмын моз синмө чеччыны уна рөма мича дзоридзьяс. Сөмын гежөдика аддзывлан катшасин да мальва. Кись-мөны чөскыд льөм да оз, рөмалөны пелысь розьяс.

Г. Фёдоров серти



Синмө чеччыны.

- 1. Аддзы текст-серпаслы лөсялана аслыспөлөслунъяс:
 - гижөдын зэв этша керөм-вөчөм;
 - гижысьыс быттё снимайтө аддзөмторсө;
 - текстын эмось кывбердъяс, вуджөдан вежөртаса да серпасалан кывъяс, өткодялөмъяс.
- 2. Бөрйы өти удж да вөч сійөс:
 - 1 удж. Гиж кывбердъяссө эмакывъяскөд.
 - 2 удж. Вайөд өтвужъя кывъяс **арся**, **вөрса** кывбердъяслы да гиж найөс.
- 3. Прөверит уджтө.

23 удж. Лыдды кывбурсө колана ногөн.

Арся гудыр енэжті
Бордйөн вартіс, шеныштіс
Тури-дзодзөг гез.

Шогөн ывла тырөма.
Вөр-ва вылын бырөма
Тувсов лэбач гаж.

А. Размыслов

- 1. Кыдзи гөгөрвоан «Бордйөн вартіс, шеныштіс тури-дзодзөг гез» сёрникузя?
- 2. Кутшөм сьөлөмкылөм чужтө тайө кывбурис?
- 3. Кутшөм лэбачьяс лэбөны төв кежлас лунвылө?

4. Аддзы кывбурысь **чой-вок** кывкөд өткодь орфограммаа кывъяс да инды сикассö.

24 удж. Лыдды Александра Мишариналысь кывбурсö.

Потшöс дорын сулалö	Öтава нин ытшкöма,
Зарни коръя ар.	Виждöма видз.
Пывсяндорса пелысьлөн	Кисъмöмаöсь вотöсьяс –
Розйыс югыд, яр.	Арлөн медшөр мич.

Чуксасьöны гөлöсьяс
Вöрын сэн и тан.
Кымөр костысь мыччö на
Шондi югыд бан.



Шондi мыччö югыд бан.

• 1. Мыйла кывбуралысь шуö: *сулалö ар, чуксасьöны гөлöсьяс, шондi мыччö бан?* Тайö кадакывъясыс лöсялöны ёнджыка мортлы. Мыйла сийö пыртö найöс арсö серпасалiгөн?

2. Арлысь кутшöм серпасъяс петкөдлöма кывбурас?

3. Сет кывбурыслы ним.

4. Вайöd югыд кывлы өтвужъя кывъяс да гиж.



Грамматика подув. Сюрöса да содтана юкөдъяс

25 удж. Лыдды Зоя Шиликовалысь кывбурсö.

Öшкамöшка

Сизим рöма öшкамöшка	Öшкамöшка, öшкамöшка,
Мöдлапöлö вуджöма,	Кунöрыскөд ветлан тэ.
Мырпом көра паськыд нюрö	Öшкамöшка, öшкамöшка,
Улыс помсö сутшкöма.	Колян шондi али зэр?



Кунөр – гымалан-чардалан кымөр.

- 1. Кутшөм мича серпас сувтис син водзад? Кывйөн серпасав өшкамөшкасө.
- 2. Висьтав өшкамөшкалысь рөмъяссө.
- 3. Төдмав сёрникузя лыдсө.
- 4. Инды кывбурсыс вуджөдан вежөртаса кывъяс.
- 5. Вайөд зэр кывлы өтвужъя кывъяс да гиж.

26 удж. Лыдды гижөдъяссө.

Зэр

Кыптіс төв. Сійө котраліс да кояліс кос лыасө. Мыччысис кымөр. Уськөдчис төв ныр. Садьмисны пуяс. Кымөр сайөдіс шондісө. Енэжыс пемдіс. Друг гымыштіс. Мөдісны швачөдны зэр войтъяс. Туйяс небзисны, көтасисны. Гөвкъяліс ва. Пуксис мича поводдя.

Зэр

Виччысьтөг кыптіс төв. Сійө скөра котраліс уличаясөд, лёкысь гартіс да кояліс кос лыасө, тшын моз лэптіс муысь буссө. **Посёлок сайсянь мыччысис ыджыд сьөд кымөр. Төв нырыс уськөдчис нин паськыд Эжва вылө. Берег пөлөн сулалысь пуяс садьмисны.**

Кымөр ньөжйөникөн матыстчис, сайөдіс шондісө, писькөдчис посёлок дорө. Енэжыс вочасөн пемдіс.

Друг гымыштіс-югнитіс гөрд билөн кузь бөж. Сэсса шковмуні. Дрөгнитіс вөрыс и ваыс. Варова мөдісны швачөдны керка вевтө зэр войтъяс. Кос да буса туйяс небзисны, көтасисны. Гөпъясын да гуранъясын гөвкъяліс ва.

Недыр мысти бара пуксис мича поводдя.

И. Коданёв серти



Гөрд билөн кузь бөж.

- 1. Мыйӧн торъялӧны текстъясыс?
- 2. Кутшӧм текстын бурджыка серпасалӧма зӧрсӧ?
- 3. Кыдзи гӧгӧрвоан «Югнитіс гӧрд билӧн кузь бӧж» сӧрникузя?
- 4. Гиж тӧдчӧдӧм сӧрникузяссӧ, визьнит сюрӧса юкӧдъяссӧ.
- 5. Вайӧд матын вежӧртаса кывъяс **кыптӧс, мыччысис** кывъяслы.
- 6. Вайӧд **ыджыд** кывлы ӧтвужъя кывъяс да гиж.

БОСЫТ ТӧД ВЫЛАД!

Содтана юкӧдъяс стӧчмӧдӧны да гӧгӧрвоӧдӧны подувпассӧ либӧ юӧрпассӧ, а сӧдзжӧ мукӧд содтана юкӧдъяс.

Мыччысис кымӧр. Посӧлок сайсянь мыччысис ыджыд сьӧд кымӧр.

Подувпас медводз петкӧдлыссьӧ **кодӧ?** да **мый?** юалӧмъяс вылӧ вочавидзысь эмакывӧн, но вермас петкӧдлыссьыны и эмакыв пыдди мунысь нимвежтасӧн.

Виччысьтӧг кыптӧс тӧв. Сӧйӧ скӧра котраліс уличаясӧд.



27 удж. Лыдды текстсӧ.

Арся пармаын

Сизь дорчӧ дзик юр весьтын. Жбыръялӧны пыстаяс да уркайяс. Уна ногӧн чивксӧны посныдик лӧбачьяс.

Микола оз и видзӧдлы лӧбачьяс вылӧ. Сӧйӧ восьлалӧ водзӧ. Волӧны неыджыд эрдъяс. Йӧз важӧн нин керавлӧмаӧсь сӧтысь вӧрсӧ. Паныдасьлӧны сӧнъяс. Туруныс танӧ морӧсӧдз лӧ. Вочаасьлӧны и еджыд ялаа керӧсьяс.

Керасысь Микола аддзис зэв уна пув. Пувйыс мичаа нин кисьмөма, гырысь. Зонкалөн дульваыс весиг петіс. Сійö лажынтьчис да ки тырнас апаліс вотөссö. Тшыг кынöм вылад пувйысвöлі варенньöысь на чöскыдджыкөн!

В. Ширяев серти



Сён – вöрын, видз вылын васöд, увтас места.

• 1. «Арся пармаын» гижöд дорö лöсьöд да гиж план.

2. Аддзы текстысь матын вежöртаса да серпасалан кывъяс.

3. Дженьдöд сёрникузяяссö грамматика подулöдз да лыдды найöс. Кымын грамматика подув тэ аддзин?

4. Кутшöм сёрникузяясысь сьöкыд вöлі аддзыны грамматика подувсö да мыйла?

5. Вайöд еджыд кывлы öтвужъя кывъяс да гиж.



Öтсяма юкöдъяса сёрникузяяс

28 удж. Лыдды серпасалан текстсö.

Мича льöм пу

Миян сиктын Микулай пöльлөн керка дорас быдмö льöм пу. Сылөн тусыс быттьö гырысь сьöд сэтöр!

Пу розъясыс нюкыльтöны вöсни увъяссö да дзирдалöны шондіа лунö. Льöм пу дінті мунысьяс сувтовкерлöны да нимкодясьöны мичнас. Тулысын дзоридзалигас юртö кольмöдö чöскыд көрыс. Керка бокас быттьö еджыд кымөр öшйöма, весиг веж корйыс пуыслөн оз тыдав.

Некымын лун мысти дзоридзьясыс усясны и лым чирьяс моз вевттясны мусö. Став град йöрыс еждöдас.

В. Торопов серти

- 1. Кызди гөгөрвоан «*Керка бокас быттё еджыд кымөр өшйёма*» сёрникузя?
- 2. Корсь отсяма юкөдъяса сёрникузяссө да гиж. Висьтав, кызди йитчёмаось отсяма юкөдъясыс.
- 3. Схемаон петкөдлы отсяма юкөдъяссө. Вөч тадзи: [Ö да Ө].
- 4. Вайөд **чөскыд** кывлы отвужъя кывъяс.
- 5. Прөверит уджтө.

29 удж. «Мича льөм пу» текст серти вөч удж. Сетөм уджъяс пөвстысь бөрйы өтиөс:

- 1 удж. Төдчөдөм кывъяслысь висьтав гижанногсө.
- 2 удж. Төдчөдөм кывъяс дорө вайөд татшөм жө орфограммаа 1–2 кыв.
- 3 удж. Аддзы текстысь отвужъя кывъяс да гиж найөс.

30 удж. Лыдды текстсө. Висьтав, кызди сөвмис-быдмис пожөм.



Пожөм

Пыдө муө вужъясьөма пожөм пу. Сылөн вужъясыс уна вожөн быд бокө паськөдчөмаось да нюжалөмаось. Уна дас во сийө быдмисда мулысь соксө юис.

Пожөмыд лои джуджыд да ён. Пөльтлісны вой төвъяс, кисьтлісны арся көдзыд зэръяс, гожөмын сотліс жар шонді. А сийө быдмис веж да мича.

Г. Фёдоров серти

- 1. Аддзы текстысь да лыдды [Ö да Ө], [Ö и Ө] схемаяс динө лөсялан сёрникузяяс.
- 2. Лөсьөд [Ö да Ө], [Ö и Ө] схемаяс динө лөсялан сёрникузяяс.
- 3. Лөсьөд пожөм йылысь серпасалан текст.

31 удж. Бөрйы өти удж да вөч сійөс:

1 удж. Вайөд джуджыд кывлы өтвужъя кывъяс да гиж.

2 удж. Вайөд ён кывлы матын вежөртаса кыв да гиж.

3 удж. Аддзы «Пожом» нима текстысь өтвужъя кывъяс да гиж найөс.

32 удж. Лөсьөд пуяс йылысь сетөм схемаяс серти кык сёрникузя.

[Ö, Ö да Ö]

[Ö и Ö, Ö и Ö]

33 удж. Лыдды сёрникузяяссө.

Йөз оланінъясын колө быдтыны пуяс. Найө сөстөм-мөдөны сынөд да кыпөдөны мортлысь ловсө.

• 1. Кык прөстөй сёрникузяысь лөсьөд өти сёрникузя схема серти: [], сы вөсна мый [].

2. Кык сёрникузясө йит **сы вөсна мый** кывйитөдөн, кывйитөд водзас пукты чүтік.

3. Гиж сложной сёрникузясө.



34 удж. Лыдды текстлысь заводитчөмсө да помсө. Содты некымын сёрникузя да лөсьөд текст-мөвпалөмлысь шөр юкөнсө.

Мыйла йөзлы колө быдтыны пуяс?

Мөвп, кодөс колө гөгөрвоөдны.

Ар и гожом йөз садитөны пуяс. Мыйла колө садитны да быдтыны пуяссө?

Мөвп гөгөрвоөдөм.

?

Кывкөрталөм.

Та вөсна и йөз асланыс горт гөгөрыс садитөны пуяс да дөзбөритөны найөс.

35 удж. Лыдды кывбурсö, аддзы öтсеяма юкöдъяс да петкöдлы схемаöн.

Кыз пу öтнас борйын
Паськыд еджыд вöня,
Кышакылö корйөн
Муртса кывмөн, лöня.

Корйыс уна ногөн
Бергалö да усьö,
Шöпкö мыйкö шога,
Поньталö веж мусö.

А. Мишарина

- 1. Аддзы кывбурись **гöгралö** кивлы матын вежöртаса кыв.
- 2. Вайöд **корйыс** кивлы öтвужъя кывъяс.

36 удж. Лыдды.

Грезсянь неылын Каневъяслөн эм неыджыд видзтор. Некумын лун **Ванялөн** батыс ытшкис вель ыджыд пласт, но куртнысö эз тэрмась.

Пуксис жар поводдя – буретш турун куртан кад. Туруныс зэв бура косьмöма. Ыджыд котырыдлөн öти лунөн став турунсö лои куртöма да юралöма. Артмис вель ыджыд турун зорöд.

– Колö эськö кос турунсö талаялыштны, – шуис пöчыс. – Коді зорöд вылö кайлас?

Ваня эз виччысь мöдысь шуом, а тэрыба кавшасис зорöд вылас. Сійö видзöдліс гөгöрбок да казяліс ю мöдарысь сьöдов кымөр.

– Зэран кымөр таланö матыстчö! – горöдіс зонка да индіс пемдысь енэж вылö.

Ставөн зіля котрöдлісны медбөръя турун **юръяс**. Ваня мудзтöдзыс талаяліс турунсö, отсаліс батыслы сигöртны зорöдсö. Шарöбтісны **медводдза** зэр тусьяс. Сэссия шливöбтіс ведраысь моз.

Быдөнлы талун сьолём вылас вөлі долыд. Зорөдө лои иналёма кос да мича турун.

Э. Полякова



Сигөртны – ёсьмөдны турун зорөд, медым эз көтась зэрысь да лымйысь.



Сьолём вылын долыд.

• 1. Кызди отсасис турун пунктүгөн Ваня? Мыйысь позьё ошкыны зонкаос?

2. Аддзы өтсыма юкөдъяса сёрникузяяс да висьтав, кызди найё йитчөмаось.

3. Төдчөдөм кывъяслысь гөгөрвоод гижанногсө.

4. Корсь серпасалан кывъяс.

5. Вайөд **турун** кывлы өтвужъя кывъяс.

6. Бөрйы да гиж схемаяслы лөсялана өтсыма юкөдъяса кык сёрникузя:

1) [Ө, но Ö]

2) [Ö, а Ö]



37 удж. Лыдды Василий Лодыгинлысь кывбурсө.

Уджалисны сьылөмсорөн,

Кыпөдісны уна зорөд.

Көть и ёна мудзис Коля,

Но оз няргы – абу дзоля.

Мудзыс ворсігас и вунас.

Аски бара куртны мунас.

• 1. Инды өтсыма юкөдъяса сёрникузяяс.

2. Аддзы схемалы [Ö, но Ö] лөсялан сёрникузя да гиж.

3. Вайөд **дзоля, кыпөдісны** кывъяс дорө матын вежөр-таса кывъяс.

4. Аддзы кывбурьысь өтвужъя кывъяс.

38 удж. Лыдды текстсö.

Чöвтысь тшукöдö лэбынсö турун юрö и лэптö вылö. Киас зэлалöма став сöныс. Сійö ружöктöмөн шлопйöдлö-пукталö турунсö зорöд вылö да видзöдö ас гөгöрыс.

Сэсся лэбын бара сатшкысьö турунö да лыбö вывлань. Сьöкыдсьыс лэбын пуыс нюклясьö быдөн. Со и бырис туруныс зорöд дорысь. Чöвтысь сувтö лэбын пу вылö мыджсьöмөн да чышкалö пöсялöм чужöмсьыс ньылöмсö.

И. Белых



Лэбын – вила.

Тшукöдны – сатшкыны.

- 1. Тöдмав текст сикассö, юрнимав висьтсö.
- 2. Гөгöрвоод темасö – паськыд али векньыд.
- 3. Аддзы текстысь öтсыма юкöдъяса сёрникузяяс.

Висьтав, кызди йитчöмаöсь юкöдъясыс.

4. Вайöд **сатшкысьö**, **лыбö** кывъяслы матын вежөр-таса кывъяс.

5. Вайöд **лэбын** кивлы öтвужъя кывъяс да гиж.

39 удж. Лыдды А. Мишариналысь кывбурсö.

Сиктса челядь котырöй,
Пармаса ныв-пиянöй.
Видзвывса яр дзоридзьяс,
Радейта ме тiянöс.
Кöмтöм кока войтырöй,

Зорöд дорö верзьöмөн
Турун юрьяс ваялад
Панласьöмөн, вензьöмөн.
Пажын кадö лöзöдтöдз
Ваысь онö петалöй.

- 1. Кызди гижысьыс шуалö сиктса челядьöс?
- 2. Кутшöм сьölöмкылöм чужтö текстыс?
- 3. Гөгөрвоод, кывбурислөн темаыс векныыд али паськыд. Юрнимав кывбурсö.

40 удж. Лыдды серпассö.

Асывнас кыпöдчис дзирдалан шондi. Сiйö кöть и эзнин гожся ногөн жара ломзья, но век жö шонтiс. Небыдик тöвру сыналис муяс вылын воöм нянь, вайис чöскыд сэтөр көр. Лöз енэжын тыдалiсны кизьöриник ру ёкмывьяс кодь кымөр дiяс. Сынöдыс сöдз, сöстöм. Гөгөр ылысь ставыс тыдалö. Татшöм лöсьыдөн да гажаөн локтiс войвылö сентябр.

Г. Фёдоров серти



Ру ёкмывль кодь кымөр дiяс.

- 1. Кызди гөгөрвоан «*Небыдик тöвру сыналис муяс вылын воöм нянь*» сёрникузя?
- 2. Лыдды öтсыма юкöдъяса сёрникузяссö колана шуанногөн, гөгөрвоод пунктуация пасьяслысь коланлунсö.
- 3. Бөрйы öти удж да вöч сiйöс:
 - 1 удж. Гиж шондi йылысь кык сёрникузя.
 - 2 удж. Медводдза сёрникузясö юалöмьяс отсөгөн видлав юкöдъяс да тэчас серти, вöч схема.
 - 3 удж. Вайöd кизьöриник кывлы öтвужъя кывъяс да гиж.


41 удж. Гиж текст-мөвпалөм «Мыйла колө видзны парма-вөр?» тема серти.

42 удж. Лыдды висьтсө.

Көчилъ

Ыджыд воккөд локтiм тшак вотанiнысь. Шарик пон кежис пес кераслань, недыр мысти кутiс гораа увтны. Ми мунiм увтöм шыас.

Мыр вылын пукалiс рака да чышкалiс нырсö руд гöнысь. Шарик пон увтiс кодöскö муысь. Понöль улысь ми казялiм көчпиöс. Ичöтик пемöсыд вöли йöжгыльтчöма пу улö. Ракаыс сылысь син пöвсö удитöма нин кокыштны.



Ми лэччöдiм көчилъöс гортö, ыджыд ящикысь вöчим сылы поз. Вердiм сiйöс турунөн да няньөн. Гежöдика чöс-мөдлiм морковөн да пипу корйөн.

Тулысладор көчилъ лои вöйджык, омöльджыка кутiс сейны. Лунтыръясөн котралiс сарайса йöрын. Вöрса пемöсыд гажтöмтчис вөр-ваысь. Көчилъöс нуим вөрö.

В. Торопов серти



Понöль – посни лыска пуа вөр.

Вöйджык – полысьджык.

- 1. Гөгөрвоод висьтыслысь темасö да шөр мөвпсö.
- 2. Текст серти дасьты план.
- 3. Помав висьтсö.
- 4. План серти гиж изложение да прöверит уджтö.

ШЫ ДА ШЫПАС



Чорыд да небыд, гора да гортөм согласнөйяс

43 удж. Лыдды кывъяссө.

Чирк, дар, пыри, жыр, за, гыр, дзирд, быри, тар, шыр, са, кыр.

- 1. Гиж кывъяссө кыв заводитчигөн согласнөйяслөн гора да гортөм серти параясөн: *чирк – дзирд, ...*
- 2. Визьнит параа гора да гортөм согласнөйяссө.

44 удж. Лыдды кывъяссө.

коз кыр чир кора пи сі рос

- 1. Гөгөрвоод кывъясслысь вежөртассө.
- 2. Веж сетөм кывъяссысь гортөм согласнөйяссө параа гораён.
- 3. Гиж кывъяссө параён да прөверит.



45 удж. Лыдды да содты.

[б]-[п], [г]-[к], ...

[д'], [з'], ...

46 удж. Вайөд чорыд да небыд серти параа согласнөйяссөн слогъяс: *да – дя, ...*

47 удж. Лыдды.

сам-сям нур-нюр нэм-нем сор-сёр

- 1. Висьтав, мыйён торъялөны кывъясыс.
- 2. Мый өткодыс кывъясын?
- 3. Кутшөм шыпасъяс петкөдлөны согласнөй шыыслысь чорыдлунсө да небыдлунсө?



48 удж. Челядлы тшөктисны юклыны сетөм кывъяссө кык чукөрө, медым воддза чукөрас лоисны паратөм чорыд шысянь заводитчысь кывъяс, мөдас – параа небыд шысянь заводитчысь кывъяс. Со мый налөн артмис.

Пон, гаг, тулыс, рысь.

Йөв, ньөр, дзир, чөрс.

- 1. Кутшөм кывъяс веськалісны эз ас чукөрас?
- 2. Мыйла артмис тырмытөмторйыс?
- 3. Инды сөмын чорыд согласнөя кывъяс.
- 4. Прөверит уджтө.



Е, Ё, Ю, Я шыпасъяс

49 удж. Лөсьөдчы гижны кывъяс. Кывъясысь инды орфограммаяс.

Сюмөд, ельдөг, тельгө, нюлыштны, сёрд, сяльгө.

50 удж. Лыдды кывъяссө. Висьтав е, ё, ю, я шыпасъяслысь аслыспөлөслунсө.

Югөр, сюр, небөг, енбиа, ёнлун, тёпкан, ябыр, ляпкыд.

- 1. Югөр, сюр кывъяс гиж шыяс серти транскрипция отсөгөн.

Вөч тадзи: *Яг [йаг].*

2. Гиж кывъяс, кӧнӧ шыыс унджык шыпас сертиыс.
3. Шы да шыпас боксянь видлав югӧр, сюр кывъяс.



51 удж. Лыдды роч кывъяссӧ.

Сова, соль, век, мягкий, шиповник, навес, дорогой, чудо.

- 1. Комиӧд роч кывъяссӧ.
 2. Быд кывйын торйӧд медводдза согласнӧй шысӧ да висьтав, кыдзи сийӧ кылӧ.
 3. Медводдза согласнӧй шысӧ урчитӧмӧн гиж кывъяссӧ кык столбикӧ.
 4. Прӧверит уджтӧ.

52 удж. Лыдды кывъяссӧ.

Мык, сюсь, йӧра, нянь, чери, рака, дядь, пань, зон.

- Бӧрйы ӧти удж да вӧч сийӧс:
 - 1 удж. Аддзы чорыд согласнӧй шыяса кывъяс да гиж.
 - 2 удж. Аддзы небыд согласнӧй шыяса кывъяс да гиж.
 - 3 удж. Гиж кывъяссӧ куим чукӧрӧ юклӧмӧн.

53 удж. «Коми орфография кывкудйысь» гиж 5 кыв, медым кывъясас шыяслӧн да шыпасъяслӧн лыдыс эз вӧв ӧтмында.

54 удж. Лыдды кывъяссӧ.

Джек [зэк], дзоридз [z'ориз'], тшак [чак].

- 1. Кутшӧм коми шыяс оз паныдасьлыны роч кывйын?
 2. Гиж транскрибируйтӧм кывъяс. Визьнит роч кывйын паныдасьлытӧм шыяс.

55 удж. Лыдды.

- 1) Яла ягысь ёльö юны волö сюра йöра.
- 2) Арнас – купеч кодьöсь, тулыснад – корысь кодьöсь.
- 3) Кöдзыд водзын кодзувъяс ворсöны.
- 4) Войдөрлун и төрыт вöлі,
Талун эм и аски лоö.
Лоас гожöмын и төлын, –
Шондiкöд тшöтш сiйö волö.

- 1. Тöдмав, көнi нöдкыв, кывпесан, шусьöг, примета.
- 2. Кутшöм шы медтшöкыда паныдасьлö кывпесанын?
- 3. Тöдмав нöдкывсö. Бөрйы нöдкывйысь да гиж сöмын чорыд согласнöй шыяса кывъяссö.
- 4. Гиж öти сёрникузяысь кывъяссö слогъяс вылö юклöмөн.



Коми да роч кывйын шыяс, ударение да шуанног орчöдöм

56 удж. Лыдды. Тöдмав, текст-ö тайö. Абу кө, мыйла?

И со Галина Ведерникова киас босьтiс микрофон. Ме кывзi и шензи: мыйта төжд да вын колö пуктыны йöзлы, мед быдтыны да видзны град выв пуктас. Сiйö висьталiс, мыйöн тöдмöдас республикаса олысьясöс талунъя сёрниын. Журналист висьталiс видз-му овмöсын чукөр-мöм быдтас видзöм-дöзьöритöм, локтан во кежлö көйдыс заптöм да бурмöдöм йылысь. Шыясис «Коми гор» радио. Микрофон водзын сёрнитiсны видз-му овмöс вöдитысьяс, агрономъяс, быдтас да көйдыс дöзьöритысьяс.

- 1. Веж местанас дзугöм сёрникузяяссö. Лöсьöд йитö-да текст да бурмöд сiйöс.

2. Юрнимав текстсö.

3. Инды текст артмöдысь йитана кывъяс: и, да, мед кывйитöдъяс; сійö нимвежтас; **Галина Ведерникова, журналист.**

4. Аддзы рочысь пырöм кывъяс, көні

– шыясыс абу вежсьöмаöсь;

– шыясыс вежсьöмаöсь.

5. Мый серти тэ тöдмалін рочысь пырöм кывъяссö?

57 удж. Орчöд роч да коми кывъяссö. Лыдды найöс. Аддзы на костысь торъялöмсö.



Кресло – креслö, колесó – көлеса, зёркало – зеркалö, колобок – көлöб, огурец – öгуреч.

Сахар – сакар, сухарь – сукар, купальница – купальнича, купец – купеч.

• 1. Öткодя-ö юргöны кыв параясыс?

2. Кутшöм вежсьöмъяс лоöны роч кывсö комиö вуджöдигөн?

3. Кывкортáв, мый лоö рочысь пырöм **ф, х, ц** шыяса кывъясын.

4. Вайöд рочысь пырöм некымын кыв.

5. Гиж. Петкöдлы шы вежсьöмсö.

Вöч тадзи: **ц→ч: КОЛЬЦО – КОЛЬЧА.**



58 удж. Тодмав юржуглан да лыдды кывъяссö.



- Кызди вежсьöмаöсь шыясыс роч кывйысь комиö вуджигöн?

59 удж. Лыдды коми да роч кывъяссö.

коми [с'] [з']	роч [с'] [з']
Семö	Семён
серам	сéно
зильгöм	зима́

- Торъялöны-ö [с'] [з'] шыясыс роч да коми кывъясын?

60 удж. Лыдды коми да роч кывъяссö, орччöд ударениесö.

коми	роч
машина	машинá
коса	косá
пöнар	фонáрь
театр	теáтр

- 1. Мыйöн торъялö ударениеыс роч да коми кывъясын?
- 2. Содты ударениеöн торъялана кывъяс.

61 удж. Аддзы да гиж «Комиа-роча велöдчан кывкудйысь» либö юав бать-мамыдлысь рочысь пырöм 6 кыв.

62 удж. Шу кывъяссö комиöн, а сэсса рочöн.

Лавка, Морозов, Сирвад, Югыдъяг, Сюзяыб, Аныб.

• Кутшöм шыяс торъялöны шусянногнас коми да роч кывъясын?

63 удж. Лыдды роч да коми кывъяс.

Ограда → öграда, кольцо → кольча, косá → кöса, ведрó → ведра, Акси́нья → Öксинь, Алексе́й → Öльöксе́й, очки́ → öчки, колесо́ → көлеса; Андре́й → Öндрей, стекло́ → стеклö, ме́сто → места.

• 1. Рочысь комиö пырöм кывъясын лоисны шы вежсьöмъяс. Гөгөрвоöd вежсьöмъяссö.

2. Гиж кыв параяссö куим чукөрö юклöмөн шы вежсьöм серти.

а→ö	о→ö	о→а
Александр → Öльöксан	диво → дивö	ведро → ведра



64 удж. Лыдды роч кывъяссö.

Шкаф, фона́рь, са́хар, хозя́ин, цепь, кольцо, больни́ца, плац, щётка.

- 1. Гиж коми кывъяссö.
- 2. Прöверит уджтö.
- 3. Лöсьöд кык сёрникузя.

шкаф – шкап



65 удж. Лыдды кывъяссö.

Концерт, сцена, сарапан, ситеч, тупли, сигудöк, сылан котыр.

- 1. Гөгөрвоод кывъясылысь гижанногсö.
- 2. Сетöм кывъяснас лöсьöд сёрникузяс сідз, мед арт-мис текст.
- 3. Текстсö юрнимав.



66 удж. «Мыйла пырöмаöсь роч кывъясыс коми кывйö?» тема вылö лöсьöд мöвпалана висът.



Согласнöйяс бöрын і да И шыпасъяс гижöм

67 удж. Колана ногөн лыдды шыпасъяссö.

д	п	р	л	м	б	з	в	н	к	с	ж	т
---	---	---	---	---	---	---	---	---	---	---	---	---

- 1. Кутшöм шыпасъяс бöрын колö гижны чута і? Гиж тайö шыпасъяссö?
- 2. Гиж і шыпаса б кыв.
- 3. Прöверит гижанногсö «Коми орфография кывкуд» серти.

68 удж. Лыдды кывъяссö і да и шыпасъяс содталö-мөн.

З...ль, тур..., в...дз, öм...дз, дзурт...с, вай...с, час..., с...з...м, ляпкыд...н, т...ян, быдм...с, ч...зыр, зарн... .

- 1. Гиж кывъяссö чутъяс местаö і да и шыпасъяс пукталöмөн.
- 2. Висътав, кутшöм шыпасъяс бöрын оз гижсыс чута і.



69 удж. Лыдды нöдкывсö да тöдмав.

Пöдса öшиньыд кöть восьса,
Сійö тэнсьыд унтö босьтас:

Лунтыр нюмсö вöзъяс тэд.
Рытöдз керкаысь оз пет.

А. Ванеев

- 1. Инды сöмын коми кывйын паныдасьлысь шыпасъ-
яса кывъяс.
- 2. Гиж ö шыпаса кывъяс да вайöд тайö жö шыпаснас
4 кыв.
- 3. Гөгөрвоод тöдчöдöм кывъясыслысь гижанногсö.

70 удж. Лыдды колана шуанногөн.

Шонді

Шонді лунтыр шöйтö, мудзö.
Вөр ді сайын сійö узьö.
Садьмас, кöдзыд ваөн мыссяс,
Енэж шөрöдз сэсся кыссяс.
Вердö, юкталö да шонтö,
Ставсö вöчö удал шонді!

С. Попов

- 1. Аддзы вуджöдан вежöртаса кывъяс.
- 2. Кыдзи гөгөрвоан удал шонді кывтэчас ? Мыйла
шондісö тадзи шуöма гижысьыс?
- 3. Аддзы öтсыма юкöдъяса сёрникузяссö.
- 4. Гиж схемалы лöсялан öтсыма юкöдъяса сёрникузя:
[Ö, Ö да Ö, Ö]
- 5. Текстысь инды жöвъялö, збой кывъяслы матын
вежöртаса кывъяс.
- 6. Гөгөрвоод мыссяс, кыссяс кывъяслысь гижанног-
сö.



71 удж. Лöсьöд сёрни «Быдöнлы колö шонді» тема
серти. Ас сёрниö пырт öтсыма юкöдъяса сёрникузяс.

КЫВЛӨН ТЭЧАС



**Кыввуж. Өтвужъя кывъяс да кыв формаяс
Кыввужйын содтана [й], [к], [м], [т] шыяс**



72 удж. Төдмав юржуглансö.

Кисъмывла ме гожом шöрын.
Быдөн мела копыртчö.

«К» кö содтан, аддзан вöрысь:
Лыска пу ме быдма.

«Д»-өн «к»-сö вежан кор,
Пуктан сэтчö любöйтор.

- 1. Гиж төдмалөм кывъяссö.
- 2. Веж кывъяссö: *оз – озйыс, коз – ..., доз – ...* .

73 удж. Лыдды кыв параяссö. Төдмав, кöни кыв формаяс, а кöни өтвужъя кывъяс.

Пас – пасъяс. Пасйис – пастор. Пас – пасöдз.

74 удж. Лыдды.

Геннадий Анатольевич Юшковлөн геройясыс төдсаöсь да гөгөрвоанаöсь миянлы. Тайö шмонитысь Макар Васька, мудеркодъ да дышиник Юра, ссылан-кывйысь коми ань, кыв-зысьтөм Миша да Вöрса пöль, уджач да став понда кывкутысь Прокö Васька



да уна мукөд сиктса йөз. Найө олөны гижөдъясын, ёртасьөны да вензьөны, төждысьөны да майшасьөны быдлунъя олөмын. Геннадий Анатольевич Юшковлөн геройясыс мусаось да донаось лыддысьысьлы.



• 1. Корсь кыввужйын содтана [й], [к], [м], [т] шыяса кыв.

2. Вайөд йөзкостса лөсялөмъяс петкөдлысь кадакывъяс.

3. Инды текстысь мортөс донъялан кывъяс.

4. Аддзы гижөдысь сьылөм, кыв, олөм, мудер, удж, сикт, ёрт кывъяслы өтвужъя кывъяс да гиж найөс.

5. Вайөд дыш кывлы өтвужъя кывъяс.



75 удж. Лыдды кыв параяссө.

Ыджыд – ыдждөдны, вольөс – вольсавны, гөтыр – гөтрасьны, гөгөр – гөгравны, чукыль – чуклявны.

• 1. Мыйөн торъялөны кыввужъясыс?

2. Кыввужйын кутшөм лоөмторйөн тэ паныдасин? Вөч кывкөртөд.

3. Гиж кыв параяссө, аддзы да инды кыввужсө.

Вөч таdzi: **Ыджыд** – **ыдждөдны**.

БОСЪТ ТӨД ВЫЛАД!

Эмакывъясысь кадакывъяс артмөдигөн кык слога кыввужъясысь усьөны [ө], [ы], [и] шыяс. Кыввужйыс сэки дженьдаммө.

Гөгыль – гөгльөдлыны, **чепөль** – чеплявны, **нюгыль** – нюгльөдлыны, **козин** – козьнавны.



76 удж. Лыдды кыв параяссö.

Синма – синтöм, зепта – зепсьыс, гöптын – гöпъяс, нитштöм – нитшкалöма, тупыль – туплясьö, чукыр – чукравны, чепöль – чеплясьны.

- 1. Инды быд кывйысь кыввужсö.
- 2. Вöч кывкöртöд кыввужйын паныдасьлысь шыясын лоöмторъяс йылысь.
- 3. Кутшöм шы вежсьöмъяс эмöсь кыввужъясын?
- 4. Шыяслөн кутшöм петкöдчöмъяс паныдасьлöны кыввужйын?



Кывдін да кыв вежлалан суффиксьяс



77 удж. Видзöд таблицасö.

кыв	кыввуж	кыв артмö-дан суффикс	кыв вежлалан суффикс
челядълöн	челядь	–	-лöн
ошпиöс	ош	-пи	-öс
вöраинъяс	вöр-	-а, -ин	-яс
ньöбыштöны	ньöб-	-ышт	-ö, -ны
доймö	дой-	-м-	-ö

- Бөрйы öти удж да вöч сійöс:
 - 1 удж. Таблица вылö видзöдöмөн видлав кыв тэчас серти школалы, ёртъяскöд кывъяс.
 - 2 удж. Таблица вылö видзöдöмөн видлав кыв тэчас серти школалы, ёртъяскöд, гижалöны, висьталö кывъяс.
 - 3 удж. Лöсьöд сетöм кывъясөн нейджыд висьт.



78 удж. Юклы сетом кывъяссö кык чукөрö да прöверит уджтö.

- 1) Небöгысь, гортись, вузасьысь, велöдысь, биысь.
- 2) Вижöсь, съödöсь, номйöсь, мичаöсь, турунöсь.

79 удж. Лыдды кывъяссö.

Чери, коли, быри, воши.

Олö, узьö, мегö, сотö.

Вотан, полан, кушман, садьман.

Нуин, шуин, кöин, вöчин.

Биа, пача, локта, кöсаа.

Пöчлön, вөнъön, чышъянön, беддён.

- 1. Аддзы суффикс серти лöсявтöм кыв.
- 2. Прöверит уджтö.

80 удж. Лыдды кывъяссö.

сёрмыны
кöмасьö
корсьö
ола
мöвпалан
нуыштi
узи

чышъянасьö
чинö
ытшка
пуыштi
дышмыны
босьтi

сёрмыны –
дышмыны

- 1. Корсь мöд кыв чукöрсьыс воддза чукöрын сетом кывъяслы тэчас серти лöсялана кыв.
- 2. Гиж öткодь тэчас кывъяссö параясөн.
- 3. Кутшöм кывлы эз сюр парыс да мыйла?

81 удж. Лыдды Геннадий Юшковлысь гижӧдсӧ.

Небыда лайкъяліг лэбӧны дед да Миша. На улын помтӧм-дортӧм парма. Сэні пуясыс посниӧсь, истӧг тув кузяӧсь. Ёльясыс кӧв кодъ вӧсниӧсь. Сэтшӧма ставыс дзольяммӧма, сэтшӧм выліті лэбӧ Вӧрса дед.

Полӧмыс Мишалӧн вочасӧн быри, сьӧлӧмыс заводитіс тіпкыны важ ногыс.

– Кытчӧ нӧ менӧ, дедӧ, лэбӧдан? – юалис Миша. – Ӑні ӧд позьӧ нин висьтавны.

– Ме тэно кӧсья вайӧдлыны сэтшӧм муясӧ, кодъясӧс тэ некутшӧм карта вылысь он аддзы, – вочавидзис дед. – Медводз ми суетлам Дышладорӧ.



Парма – вылыс местаын козьяин.

- 1. Юрнимав гижӧдсӧ.

2. Мый ӧткодыс тэчас боксянь ёльясыс, муясӧ, лэбӧны кивъяслӧн?

3. Бӧрйы ӧти удж да вӧч сійӧс:

1 удж. Видлав тэчас серти лэбӧны, быри кивъяс.

2 удж. Видлав тэчас серти юалис, суетлам кивъяс.



82 удж. Аддзы кыв юкӧнъяссӧ да артмӧд кивъяс.

1) \frown кӧмтӧг ^ сапӧгасьны ⊡ виччысьӧ	2) \frown висьтавны ^ ньӧбыштны ⊡ ола
3) \frown узыны ^ би ⊡ кори	4) \frown гым ^ висьталіс ⊡ лыддьӧ

• 1. Гиж артмӧм кивъяссӧ, инды кывдін да кыв вежлалан суффиксъяссӧ.

2. Прӧверит уджтӧ.



83 удж. Аддзы тэчас боксянь лөсявтөм кыв параяс.

1) Чунь – гыж, вужъяс – коръяс, мөслы – мөслань, пыкөд – пыка.

2) Мунө – нуө, запто – заптоны, йөкта – пета, усис – йирис.

3) Гижа – гажа, өшиньялань – өшиньясьянь, сарапана – чышъяна, лэба – йөтка.



84 удж. Лыдды кывъяс да кывтэчасьяссө.

Ош да ошпийан, гожся лун, ты бок, лежнөг куст, тшак вотысь, сьөлөмөй коклябөрөдз лэччис, котөртисны.

• 1. Кутшөм сикаса текст позьö лөсьöдны сетөм кывъяснас?

2. Лөсьöд текст да лөсьöдчы висътавны ёртъяс водзад.

85 удж. Лыдды Василий Лодыгинлысь кывбурсö да велöдчы гижны юрвежсьыд.

Узьö йөра, узьö көч,

Пемыд вöрас мед оз вош,

Оз нин көин весиг жöдз.

Дугдiс ветлöдлөмысь ош.



86 удж. Лыдды текстсö.

Чери кыйысь ош

Гожся кадö тундраын шондiыс оз и саявлы. Öти югыд войö ми Гришакöд мунiм ты дорö.

Ты мөдарас кылiс булькөдчөм шы. Ми кутiм синъясөн корсьны булькөдчысьсö. Но матын некод эз тыдав. Сэсся бара кылiс ваö бузгысьöм. Ёрткөд бурджыка видзöдлiм гөгөр. Тыысь петысь векныдик шор дорын ветлöдлiс ош. Сiйö ...

Варгылъ кокыд эз аддзы мянӧс. Сійӧ сувтыштліс бӧр кок вылас да ӧдӧбтӧмӧн уськӧдчис ваас. Тадзи сійӧ кыйис чери.

Недыр мысти ошкыд мянӧс казяліс. Сувтіс кок вылас да гыжъяснас сяркнитіс. Кӧнкӧ кыліс понъяслӧн увтӧм шы. Чери кыйысь ошкыд пелька шыбитчис бӧрвыв да регыдӧн воши берегдорса бадь кустъясӧ.

Л. Палкин серти

- 1. Кывйӧн серпасав руд ошкӧс да содты мӧд юкӧн помас неыджыд текст-серпас.
- 2. Висьт серти дасьты план.
- 3. Висьтсӧ лыдды мӧдысь да уськӧд тӧд вылад кывъяслысь гижанногсӧ: **эз аддзы, булькӧдчӧм, уськӧдчис, мысти, шыбитчис бӧрвыв, берегдорса.**
- 4. Гиж творчествоа изложение да прӧверит уджтӧ.



87 удж. Комиӧд текстсӧ.

Бурый медведь – сильный и крупный зверь. У него жёсткая длинная шерсть, на голове небольшие уши. Ноги толстые, на широких лапах длинные и острые когти. Медведь может быстро бегать, стоять на задних лапах, ловко лазить по деревьям.



Кыв артмӧдан суффиксьяс

88 удж. Лыдды гижӧдсӧ.

Туисыд ӧд абу чуман. Чашнитӧм сямӧдтӧ бӧр он кусынт да вурлы. Туис вылӧ сямӧдсӧ колӧ дзоньнас перйыны. Сэки сямӧдыс оз пот ни оз розяв, парчыс весиг оз веськав.

Коктөм Көсьта да Васька кайисны керасө, пөрөдісны зэлыд сүмөда кыз да чинталісны сійөс. Сэсся косьмөм коз мырйысь юкалісны дас кымын дзав, ёся вөлалісны найөс. Сюялісны дзавъяссө сүмөд улас. Көсьта чернас небыдика кучкышталіс кыз чуркасө, бөр кыскаліс дзавъяссө. Кыкнан кинас ньөжйөник да вынысьөн бертовтіс сүмөдсө. Сүмөдыс торъяліс дзоньнас гөгыльнас, шлюв кыскыссис.

Г. Юшков серти



Парч – абу шылъыд (парча кыз).

Дзав – вөсньыдик пугтор.

• 1. Бөрйы лөсялана юрним: **Коктөм Көсьта да Васька. Туиспу корсьөм. Туиспу дасьтөм. Туис вылө сүмөд дасьтөмыд – сьөкыд удж.**

2. Мый важ йөз вөчлывлісны сүмөдысь? Кужлісны-ө важ йөз видзны вөр?

3. Мыйла Көсьталы сетлөмаөсь татшөм прөзвищө? Мый серти важ коми сиктын сетлісны прөзвищөяс?

4. Төдмав да гиж, кутшөм кывсикасысь артмөмаөсь керас, ёся, косьмөм, небыдика кывъяс, аддзы кыв артмөдан суффиксьяссө. Инды кывдінсө.



89 удж. Лыдды кывъяссө.

Олөм, нюраин, сылысь, вотөс, косін, пывсян, чөскыдтор, пыкөд, көдзыдін.

• 1. Төдмав, кутшөм кывсикасьясысь артмөмаөсь кывъясыс.

2. Юклы кывъяссө артмөдысь кывсикас серти кык чукөрө, скобкаын гиж артмөдысь кывсө:

1) артмөны кадакывйысь: *олөм (овны), ...*

2) артмөны кывбердысь: *нюраин (нюра), ...*

3. Прөверит уджтө.

90 удж. Лыдды кывъяссö.

гöп

нитш

гыж

нöк

зеп

- Бөрйы öти удж да вöч сйöс:

1 удж. Сетöм кывъяссы артмöд кывбердъяс да гиж.

2 удж. Сетöм кывъяссы артмöд кывбердъяс, лöсьöд кывтэчасъяс да гиж найöс.



91 удж. Лыдды кадакывъяссö.

Вузасыны, вöравны, чери кыйны, ньöбасыны, вöчасыны, гижны.

- 1. Кадакывъяссы артмöд керöм-вöчöм серти морт ним.
- 2. Кутшöм суффикс отсöгөн артмисны эмакывъяс-ыс?
- 3. Гиж эмакывъяссö да инды суффикссö ^ пасөн.
- 4. Лöсьöд «Быд удж ас местаас колана» юрнима мöв-палана текст.

92 удж. Лыдды кывтэчасъяссö чутъяс местаö паныд вежöртас артмöдысы суффиксъяс содталöмөн.

Вевта дозмук – вевт... дозмук, матыстчыны грезд-лань – ылыстчыны грезд..., серпаса гырнич – серпас... гырнич, дöмастöм паськöм – дöмас... паськöм, пырны чомйö – петны чомй... .

- 1. Бөрйы сöмын паныд вежöртаса кыв артмöдан суф-фиксъяса кывтэчасъяссö да гиж.
- 2. Петкöдлы лöсялана пасөн паныд вежöртаса суф-фиксъяссö.



Кыв юкӧнъяс. Тэчас сертиыс кыв видлалӧм

93 удж. Лыдды Виктор Напалковлысь гижӧдсӧ.

Том йӧзлӧн важся олӧмысь

Важӧн том йӧз гажӧдчылісны ёнджыка Ен праздник лунъясӧ. Гаж мунліс мича Эжва берегын гудӧк шы улӧ.

Ичӧтик Пармачурк грездысь том йӧз гудӧксӧ синнас эз аддзывны. А сигудӧкыд вӧлі быдӧнлӧн. Гажӧдчыны чукӧртчывлі-



ны Изъяю берегӧ. Найӧ ворсісны медся гора да мича шыа гум пӧлянӧн. Татшӧм ворсанторъясыс вӧвлісны и челядълӧн.

Тӧвся рытъясӧ том йӧз чукӧртчывлісны войпукны. Войпукигӧн нывъяс печкисны, кысисны. Кыисны уна сера чувки, кепысь да шапкаяс. Войпук дырйи том войтыр мойдісны, нӧдісны, сьылісны, печласисны кывйӧн да ворсісны ӧта-мӧдыскӧд.



Чурк – мыльк.

Печласьны кывйӧн; синнас эз аддзывны.

- 1. Кыдзи важӧн гажӧдчылісны том йӧз?
- 2. Аддзы шылад инструмент нимъяс.
- 3. Бӧрйы ӧти удж да вӧч сійӧс:

1 удж. Инды текстысь ӧтвужъя кывъяс, гиж найӧс да прӧверит.

2 удж. Видлав тэчас серти ворсісны, тӧвся рытъясӧ, сера кывъяс.

3 удж. Бӧръя сёрникузясъыс аддзы ӧтсыма юкӧдъяс да петкӧдлы схемаӧн.

94 удж. Видлав кывъяссö тэчас серти.

- 1) Нылук, котралö.
- 2) Пöвйыс, корйыс, потшкыс, нитшкыс.

- 1. Кутшöм сьöкыдлунöн тэ паныдасин кывъяссö тэчас серти видлалігөн?
- 2. Шыяслөн кутшöм вежласьöмъяс паныдасисны тайö кывъясас?



95 удж. Лыдды. Донъяв Öльöксанлысь вочавидзöмсö мөвпалана текст отсöгөн.

Пув да **пувйöсь** кывъяс оз лоны öтвужъяön, сы понда **мый** öти кывъяс кыввужйыс **пув**, а мөдас – **пувй-**.

96 удж. Лыдды. Вайöd тэчас серти лöсялана кывъяс да гиж.

Лог, мыльк,

Нитшкаин, турунаин,

Томлун, збойлун,

Позйысь, горсйысь,

ЛОГ
МЫЛЬК
СИКТ



97 удж. Лыдды Сергей Куликовлысь кывбурсö.

Ноябр

Йизьöм моски – вывтi гылыд,
Лымйöн тырис керка дор.
Миян öшинь стеклö вылö
Пуксис мича йи узор.

- 1. Аддзы кывбурысь öтвужъя кывъяс.
- 2. Вайöd кывъяс, мед сэні вöлі сöмын öти кыввуж.

ЭМАКЫВ



Эмакыв. Эмакывлөн вежортас

98 удж. Лыдды гижөдсө, төдмав темасө да юрнимав.



чалькост



весьт



сыв



содз

Водзті йөз мерайтісны асгөгөрсә предметъяс, сёян-юан мера да ыджда мортлөн ки-кок да туша-мыгөр ыдждаясөн. Кизьөртөр да изөмтор мерайтісны содзөн, кабырөн да чепөльөн. Турун кө зорөдын, лыддывлісны чалькостөн, зорөдтөмөс – мездорөн. Кузъта да пасъта мерайтісны весьтөн, воськолөн да сывйөн, ылна – чомкостөн.



Весьт – ыджыд да индан чунь кост.

Сыв – кузъта мурталан единица, кык киён сывйыштөм-шымыртөм кызта.

Чалькост – зорөдын кык майөг кост турун.

Чомкост – коми вөралысьяслөн да чери кыйысьяслөн ылна пасъян мера; өти чом дорсянь мөд чом дорөдз 5–7 верст гөгөр, кык вөралан керка кост.

• 1. Кутшөм ыджда, пасъта, сьөкта мерайтан кывъяс тэ төдан?

2. Кытысь позьö тöдмавны мера петкöдлысь кывъяс йылысь?

3. Корсь эмакывъяссö.

4. Гөгөрвоод соддзөн, туша-мыгөр, кизьörtор кывъяслысь орфограммасö. Вайöд гижанног правилöсö.

5. Гиж ыджда да мера петкöдлысь эмакывъяссö ним-тан вежлöгын.



99 удж. Бөрйы пемöсьяслы лöсялана нимъяс.

Нетко	мöс
Катшыс	вöv
Сюрань	пон
Петя	кань
Мурка	петук

Сюрань мöс

- 1. Кутшöм нимъяс вуджöмаöсь роч кывйысь?
- 2. Содты пемöс нимъяссö.
- 3. Позьö-ö тöдмавны пемöсöс сылөн ним сертиыс?
- 4. Гиж пемöсьяссö налы лöсялысь нимъясөн.
- 5. Бөрйы öти пемöс да висьтав сы йылысь.



100 удж. Инды лöсявтöм кывсö.

- 1) Бипур, öдзöс, öшинь, йирк.
- 2) Пув, сэтөр, пожöм, оз.
- 3) Вөркута, ю, Туискерöс, Помöсдин.
- 4) Во, лым, асыв, вежон.
- 5) Ном, лыс, мазі, сиргаг.

101 удж. Лыдды текстлысь шöр юкөнсö.

Ыджыд из вывсянь, сапöгсö пөрччитөг, Родион кöтöдис чужöмсö, сылисö, зу кодь гөгрöс руд тошсö. Ки пы-

дöснас некымынысь гумовтіс да чурснитіс сөдз васö. Медся ляпкыдінас шуксисны арпиян. Ем пыс кодь посни син-нас найö быттö веськыда видзöдісны Родионлань. Кинас резыштöмөн зон повзöдіс арпиянöс. Арпиян тювмунісны джуджыдінö. И сэк жö ыджыд чукөрөн бөр уськөдчисны береглань.

В. Напалков



Зу – чукөрөн топыда көрталөм порсь тшötть, юрси сыналантор.

- 1. Паськыд али векныд темаыс текстыслөн? Кутшöм сикаса текстыс?
- 2. Юрнимав текстсö.
- 3. Аддзы эмакывъяс, юклы найöс кык пельö **коді?** да **мый?** юалöмъяс серти.
- 4. Инды **-ин(-ін)** суффикса эмакывъяс.
- 5. Аддзы текстысь кыввужйын **й, к, м, т** содтысян шыяса эмакывъяс. Гөгөрвоод, кыдзи тэ төдмалін найöс.
- 6. Вайöd матын вежортаса кывъяс **уськөдчисны, шуксисны, сөдз** кывъяс дорö.
- 7. Дасьтысь да гиж диктант.



**Эмакывлөн нимтан, асалан, босьтан, сетан
вежлөгъяс**

102 удж. Лыдды текстсö.

Важ коми йöзлөн эскöм

Комияслөн пöль-пöч вöлісны язычникъясөн. Найö эскисны асланыс енъяслы – идолъяслы. Стефан Пермский олöм йылысь гижöдын висьтавсьö, мый йöз кевмылісны идолъяслы.

Коми войтыр вайлывлісны идолъяслы козин пыдди медбур да меддонаторсö – сьöдбöж, тулан, руч, ош, вөркань куяс. Козьнавлісны и дона металлъясысь, бронзаысь да кöртысь мичмöдчанторъяс.

Енъяслысь йöз корисны отсöг вöравны да чери кыйны мунігөн.



Идол – морт мыгöра да морт судта пуысь вöчöмтор.

Язычник – Кростослы эскöмö пыртöдз вөр-валы эскысь морт.

• 1. Кызди тыдовтчö важ йöзлөн олөм-вылөмыс Коми Республикалөн канпасын да юркар гербын?

2. Тöдмав эмакывъяслысь вежлөгъяссö. Кутшöм кывъяслысь вежлөгсö тöдмавны отсалöны кадакывъяс?

3. Бөрйы öти удж да вöч сійöс:

1 удж. Аддзы нимтан, асалан, босьтан да сетан вежлöга эмакывъяс да гиж найöс.

2 удж. Гиж текстысь кадакывъяссö асалан, сетан да босьтан вежлöга эмакывъяскöд. Эмакывъяс дорö сувтöд юалöм. Инды суффиксъяссö.

103 удж. Лыдды кывбурсö.

Мыйла муса мем Коми муыс –
Джуджыд пармаыс, Сыктыв юыс?
Вöлі бать-мамлы муса пиөн.
Гашкö, муыс мем дона сійөн?

В. Тимин

• 1. Аддзы аснимъяс.

2. Кутшöм юяс республикаысь тэ тöдан?

3. Кывбурö пыртöм кутшöм кывсикасъяс тöдсаöсь тэныд? Висьтав найöс.

4. Бөрйы өти удж да вöч сійöс:

1 удж. Аддзы сетан вежлöга эмакыв да гиж сійöс.

2 удж. Сувтöд парма кыв асалан, босьтан да сетан вежлөгъясö.

104 удж. Лыдды кадакывъяссö.

Козьнавны ... , юавны ... , висьтавны ... , мырддыны ... , босьтны ... , отсавны ... , петкөдлыны ... , аддзывны

• 1. Юалöмгъяс отсөгөн вайöд кадакывъяс дорö лöсялана вежлөгын эмакывъяс: **вок, ёрт, чой, велöдысь.**

Вöч тадзи: *Козьнавны (кодлы?) – воклы, ёртлы, чойлы, велöдысьлы.*

2. Вайöд юавны, босьтны кывъяслы паныд вежöртаса кывъяс.

3. Гөгөрвоод аддзывны кывлысь гижанногсö.

4. Лöсьöд 2 сёрникузя.



105 удж. Тöдмав юржуглан эмакыв вежлөг юалöмгъяс серти.

1. Коді? Мый?

2. Мыйöд? Мыйті?

3. Кодөн? Мыйөн?

4. Кодö? Мыйö?

5. Кодлы? Мыйлы?


6. Кодысь? Мыйысь?

7. Кодсянь? Мыйсянь?

8. Кодлөн? Мыйлөн?

9. Кодын? Мыйын?

10. Кодлань? Мыйлань?



106 удж. Ёртыдкөд лöсьöд морта-морт сёрни дöрапас да герб йылысь.



Керан да керанторъя вежлөгъяс

107 удж. Лыдды кывбурсö.

Регыд гажöн шызясны **кыръяс**.
 Даддьöн-лызьясöн волькмöдамöй **чай**.
 Мед нö шоныд **вольпасьöн**
 Кынмöм **мусö** вольсалö
Лымйыс лун и вой.

А. Мишарина

- 1. Аддзы вуджöдан вежöртаса кывъяс.
- 2. Тöдмав торйöдöм эмакывъяслысь вежлөгсö.
- 3. Кыдзи тэ тöдмалін **чай** эмакывлысь вежлөгсö?



108 удж. Мөвпышт, кодi öшыбкатөг индiс сёрникузьяысь подувпассö.

Нельöд класса челядьлы велöдысь сетiс удж: «*Шондi югдöдö му*» сёрникузьяысь индыны подувпас. Лена гөгөрвоöдiс тадзи: «Сёрникузьяын **шондi** кыв лоö подувпасөн». Катя лыддьö, мый тайö сёрникузьяын **му** кыв лоö подувпасөн.

109 удж. Лыдды Михаил Елькинлысь кывбурсö.

Төвся олём

Кöть луныс дженъыд, эштам шондi пыртöдз
 И исласьны, и ворсны эбöс быртöдз!
 Мед кöтасям и кынмам, но ог кылöй...
 Ак, кутшöм муса тöлын ывлавылыс!

Сэзь төвся рытөн вежсяс сэсся луныс –
 Сэк вöлись шоныд гортъяснымö мунам.
 Шань пöчлысь мойдсö кывзам паччөр вылын,
 Ог гажтöмтчöй, кöть тулыс зэв на ылын.



- 1. Кутшөм сьөлөмкылөм чужис тэнад тайё кывбурсё лыддигөн?
- 2. Аддзы эмакывъяс да төдмав налысь вежлөгсө.
- 3. Инды кад петкөдлысь эмакывъяс да гиж найөс.
- 4. Петкөдлы кыв вежлалан вежлөг суффиксьяссө.



110 удж. Төдмав, кутшөм вежлөг оз тырмы.

А	В	Д
?	Босьтан вежлөг	Керан вежлөг



111 удж. Лыдды да төдмав нөдкывсө.

Лои көдзыд, кынмис ю,
 Еджыд эшкын улын му.
 Көть и петавлывлө шонді,
 Сійө ньөти дзик оз шонты.
 Висьтав, другө, кутшөм кадө
 Төвзян лызьөн либө даддьөн?

Г. Торлопов

- 1. Төдмав эмакывъяслысь вежлөггъяссө.
- 2. Кутшөм вежөртасыс керанторъя вежлөггъяслөн?
- 3. Öтьведайт төлын поводдялысь вежсьөмсө да висътав сы йылысь.

4. Бөрйы өти удж да вöч сійöс:

1 удж. Видлав кыв тэчас серти кынмис, лызьöн кывъяс.

2 удж. Гиж бөръя сёрникузясö да визьнит керанторъя вежлöга эмакывъяссö. Сувтöд юалöмъяс.



Öтвывтан, торйöдан, могман вежлөгъяс

112 удж. Лыдды.

«Биармия» гижöдын лыддысысьсö Каллистрат Жаковкöд кытшовтö став коми пармасö. Сійö гижыськöд öтвыв нимкодьясьö войвыв пармаön, сэнi олысь звер-пöткаön, югыд сöстöм ваа юясön, вына да мича йöзön. Жаков геройяслөн олöмыс йитчöма войвывкöд. Со кызди сійö нимкодьясьö вөр-ва мичön:

Ыргөн кыря пожöм пуяс
Парма шöрын, сьöд вөр шöрын
Вашкöдчöны... Зумыш козъяс
Найöс кывзöны зэв чöла.



Биармия – легендаяс серти важ коми йöзлөн вына страна.

Ыргөн – гөрдов рöма металл; рочön: медь.

- 1. Мый тэ тöдмалiн Каллистрат Жаков йылысь?
- 2. Текстусь аддзы став эмакывсö. Мый отсалiс корсьны эмакывъяссö?
- 3. Бөрйы өти удж да вöч сійöс:
 - 1 удж. Корсь керанторъя вежлöга эмакывъяс да гиж найöс.
 - 2 удж. Аддзы öтвывтан вежлöга эмакывъяс да гиж найöс.

113 удж. Уськөд төд вылө «Коми кыв» велөдчан небöгысь 113-өд уджын сетөм К. Жаковлысь «Палалей олөмысь» гижөдсө.

Вөчны (*кодтөг?*) Вөчим (*мыйтөг?*) Ветлыны (*мыйла?*) Нимкодясим (*мыйөн?*)

Отсөг кывъяс: *Кирик, джыннан, сёй, көлөкөльня.*

- 1. Чутъяс местаö бөрйы лөсялана кыв.
- 2. Гиж кывтэчасъяссө.
- 3. Петкөдлы вежлөг суффиксъяссө.

114 удж. Лыдды эмакывъяссө да кадакывъяссө.

Ёрткөд, батькөд, зонкаястөг, битөг, пөлькөд, лызьтөг. Мунны, ворсны, иславны, серавны, ёртасыны, сёрнитны, тэрмасыны.

- 1. Төдмав эмакывъясслысь вежлөгъяссө.
- 2. Вежлөга эмакывъяс дорö бөрйы лөсялана кадакывъяс.
- 3. Гиж 5 кывтэчас.

115 удж. Лыдды кывъяссө.

Карандашла, песла, вокла, вала, йөвла, няньла.

- 1. Аддзы колана кадакывъяс могман вежлөга эмакывъяс дорö.
- 2. Гиж кывтэчасъяссө юалөм сувтөдөмөн.



116 удж. Лыдды кыв параяссө.

Сиктсаянь – сиктлань, мөслы – мөслысь, воккөд – воктөг, вөрö – вөрысь, косаөн – косатөг.

- 1. Төдмав, кызди лөсялөны өта-мөдыскөд сетөм веж-лөга кывъясыс.
- 2. Мый өткодыс кыв параяслөн?
- 3. Быд кыв дорө вайөд лөсялана кадакыв.



117 удж. Лыдды шусьөгъяссө.

Китуйтөг эн уджав, бордтөг эн лэбав.

Уджтөгыд и чаг он бергөд.

- 1. Кызди гөгөрвоан тайө шусьөгъяссө?
- 2. Адды торйөдан вежлөга эмакывъяс.




Ина, петан да пыран вежлөгъяс



118 удж. Лыдды гижөдсө.

Ывлаын рө-мыд на. Усьө гөн кодь небыдик лым, быттьө сынөдас лэбалөны бобувъяс. Гөгөр сэтшөм лөнь, быттьө ставыс узьө чөскыд унмөн.

Со ывлаыс югдіс. Ставыс лоис сэтшөм еджыд да



югыд! Лөсьыд татшөм лөнь луннас вөрын! Тэ мунан векныдык ордымөд. Кыкнан бокас сулалөны пуяс. Еджыд лымъя вожъясыс пашкырөсь. Корсюрө вожъяссыс лымйыс искөвтө да сьөкыда шнөпкысьө муө. А пу

вожъясыс дыр на лайкъялөны. Сынөдас дзирдалө лым бус. Месянь неылын вöрын тотшкөдчө сизь, чипсöны пыстаяс.

С. Раевский серти



Ордым – вöрын векныдик пода туй.

- 1. Юрнимав гижөдсö.
- 2. Кутшöм орчөдöмъяс пыртöма гижөдас лым усьöм-сö серпасалигөн?
- 3. Аддзы ина, пыран да петан вежлöга эмакывъяс.
- 4. Кыдзи тэ тöдмалін эмакывъяслысь вежлөгсö?



119 удж. Öтьведайт төвся вөр, аддзы мичкывъяс, орччөдöмъяс, вуджөдан вежөртаса кывъяс. Лöсьöд «Төвся мойд» текст-серпас.



120 удж. Лыдды шусьөгъяссö. Гөгөрвоод налысь вежөртассö.

1) Велөдчан – мортö воан. 2) Туйö кө он петав, нинöмö он велав. 3) Арын купеч кодьöсь, тулысын корысь кодьöсь. 4) Сиктын быд потшöс и майöг синмаöсь и пеляöсь. 5) Биысь пышйис да ваö веськаліс.

- 1. Сетöм шусьөгъяслы кутшöм лöсялана шусьөгъяс тэ тöдан роч кывйысь?
- 2. Аддзы ина, петан, пыран вежлөгъяса эмакывъяс, видлав найöс кыв тэчас серти.
- 3. Кыдзи лöсялöны ас костас пыран да петан вежлөгъяс? Мый висьталöны лöсялöм йывсьыс вежлөг нимъясыс?
- 4. Аддзы да лыдды паныд вежөртаса вежлөгъяса эмакывйөн сёрникузя.




121 удж. 121-өд уджысь бөрйы өти шусьог да лосьод висьт.

122 удж. Вайод паныд вежортаса вежлөгъясөн кывтэчасъяс.

Водны паччөрө – ..., шыбитны биö – ..., пыртны керкаö – ..., матыстчыны юлань –

123 удж. Лыдды кыв чукөръяссö.

Велöдысьлы, ёртлы, зонкалы.
Зөрйөн, шобдiөн, анькытшөн.
Тыясын, юясын, шорын.
Горсйысь, позйысь, гуысь.
Картаö, чуланö, гөбöчö.
Кепысьтөг, чышьянтөг, чертөг.



- 1. Кутшöм öткодьлунъяс эмöсь сетöм кыв чукөръяслөн?
- 2. Гиж кык кывчукөр, петкөдлы кыв вежлалан суффиксъяссö.
- 3. Лосьод кык сёрникузя.



124 удж. Комиод висьтсö.

Спас друга

Это было зимой. Стоял солнечный день. Коля и Миша пошли кататься с горки. Миша решил покататься по льду. Он выскочил на лёд и прокатился на ногах. Тонкий лёд не выдержал тяжести и провалился. Миша упал в воду. Он схватился за край льда и закричал. Мокрая одежда сделалась тяжёлой. Мальчик не смог выбраться из воды.

Коля услышал крик и бросился на помощь. Он осторожно пополз по льду и протянул Мише лыжную палку. Он вытащил товарища на берег. Так Коля спас своего друга.



125 удж. Лыдды висьтсö.

Витялөн медаль

Пуксис төв. Юяс да пруд вевттысисны вöсньыдик йиён. Öтчыд Витя мунис важ пруд дорö. Тані конькиён исласисны нывкаяс. Медся збой Зина нима нывка исковтис пруд мöдарас. Витя горöдис нывкалы. Но Зина быттö эз и кывлы горöдöмсö, исковтис водзö.

Друг йиис потис. Зина бузгысис кöдзыд ваö. Нывка лёкысь горöдис. Пöдругаяс чепöсйисны береглянь да кутисны ылісянь видзöдны. Зина мöдис кавшасьны йи дорыш вылö, но эз вермы. Йиис водзö чегъясис.

Нюжмасьны вöлі некор. Витя шыбитис коксьыс кöмсö, уськöдчис вöйысь нывка дінö да кыскис сійöс ваысь. Зина лöзöдтöдзыс кынмöма, пиньясыс зяткакылöны.

Мöд луннас Витяöс опшкисны школаын, гижисны сы йылысь газетö. Зиналөн мамыс воліс Витя ордö да пöся аттьöалис зонкаöс нывсö вöйöмысь мездöмысь. Кык тöлысь мысти Витялы карсянь ыстисны зэв мича медаль.

И. Изъюров серти

• 1. Кутшöм Витяыс? Мый вермисны гижны зонка йылысь газетö. Содты медбөръя юкöнас зонка йылысь 2–3 сёрникузя.

2. Висьт серти дасьты план.

3. Текстсö лыдды мöдысь да уськöд тöд вылад кывъяслысь гижанногсö: **вевттысисны, öтчыд, быттö, чепöсйисны, аттьöалис.**

4. Текстсы аддзы керанторъя, пыран да ина вежлӧ-га эмакывъяс.

5. Гиж изложение да прӧверит уджтӧ.



Матыстчан, ылыстчан, вуджан, воан вежлӧгъяс

126 удж. Лыдды сёрникузяяссӧ.

1) Йӧз чукӧр ылыстчис вуджанінсянь. 2) Поезд мунӧ войвывлань. 3) Юрсиктсянь нюжӧдчис чорыд веркӧса туй. 4) Бур туйӧд гӧсьтъяс кокниа журкнитісны карӧдз. 5) Турипувла мунігӧн лоӧ собны нюрӧд. 6) Тэрыб шоръяс визувтӧны юлань.

• 1. Аддзы матыстчан, ылыстчан, вуджан, воан вежлӧгъяса эмакывъяс.

2. Тӧдмав эмакывъясслысь вежлӧг вежӧртасьяссӧ.

3. Тӧдчӧдӧм кывъясслысь гӧгӧрвоӧд гижанногсӧ.

Отсӧг вылӧ вежлӧг вежӧртас сикасъяс:

1) предмет да места дорӧ локтӧм, матыстчӧм;

2) ӧти предметлысь мӧд предмет да места пыр мунӧм;


3) ӧти предметлысь мӧд предметӧдз, местаӧдз воӧм;

4) ӧти предметыс мӧд дорсыс либӧ местасыс мунӧ, торйӧдчӧ, ылыстчӧ.



127 удж. Тӧдмась таблицаӧн да содты вежлӧг ним.

Воан вежлӧг	Вуджан вежлӧг	?
3	2	1



Письмö

Пышкой, кодi төвнас висьмис,
Гижис ыли муö письмö:
«Видза олан, дона сырчик!
Мыйла он лок татшöм дыр тэ?
Сэтшöм гажтöм меным...
Важөн тэысь бырис ёна гажöй.
Оз-ö позь нин, муса ёрт,
Сэсся кольны лунвыв горт?
Вай жö тэрмась чужан мулань,
Медым öдйö воис тулыс.
Сытöг кöдзыд лым оз сыв».
Регыд воис вочакыв:
«Пышкой ёртлы медпöсь чолöм!
Гажмис весиг менам лолöй,
Кодыр лыдди тэсянь юör.
Талун-аски пета туйö».
Татшöм письмöыс кор воис,
Пышкой бурдiс, долыд лоис,
Быттö эз и вöвлы висьöм.
Со öд кутшöм овлö письмö!

- 1. Мыйла бурдiс пышкой? Лыдды та йылысь письмöсьыс.
- 2. Аддзы пыран, матыстчан да сетан вежлöга эмакывъяс.
- 3. Матыстчан вежлöга эмакывлысь тöдмав вежöртас-сö, видлав кыв тэчас серти.
- 4. Аддзы текстысь юöртана, юалана, чуксалана сёрникузяяс.
- 5. Кутшöм корöмъяс колö кутны тöд вылад письмö гижигөн?
- 6. Гиж письмö челядлы кутшöмкö лэбач нимсянь.

129 удж. Вайёд сетом кывъяс дорö лөсялана када-кывъяс.

... сиктлань – ... сиктсянь
... классö – ... классысь
... чойлы – ... чойлысь

чай юны кампетөн –
чай юны кампеттөг

- 1. Тодмав вежлөгсö эмакывъясыслысь.
- 2. Вöч кывкөртөд: мый выльторсö төдмалін вежлөгъяс йылысь?

130 удж. Инды эмакывъяс да төдмав вежлөгсö.

Төдан-ö тэ?

1) Гожöмын войвывлань мунигөн лунъясыс кузьджыкось, а войясыс дженъидджыкось. 2) Мортлөн вежöрыс медъёна сöвмö чужöмсянныс куим арöсөдз. 3) Вөрөд ветлигөн морт лолалö сөстөм сынөдөн да видзö дзоньвидзалунсö.



131 удж. «Мыйла коми кывйын уна вежлөг?» юалөм вылö лөсьөд текст-мөвпалөм.



Эмакыв артмөдысь суффиксъяс

132 удж. Лыдды сёрникузяяссö.

1) Радио пыр висьталöны **выльторъяс**. 2) Мупытшса куйлөдъяс **корсысьсöм** да **донъялөм** могысь Из дорö лөсьөдчöны мунны геологъяс. 3) Му **вөдитысьяс** водзвыв видлалöны да арталöны пуктысигкежлö кöйдыс вылö **видзанторъяссö**. 4) Сиктса войтыр арталöны скöt **видзанін** **вильмөдөм** вылö сьöм. 5) Посёлокын **олысьяслы** воссис компьютерөн **вөдитчанін**.

• 1. Төдмав, кутшом кывсикасысь артмөмаось төдчө-
дом эмакывъясыс.

2. Гиж төдчөдом кывъяссө, пасйы суффиксъяссө.

133 удж. Лыдды текстсө.

Öсиплөн вөраліг кежлө дасьтысьом

Чорыда кынмом да лымъялом бөрын вөралысьяс кутасны вөтлысьны звер-пөтка бөрся. Кыйсьом-вөралөмыс пармаын олысьяслөн вуджис көленаысь көленаө. **Вөраланногыс** нинөмон торья эз вежсы пөль-пөч дорысь.

Ягө петом кежлө Öсиплөн ставыс дась. Лызь пыдөссө выль куөн кышөма, мед чой паныдсө эз вильсйөдлы. Пищаль да пуля-порокыс эм.

Вөр керкаыс важ нин, но кутө на шоныдсө. А вот кыйдөс **видзаніныс**, тшамъяыс, абу на важ. Сійө сулалө джуджыд кокъяс вылын вөр керкаыскөд орччөн.

В. Напалков серти



Тшамъя – вөралысьяслөн джуджыд сюръяяс вылө лэптөм прөмыс видзан нейджыд керка.

- 1. Корсь текстсы өтвужъя кывъяс.
- 2. Висьтав, кызди артмөмаӧсь тӧдчӧдӧм кывъясыс.
- 3. Бӧрйы ӧти удж да вӧч сийӧс:

1 удж. Аддзы тэчас эмакывъяс да гиж найӧс.

2 удж. Видлав «*Кыйсьӧм-вӧралӧмыс пармаын олысь-яслӧн вуджис кӧленаысь кӧленаӧ*» сёрникузя юкӧдъяс да тэчас серти.

3 удж. Видлав **ягӧ** кыв шы да шыпас серти.

134 удж. Аддзы да гиж тырмытӧм кыв артмӧдан тшупӧдсӧ кыв чукӧръясыс.

чӧскыд	→	...	→	чӧскыдджыктор
повны	→	...	→	повтӧмлун
ляпкыд	→	...	→	ляпкыдджыкин
зэрны	→	...	→	зэрыштӧм (бӧрын)

135 удж. Аддзы кывлӧн тэчас боксянь лӧсявтӧм кыв-сӧ.

- 1) Шусьӧг, отсӧг, шойччӧг, курӧг.
- 2) Сьӧлӧм, сьылӧм, олӧм, локтӧм.
- 3) Узьысь, пӧрысь, пусьысь, шойччысь.



136 удж. Таблица серти («Коми кыв» велӧдчан небӧг, 65-ӧд л.б.) лӧсьӧд эмакыв артмӧм йылысь наука гижӧд да морта-морт сёрни.

Вӧч тадзи:

– *Кутшӧм суффиксъяс отсӧгӧн артмӧны эмакывъяс?*
 – *Эмакывъяс артмӧны -ӧм, -ысь, -ан, -тор, -ин, -ӧд, -ӧс, -ас суффиксъяс отсӧгӧн.*

– *Юмов кывйысь артмӧд эмакыв.*

– *Юмов кывйысь -тор суффиксӧн артмӧ юмовтор эмакыв.*

137 удж. Лыдды кывъяссö.

ку

кыйдöс

порок

кöрт

- 1. Артмöд сетöм эмакывъяссыс «ичöттор» да «этшатор» вежöртгаса эмакывъяс.
- 2. Гиж эмакывъяссö. Инды кыв артмöдан суффикссö да кывдінсö.

Вöч тадзи: *Вөр* → вөртор.



Эмакыв йылысь тöдöмлун вынсьöдöм

138 удж. Лыдды.

Республикаын юргö «Коми йöзкостса радио». Ставсö сэнi дасьтöны да нуöдöны комиöн.

«Рöдвуж ордын» уджтасын тшöкыда юргöны финн-йöгра кывъяс вылын сыланкывъяс да шылад. Видз-му овмöсын зiлысыяс юксёны радио кывзысыяскöд асланыс уджöн да майшасьöмъясöн. Радио пыр тшöкыда лыддьöны газет-небöгын йöзöдлытöм кывбуръяс. Шылад-драма театрö ветлытöг позьö кывзыны радио пыр спектакльяс.

Асывсянь сёр рытöдз юргö уна сикас коми сыланкыв. Тайö сылöм улас окота аслыд сывны-йöктыны. Тшöкыда позьö кывны нималана Лидия Логиновалысь сылöмсö. Сылөн мыла гөлöсыс кыпöдö радио кывзысыяслысь ловрусö.

- 1. Кывзывлан-ö тэ «Коми йöзкостса радио» передача?
- 2. Кыдзи тэ чайтан, кодi тшöкыдджыка кывзö «Коми йöзкостса радиосö»?
- 3. Инды текст сикассö, юрнимав.
- 4. Корсь уджысь тэчаса эмакывъяс.

5. Бөрйы өти удж да вöч сійöс:

1 удж. Аддзы да гиж ина да керанторъя вежлöга эмакывъяс.

2 удж. Видлав кыдзи кывсикас асывсянь кыв.

3 удж. Аддзы да гиж текстусь тэчаса эмакывъяс, гöгөрвоöd гижанногсö.



139 удж. Бөрйы өти тема да лöсьöд морта-морт сёрни.

1 тема: Радио пыр кывзöм уджтас.

– Кывзан-ö тэ радио?

– Кутшöм уджтас тэ радейтан кывзыны?

– Мый медъяна воис тэныд сёлöм вылад?

2 тема: Телевизор пыр видзöдöм уджтас.

– Видзöдан-ö тэ телевизор?

– Кутшöм уджтас тэ радейтан видзöдны?

– Кутшöм видзöдöмтор йылысь тэ кöсьян висътавны ёртъясыдлы?



140 удж. Лöсьöд да ысты «Коми йöзкостса радиоö» аслад сикт йылысь гижöд.

- 1. Кутшöм сиктын тэ олан?
- 2. Кутшöм ю дорын сулалö тэнад сиктыд?
- 3. Мыйöн нималö тиян сиктныд?

141 удж. Лыдды гижöдсö.

Дона «Коми йöзкостса радио»!

Ме пöся чолöмала ассьым вежаньöс, Нина Александровнаöс, чужан лунön. Менан муса вежаньöй комын во чöж нин уджалö челядь садйын. Сійö радейтö ассьыс уджсö да посни челядьöс.

Сиа менам дона мортлы дзоньвидзалун да шуд. Мед пыр сійö лоас татшöм жö шаньöн, кыпыд сьöлöмаöн да нюмбаанаöн.

Мед менам радейтана мортлы «Коми йöзкостса радио» пыр юргас Лидия Логиновалöн «Зиль-зель» сьыланкыв.

Водзвыв аттьöала мыла сьыланкывйысь.

Визин сиктса Полина Митюшева

- 1. Кодöс чолöмалö Полина Митюшева?
- 2. Мыйöн чолöмалö нывка ассъыс вежаньсö?
- 3. Инды шыöдчöм, чолöмалöм, бурсиöм, корöм.
- 4. Öткодьöсь-ö лоасны чолöмалöмъясыс мамлы да велöдысьлы? Мыйöн найö кутасны торъявны ?
- 5. Аддзы текстысь тэчас эмакыв.



142 удж. Гиж радиоö либö телевидениеö пöль-пöч-тö либö велöдысьтö чолöмалан гижöд татшöм тэчас серти:

- 1) Радиоын либö телевидениеын уджалысьяс дорö шыöдчöм.
- 2) Чолöмалöм.
- 3) Чолöмалан морт йылысь неуна висьталöм.
- 4) Бурсиöмъяс.
- 5) Козин пыдди радейтана сьыланкыв корöм.
- 6) Ним да оланін пас.

143 удж. Лöсьöдчы гижны диктант.

Тöвся двореч

Пыри вөрö да **быттьö** веськалі еджыд дворечö. Тöвлөн унзиль **сьыланкыв** улын узьöны пуяс. Тöвся дворечас шы ни тöv. Вöрыс вугралö. Сынöдын бергалöны шочиник лым чиръяс.

Пуяс шебрасьомаоьсь еджыд эшкынөн да чөскыда узыёны. Ыджыд пожомъяс дзор багатыръяс моз сулалёны. Пуяс аддзёны мича вёт. Увъяс вылө кыза өшйёма тукта. Гөгөр лөнъ.

- 1. Аддзы текстысь зумыд кывтэчасъяс да гиж найёс.
- 2. Видлав кыдзи кывсикас **сынёдын** эмакыв.
- 3. Төдчөдөм кывъяслысь гөгөрвоод гижанногсө.
- 4. Аддзы уна лыда эмакывъяс, гөгөрвоод налысь гижанногсө.

144 удж. Гиж текстсө гөгөрвоодөмөн.

Төв локтөм

Кадыс котөртис. Бөрө колисны шливгысь арся зэръяс. Локтис өшым төлысь. Йиа саридзсянь пöлясис чизыр вой төв, көдзыд лов шынас кынтис юяс. Йи улө пырисны Эжва, Сыктыв да Печора юяс. Важөн кушмисны мича кыддза давъяс, пишуа расъяс. Паськыд коми парма шебрасис төвся еджыд паськөмөн. Скөр вой төв коялис джуджыд лым толаяс. Вөр да ва ланьтөдчисны, унмовсисны кузь төв кежлө.

Г. Фёдоров серти

145 удж. Дзугөм кывъясысь лөсьөд сёрникузяяс да гиж.

тырөма, вöрын, лымйөн, ставыс, төвся, джуджыд
унмовсьома, чөскыда, вöрыс
сьөкыд, вожъяссө, лым, личкёны, пу, туктаяс



146 удж. Öтьведайт төвся вöрлысь мичлунсө. Гиж «Төвся вөр» нима текст-серпас. Дасьты проект да дорйы сийёс.

НИМВЕЖТАС



**Первой, мөд да коймөд морта өтка да уна
лыда нимвежтасьяс**

147 удж. Лыдды текстсө.

Войвыв Уралын, Печора-Илыч заповедникын, эмось шензбодана изйысь артмөмторьяс. Комияс найос шуоны Бөлван изьясөн. Манси кывйөн нимөдоны Маньпупунёр изьясөн, сы понда мый найо сулалоны Маньпупунёр из гора вылын.

Маньпупунёр – тайо ота-мөд бөрсяыс радөн сулалысь из-багатырьяс. Изьяс шемөсмөдоны мортос ортыса уна сикаслуннас, аслыспөлөслуннас да ыжданас. Из-великаньясыс отар боксянь йоз кодбось, мөдарсянь видзөдигөн петкөдчоны пемөсьясөн да повзбөдчысьясөн. Найо артмисны уна сюрс во чөж. Вөр-ваыс ставсө бырөдома да төлөдома изьяссыс. Кольома сөмын чорыд изьясысь артмөм дивө – сизим из-багатыр.

Е. Калинин серти

- 1. Кутшөм нөшта мирын дивөяс тэныд төдсаось?
- 2. Төдмав Маньпупунёр изьяс йылысь да лөсьөдчы висьтавны ёртъяс водзад.
- 3. Аддзы морта нимвежтасьяс. Сувтөд на дорө юалөмъяс, төдмав налысь лыд да морт.
- 4. Гөгөрвоод тэчас амакывъяслысь гижанногсө.
- 5. Вайөд отвужъя кывъяс из, чорыд кывъяс дорө.
- 6. Аддзы текстысь **чуймөдоны, аслыссикаслун, мыччысьёны** кывъяслы матын вежөртаса кывъяс.
- 7. Видлав кыв тэчас серти **изьясөн** кыв.



**Өтка лыда морта нимвежтасъяслөн
вежлөг серти вежласьом**



148 удж. Лыдды сьылөмөн мойд.

Көзаөй, көзаөй,
 Ме тэнö ыста тусьла.
 Көза оз мун тусьла.
 Көинө жö, көинө,
 Ме тэнö ыста көза сөйны.
 Көин оз мун көза сөйны,
 Көза оз мун тусьла.
 Мортö жö, мортö,
 Ме тэнö ыста көин кыйны.
 Морт оз мун көин кыйны,
 Көин оз мун көза сөйны,
 Көза оз мун тусьла.

- 1. Инды мойдысь өтка лыда морта нимвежтасъяс, тöд-
мав налысь вежлөгъяс.
- 2. Вежлав найöс вежлөг серти.
- 3. Кодъяс либö мыйяс нöшта вермасны лоны тайö
мойдас геройясөн?
- 4. Кутшöм фольклор сикасъяс тэ нöшта тöдан?
- 5. Лөсьöд мойдсö водзö.



149 удж. Тöдмась таблицаөн.

Веж- лөгъяс	Эмакыв	1 морта нимвежтас	2 морта нимвежтас	3 морта нимвежтас
Асалан	кöч-лөн	мен-ам	тэн-ад	сы-лөн
Босьтан	кöч-лысь	мен-сьым	тэн-сьыд	сы-лысь
Сетан	кöч-лы	мен-ым	тэн-ыд	сы-лы
Керан	кöч-öс	мен-ö	тэн-ö	сй-öс

• 1. Кутшөм вежлөгъясын нимвежтасъяслөн вежлөг суффиксъяс оз лөсявны эмакыв суффиксъяскөд.


2. Гиж да орчөд найös:




Асалан вежлөг: кöч-лөн – мен-ам, тэн-ад.

3. Вöч кывкөртöд таблица серти.

150 удж. Артмөд да гиж скобкаын сетөм нимвежтасъяссö колана вежлөгын.

Сетны (ме, тэ, сійö), босътны ..., матыстчыны ..., былыстчыны ..., велöдчыны

- 1. Инды вежлөгсö. Кызди тэ тайös вöчин?
- 2. Петкөдлы кыв вежлалан суффикссö  пасөн.

Вöч тадзи: *Сетны (С.в) мен*, *тэн*, *сыл*.



151 удж. Лыдды да төдмав нөдкывсö.

Киөн и кокөн нөйтöны, а сійö век сералö-йöктö.

- 1. Висътав төдса кывсикасъяс.
- 2. Аддзы нимвежтас, видлав сійös вежлөг серти.
- 3. Орчөд эмакывлысь да нимвежтаслысь вежлөг суффиксъяссö.
- 4. Кутшөм торъялөм тэ казялін эмакыв да нимвежтас вежласьöмысь?
- 5. Кутшөм вежлөгъясын гежöда паныдасълöны морта нимвежтасъяс?



152 удж. Гиж нейджыд сочинение сетөм пом серти.

... Сэксянь ме тшöкыда отсая пöчлы керка пелькөдöмын.



Уна лыда морта нимвежтасъяслөн вежлөг серти вежласьом

153 удж. Лыдды.

Важ вөралан календар

Миянысь уна нэм сайын овлом важ комияс вөлөмаось зэв вежора да вөр-ва пыдіа тōдысьясон, озырлунсō бура дōзьōритысь йōзōн. Коми вōралысьяслөн вөлөма важ вōралан календар.

Гōгрōс календарын серпасалōмаōсь пемōсьяс **найōс** кыян-вōралан кад серти. Вōр-ваысь пемōс кыйōмыс тыдовтчō и тōлысь нимъясысь. **Тіянлы** тōдсаōсь тōвшōр, урасьōм, рака, косму, ода-кора, лōддза-номъя, сора, моз, кōч, йирым, вōльгым, ошым тōлысь нимъяс.

Е. Цыпанов серти

- 1. Кутшōм тōлысь нимъяс йитчōмаōсь вōралōмкōд?
- 2. Аддзы текстысь кыв артмōдан **-ысь** да **-лун** суффикса эмакывъяс.
- 3. Аддзы текстысь визь пыр гижсьыс эмакывъяс.
- 4. Бōрйы оти удж да вōч сійōс:
 1 удж. Тōдчōдōм уна лыда нимвежтасъяссō вежōтка лыдаōн да гиж.
 2 удж. Гиж тōдчōдōм нимвежтасъяссō, инды налысь лыдсō да мортсō.



154 удж. Лōсьōд план серти висьт аслад пōль либō пōч йылысь. Лōсьōдчы висьтавны ёртъяс водзад.

- 1) Кыдзи шуōны пōльōс (пōчōс)?
- 2) Пōльлōн (пōчлōн) томдырся кад.
- 3) Пōльлōн (пōчлōн) онія олōм да удж.
- 4) Ме да пōль (пōч).



Нимвежтас видлалом

155 удж. Лыдды кывбурсо.

Кодзувкот

Ме чужан муос видзысь-дорйысь.
Ог сет ме сылысь ньоти от.
Ог вермы сытөг овны торйон,
Ме чужан мулөн кодзувкот.

Ме чужан мукөд вийся-ола,
И мено яндзимой оз сот.
Кор ковмас, оз ло менам полөм.
Ме ас кар видзысь кодзувкот.

Н. Щукин

- 1. Мыйла гижысьыс асьсө откодялө кодзувкоткөд?
- 2. Кызди гөгөрвоан «Ме ас кар видзысь кодзувкот» сёрникузя?
- 3. Аддзы кывбурысь морта нимвежтасъяс, төдмав налысь лыд, морт, вежлөгсө.
- 4. Видзөдлы текст серти да видлав кызди кывсикас **сытөг, мено** нимвежтасъяс.
- 5. Веж кывбурын **ме, мено, менам** нимвежтасъяс мөд либө коймөд морта вылө.
- 6. Лыдды артмом текстсө. Вежсис-ө текстыс?

156 удж. Лыдды нимвежтасъяссө.

Сысянь, меөдз, сыын, тэкөд, ми, тэныд, найо, мелань, тэтөг, сылөн, ми, сийон, накөд, тэнад.

- 1. Гиж нимвежтасъяссө куим чукөрө.
- 2. Висьтав, кызди тэ юкин найос чукөръясас.

157 удж. Гиж кывтэчасъяс. Төдмав нимвежтасъяс-лысь лыд, морт, вежлөг.


Паныдаси сукöд, звöнитла тэныд, козьнала сылы, нимкодяся тэон, нуö сылы, гижии налы, ошкö тiянöс, рад меным, вочавидзис миянлы, чуксалö менö, дивитö сiйöс.

Вöч таdzi: *Чолöмала тэнö (öтка л., 2 м., к. в.).*



158 удж. Лыдды нöдкывсö да төдмав.

Ваын олö – абу чери.
Муса кадыс сылөн вой.
Керка лэптас, но оз черөн.
Челядь, кодi тайö? ...



- 1. Аддзы нимвежтас, төдмав вежлөгсö.
2. Висьтав, мый тэ төдан тайö пемöс да сылөн олан-ног йылысь морта нимвежтасъяс пыртöмөн.



159 удж. Лыдды рочөн да комиод.

Бобр

Мы шли на дальние покосы мимо речушки Парчу. Я увидела поваленные через речку деревья. Концы поваленных деревьев были конусообразно изгрызаны. Я удивилась: кто это мог сделать. Брат объяснил, что к нам завезли бобров. Вот они облюбовали это место и поселились здесь. Это бобры сделали плотину через речку, чтобы вода стала выше. В воде бобры устроили себе жилище.

- Аддзы морта нимвежтасъяссö.

160 удж. Лыдды сёрникузяссö. Аддзы 3 морта нимвежтасөн вöдитчöмын тырмытöмтор.

1) Кукань йирсьö луд вылын. Кутшöм сійö мича!
2) Кызьяс вылын пукалöны жоньяс. Найöс вевттьöма
небыд лым. 3) Зонка дорö ваткыльтис-котöртис понпи. Сійö
вöли зэв рад. 4) Пожöмланы матыстчис йöра. Сійö вöли
ыджыд да мича. 5) Кань адзис руд пышкайöс. Сійö
пукалис öмидз куст вылын.

161 удж. Тöдмась текстыскöд.

Каньпи да катша

Кузь бöжа катша велалис миян керка дорö. Сійö
кильчöвывса джаджйысь пинь весалан щöтка пышйöдис,
майтöг гусялис. Ичöтик Тапик тшöкыда кыйöдис лэбачöс.

Со талун каньпи бара нин кыйöдö катшаöс. Кысукуд
бордья шыштö ас кадö казялöма. Тапик кысьö-мунö
миян потшöс пöлөн, некутшöм шы оз сет. Кысук мунигөн
весиг турун сi оз вöрзбы. А сэсся кыз тай чеччыштас
катшаланьыд! Каньпиыд эз вермы кыйны катшатö, но
повзöдис сійöс.

Öтчыд ...

Та бöрын гусясьысьыд эз нин волы.

В. Шомысов серти

• 1. Содты коймöд юкөн. Висьтав Тапиккöд лоöмтор
йылысь.

2. Висьт серти дасьты план.

3. Текстсö лыдды мöдысь да уськöд тöд вылад кывъ-
яслысь гижанногсö: **кильчöвывса, бордья, некутшöм,
чеччыштас, гусясьысь, кысьö-мунö, сэсся.**

4. Текстсы адззы нимвежтасьяс.

5. Инды висьтысь сэтшöм кывъяс, медем позис веж-
ны **катша** кыв.

6. Лöсьöд кывтэчасьяс: кыйöдис (*кодöс?*) ... , чеччыш-
тас (*кодлань?*) ... , повзöдис (*кодöс?*).

7. Гиж творчествоа изложение да прöверит уджтö.

КАДАКЫВ



Кадакывлөн лыд да морт серти вежласьом Кывпод

162 удж. Лыдды кадакывъяссö.

Гижны, доймыны, мөвпавны, горöдны, ытшкыны, юксыны, кылöдны, зыксыны, нетшкыны.

- 1. Кутшöм юалöмъяс вылö вочавидзö кывпод?
- 2. Кызди торйöдан кывподсö кадакывлөн мукöд формасы?
- 3. Гиж кадакывъяссö. Сетöм кывподъясысь петкöдлы суффикссö.

Вöч тадзи: *ворсны*, *куйлыны*.

БОСЫТ ТÖД ВЫЛАД!

Локны – кывпод. Тайö шөр подув форма **локтö, локтис, локтас** кывъяслөн.



163 удж. Лыдды юалöмъяссö да кывъяссö.

1 м., öтка л.	МЫЙ вöчи?	ме быдтi, тöждыси
2 м., öтка л.	МЫЙ вöчин?	тэ быдтiн, ...
3 м., öтка л.	МЫЙ вöчис?	сiйö быдтiс, ...
1 м., уна л.	МЫЙ вöчим?	ми быдтiм, ...
2 м., уна л.	МЫЙ вöчинныд?	тi быдтiнныд, ...
3 м., уна л.	МЫЙ вöчисны?	найö быдтiсны, ...

- 1. Вежлав петкöдлöм серти **тöждыси** кыв.
- 2. Кывкöртöдав, кызди вежласьö кадакыв.

3. Лөсьөд некымын сёрникузя **быдті, төждыси** кывъ-ясөн.



164 удж. Аддзы быд чукөрысь лөсявтөм кадакыв.

- 1) Лэбалёны, жбыръялёны, сэзьдө, сьылёны.
- 2) Көдздөдө, шогся, ыркалө, кынмө.
- 3) Котөртёны, югдө, пемдө, рөмдө.

- 1. Төдмав, мый өткодыс сетөм кыв чукөръяслөн.
2. Кутшөм кадакыв оз лөсяв да мыйла?
3. Гиж лөсявтөм кывъясылысь кывподсө.

165 удж. Лыдды кывъяссө.

вописны

пуктісны

лэптасны

воссисны

разөдчөны

- 1. Вайөд паныд вежөртаса кадакывъяс, сет юалөм да гиж.

Вөч тадзи: *Бурмисны (мый керисны?) – лёкмисны.*

2. Уна лыда кадакывъясылысь петкөдлы суффиксө
🏠 пасөн.
3. Прөверит уджтө.

166 удж. Лыдды кадакывъяссө.

Быдмө, сулалө, сөвмө, вежөдө, коръясьсө, вижөдө, нюклясьсө.

- 1. Төдмав, мый йылысь позьө тадзи шуны.
2. Орчөд **вежөдө** да **вижөдө** кадакывъяс. Мыйөн найө торъялёны?

3. Бөрйы өти удж да вöч сійöс:

1 удж. Вайöд сетöм кывъясылысь кывподсö да гиж.

2 удж. Сетöм кывъясылысь артмöд уна лыда кадакывъяс да гиж.

167 удж. Лыдды Зоя Шиликовалысь «Эзысь төв» кывбурсö да гиж юрвежсыд.

Пуяссö гартисны
Гыөръяс-прöшвияс,

Эзысьөн лым **сыръяс**
На вылö öшйисны.

- Гөгөрвоод төдчöдöм кывъясылысь гижанногсö.



168 удж. Лыдды Альберт Ванеевлысь кывбурсö.

Усьö лым

Усьö лым. Сэтшöм кокныда усьö.

Чайтан, пукяс и кыпöдчас бөр.

Кызкö полігтыр, меліа шебралö мусö,

Мед не садъмöдны узъмöдчысь вөр.

Узьöй, узьöй ті, пожöмъяс, козъяс...

Гашкö, кöдзыдыс оз ло зэв ёсь.

Сьöла-таръяслы колöны төв кезлö позъяс.

Небыд лым пиын йирмөг оз босьт.



Йирмөг оз босьт.

- 1. Аддзы текстысь паныд вежöртаса кывъяс.
- 2. Корсь кывбурысь öтвужъя кывъяс.
- 3. Вайöд **йирмөг, шебралö, ёсь** кывъяслы матын вежöртаса кывъяс.
- 4. Мый могысь төв серпасалігөн поэт гижö «*Лым полігтыр, меліа шебралö мусö*»?
- 5. Лöсьöд текст-серпас «**Кокни бордъя лым чиръяс**».



Кадакывлөн кад серти вежласьом

169 удж. Лыдды.



Лэбачьяслы сёянін

Вөчасян керкаын Ваня пöльыскöд уджалісны лун джын. Лöсьöдісны пöв, дорышалісны. Весиг вевт сувтöдісны. Артмис зэв бур сёянін!

Пöльыс öшöдіс вөчөмторсö öшинювса кыз пу увйö. Ваня котөрөн пыраліс керкаас да корис пöчыслысь сёянтор: нянь, шыдös. Кисьтіс сёянсö пöв вылö да бөр котөртіс керкаö.

Регыд сёян пöв вылö жбыр лэбзисны руд пышкайяс да зіля мөдісны кокасьны.

Э. Полякова

- 1. Висьтав текстыслысь шөр мөвпсö.
- 2. Инды висьтысь кадакывъяс. Төдмав налысь лыд да кадсö.
- 3. Гиж кадакывъяссö. Инды кад петкөдлысь суффиксьяссö \triangle пасөн.

Вөч тадзи: Уджал \triangle існы (к.к., у.л.), ...



170 удж. Ёртыдкөд таблица серти вежлав кад серти дасьтыны кадакыв.

Өтка лыд			
	Өнiя кад	Локтан кад	Колян кад
1 морт	Мый вöча?	Мый вöча?	Мый вöчи?
2 морт	Мый вöчан?	Мый вöчан?	Мый вöчин?
3 морт	Мый вöчö?	Мый вöчас?	Мый вöчис?

171 удж. Лыдды текстсö да инды сикассö.

Турöб

Сьöd кымөр тупкис став енэжсö. Пыр жö пемдiс, быттö пуксис вой. Друг кысянькö ылькнитiс лэчылд төв. Тöлыс öддзис и öддзис. Гөгөр гартчö еджылд лым. Муыс, сынöдыс и енэжыс öтлаасис. Тöлыс чайшис лымсö да гартлiс лым буссö. Сийö шутьлялiс, омлялiс, ружтiс, тракйис, кучкалiс-швачöдiс кытчö веськалö, личкис-пöдтiс ставсö да гартлiс быд боксянь.

Ывла бушуйтчис войбыд. Лун шөр кадö тöлыс лöнис, раммис. Енэжыс лоис югыдлöз, сöстöм.

С. Раевский

• 1. Кутшöм кывъяс отсөгөн петкөдлöма турöблысь серпассö.

2. Инды серпасалан кадакывъяс. Мыйла найöс пыртöма гижысьыс?

3. Аддзы кадакывъяс, быд кадакывлы вайöд кывпод.

4. Висьтав, мыйла гижöдас пыртöма уна кадакыв.

5. Вежлав морт серти пемдiс, ылькнитiс, öтлаасис кадакывъяс. Овлöны-ö 1 да 2 мортын тайö кадакывъясыс?

6. Вежлав тупкис кадакыв лыд да морт серти.

7. Гиж колян када кадакывъяс, инды колян кад петкөдлысь суффикссö \triangle пасөн.



172 удж. Лыдды кывъяссö.

друг, ывлаыс, кöдздöдiс
 пуяс, чашйис, шутьлялысь, вылысь, коръяссö, вой төв
 лэбачьясöс, муö, вöтлiс, кöдзыдыс, шоныд

- 1. Дзугöм кывъясысь лöсьöд сёрникузяяс да гиж.
- 2. Аддзы öтвужъя кывъяс да визьнит найöс.
- 3. Содты 2–3 сёрникузя, гиж текстсö да юрнимав.

173 удж. Лыдды Пётр Бушеневлысь кывбурсö.

Лэбач сёянiн

Шытöг чечча кысук моз.

Меным узыны дыр оз позь.

Пета гортысь пырысь-пыр,

Босьта киö ыджыд зыр.

Лымсö весала и сёян

Лэбач сёяниö коя.

Кодi сёйны кöсийö – локтöй!

Ставлы тырмас чöскыд рокöй.

Воаласны недыр мысти

Пышкай, жонь, а сэсса пыста.

Кылö пельын сыланкыв –

Лэбачьяссиянь «аттьö» кыв.

- 1. Висьтав, мыйысь «аттьöалöны» лэбачьяс зонкаöс.
 Кыдзи детинка отсалö налы тöлын?
- 2. Гиж торйöдöм кадакывъяс да пасйы кывподсö.
 Инды налысь лыд, морт да кадсö.
- 3. Прöверит уджтö.



174 удж. Комиöd текстсö.

У меня есть волшебная полочка. Она прикреплена к форточке. Посыплю на полочку крупы или хлебных кро-

шек – прилетят голуби и воробьи. Укреплю на полочке кусочки сала – прилетят синички. Положу на полочку кисть рябины – прилетят снегири.

Сделай себе волшебную полочку! Пусть прилетят к тебе разные птицы в гости.



175 удж. Видзод таблицасö.

Кывпод форма	Öнiя кад <i>Мый вöчö?</i>	Колян кад <i>Мый вöчис?</i>	Локтан кад <i>Мый вöчас?</i>
лэччыны сьывны лöньны лэбны	лэччö	лэччис	лэччас

- 1. Таблица серти висътав кадакыв йылысь.

2. Кадакывлөн кывпод формаысь артмöд öнiя, колян да локтан када кадакывъяс.



176 удж. Аддзы быд чукöрысь лöсъявтöм кадакыв да подулав.

Муна, ола, шойчис, велöда.

Пöжасим, серпасалi, кывкöртöдалi, юалi.

Пелькöдас, ломтасны, содтас, чинтас.

Вуджöдчö, тувъясьö, новлам, лэпталö.

Куртiн, чукöртiн, потшинныд, йывдiн.

Ытшкöны, куртасны, чукöртöны, сöвтöны.




177 удж. Лыддбы кывъяссö.

Пöльтö, швичкö, швачöдчö, омлялö, нуö, нетшкö, летö, збоялö, шöйтö, шувгö, лöвтö, увгö, бушуйтчö, ворсö, вильшасьö.

- 1. Кадакывъяс серти тōдмав, мый йылысь позьō та-дзи шуны.
- 2. Артмōд колян када кадакывъяс да гиж найōс.
- 3. Лōсьōд «Тōвся лун» тема серти серпасалан текст.

178 удж. Лыдды кывъяссō.



1. Вайōд сетōм кывъяслы паныд вежōртаса кадакывъяс: **сетō, сиптō, мырддьō, ньōбасьō, пасьтасьō, тупкō, нюжмасьō.**

2. Артмōд уна лыда колян када кадакывъяс да гиж.

Вōч тадзи: *Тэрмасисны – нюжмасисны.*



179 удж. Лыдды кывъяссō.

ōзйō	ньōба	гōгōрвоан	сералō
гōрдлō	чукōрта	быдман	нюмъялōны
локтан	шойчōны	чышка	гижōны

- 1. Кутшōм кадакыв быд чукōрын лōсявтōм?
- 2. Чукōръяссō вежлав сідз, мед лōсявтōм кывъясыс эз вōвны.

180 удж. Аддзы быд чукōрысь лōсявтōм кыв гоз да гōгōрвоōд.

1) Мунны – муна, серавны – серала, чуймыны – чуйми, дōмны – дōма.

2) Чотны – чотан, бергōдчыны – бергōдчан, солавны – солаліс, унмовсьыны – унмовсян.

3) Чукōртны – сōвтны, дзескавны – топавны, сыркъявны – бōрдны, нуны – вайны.

181 удж. Лыдды.

Көдзыд төв. Лым улын, репасын шонтысьоны да шойчоны тарьяс. На бөрся кыйодчө руч. Руч топодчөма му бердө, пельяссө чошкөдөма, сюся видзөдө водзө, йожгылясьө прөсек вылын.

Видзчысьысь лэбачыд лым увсяньыс казяліс ку-тшөмкө шыяс. Сійө ырситіс лым пиысь да лэбзис. Сы бөрся увгөмөн кыпөдчисны и мукөдъяс. Руч сөрмис, тарьяс пышйисны.

В. Торопов серти



Репас – лымйын вөрса лэбачлөн (сьөла-тарлөн) узьланін.

• 1. Бөрйы текстлы лөсялана юрим: **Тарьяслөн шонтысьөм. Тарьяс да руч. Видзчысьысь лэбачьяс. Руч сөрмис.**

2. Вайөд матын вежөртаса кывъяс кыпөдчисны ка-
дакывлы.

3. Бөрйы өти удж да вөч сійөс:

1 удж. Гиж өнiя када өтка лыда кадакывъяс.

2 удж. Гиж колян када өтка лыда кадакывъяс



Соссяна кадакывъяс да найөс гижанног



182 удж. Таблица серти вежлав вайны, локны ка-
дакывъяс.

Өнiя кад	
Өтка лыд	Уна лыд
Ме ог вай, ог лок.	Ми огө вайөй, огө локтөй.
Тэ он ...,	Тi он ...,
Сiйө оз ...,	Найө оз вайны,
Локтан кад	
Ме ог вай,	Ми огө вайөй,
Тэ он ...,	Тi он ...,
Сiйө оз ...,	Найө оз вайны,
Колян кад	
Ме эг вай,	Ми эгө вайөй,
Тэ эн ...,	Тi энө ...,
Сiйө эз ...,	Найө эз вайны,

183 удж. Лыдды мичаа кывбурсө.



Кумач морөса жонь, ичөт жонь,
Көдзыд дырйиыс кызди тэ овлан?
Ог нин юась ме, кынмывлан он.
Тэ өд миян моз пасьяс он новлы.

А. Ванеев



Кумач – яръюгид гөрд рөма бумазея дөра.

- 1. Кызди гөгөрвоан «кумач морөса» кывтэчас?
- 2. Гиж төдчөдөм соссяна кадакывъяссө.
- 3. Төдмав налысь лыд, морт, кадсө.
- 4. Висьтав, кызди колө төдмавны соссяна кадакыв-лысь лыд, морт, кадсө.
- 5. Прөверит уджтө.



184 удж. Лыдды текстсө.



Вөрса царство

Юлөн кыкнан берегын вөрзытөг сулалөны гырысь нияяс – войвывса дубъяс. Кымөрсө пыкысь нияяс зым-видзөны быттьө вөр царстволөн часөвөйяс.

Татшөм путө чернад он на и пөрөд. Пуктан кө ниасө керка улад, не өти сө во сийө сулалас. Тайө пуыс муын оз сисьмы, весиг мөдарө – во-часөн лоө ёнджыкөн, быттьө изийө пөрө. И көдзыдсьыд ниайд оз пов. Көдзыдыдлөн выныс оз тырмы чуктөдны сийөс. Сөмын чардби ёна радейтө тайө пусө. Чардбиысь пуыс юкласьө сартас моз.

В. Журавлёв-Печорский

- 1. Кызди гөгөрвоан текстыслысь юрнимсө?
- 2. Кор тадзи шуөны: «вөрса царство», «вөр царстволөн часөвөйяс», «кымөрсө пыкысь нияяс»?

3. Мыйла ниасо гижысьыс шуома войвывса дубон?

4. Вайод чуктодны да кучкас кывъяслы матын вежортаса кывъяс.

5. Серпас да текст серти висътав ниа пу йылысь.

6. Аддзы соссяна кадакывъяс да гиж найос.



185 удж. Лыдды кыв чукоръяссө.

кынми, повзи, ог шогсьы, майшаси

гымалө, оз котод, зэрө, кымрасьө

он лэпты, кыпөдны, оз кай, ог чеччышт

• 1. Аддзы быд кыв чукорысь лөсявтөм кадакыв да подулав.

2. Лөсьөд да гиж соссяна кадакывъясон кык сёрникузя.



186 удж. Помав шусьөгъяссө да босыт найос төд вылад.

1) Дыш кийн некутшөм удж 2) Уджтөг чаг
3) Кывнад изомысь пызьыд 4) Мир туй вылын туруныд 5) Бать-мамлысь кыв вуджны 6) Паччөртө пөжигон кынөмыд 7) Велөдчытөг мортөдз

Отсөг кывъяс: *оз артмы, оз өшйы, оз пөт, оз позь, оз быдмы, он во, оз чукты.*

• 1. Гөгөрвоод шусьөгъясыслысь вежөртассө.

2. Бөрйы да гиж 3 шусьөг, визьнит соссяна кадакывъяссө.



187 удж. Лыдды нөдкывъяссө.

1) Век вомад, а (он, ог, оз) нылышт. 2) Кык вок өтамөднысө (ог, он, оз) аддзыны. 3) Сө кока, а сувтны (ог, он,

оз) вермы. 4) Посводзод ветлө, а керкао (ог, он, оз) пырав-
лы. 5) Мусо югзьодө, да (ог, он, оз) шонты.

- 1. Тодмав нөдкывъяссө да прөверит.
- 2. Бөрйы соссяна кывъяс да гиж соссяна кадакывъ-
яссө.
- 3. Инды лыд, морт да кад **он нбылышт, оз аддзыны,**
оз вермы соссяна кадакывъяслысь.
- 4. Лөсьод өти нөдкыв соссяна кадакыв пыртөмөн.



188 удж. Лыдды Нина Куратовалысь нөдкывъяссө
да тодмав найос.

1) Ме ог төд, мый сылы колө,
Меысь вешйывтөг и олө.
Сыысь пышъя, сійө вөтчө.
Көсья кутны, но оз сетчы.

2) Шонді петавлө көть оз,
Оз и воссыв мян поз.
Сөвмам – өдзос кодкө восьтас,
Аслыс нуръясыштны босьтас.

- 1. Аддзы соссяна кадакывъяссө да гиж найос.
- 2. Инды кывбурысь нимвежтасъяс.
- 3. Велөд да гиж юрвежсыд өти нөдкыв.

189 удж. Лыдды.



Кыныд көдзыдысь оз пов,
Шонтө дона пасыс.
Сылы керка-чум оз ков,
Шонтө ловсө ачыс.

Н. Тюрнин

- 1. Кымын сёрникузя кывбурас?
- 2. Вайөд кывъяс дорö соссяна кадакывъяс да гиж:
колö – ..., полö –

190 удж. Лыдды. Аддзы соссяна кадакывъяс.

Оз ков сямöд ни тай сартас,
 Биыс öзйö, тöлыс гартас.
 Мыйыс сöмын тан оз вöчсы:
 Биысь пышйö ручыс кöчкöд.
 Йöра ошкöд быттö вокъяс, –
 Сидз и печласьöны кокъяс.
 Сотчисны и гутъяс, номъяс,
 Чишкисны медся ёнъяс.
 Мыжтöм-гректöм кывтöм пемöс
 Муртса дзикöдз эз во немö.

А. Мишарина



Немö воны; кокъяс печласьöны.

- 1. Став кадакывсьыс артмöд сййö жö лыдын, кадын да мортын соссяна кадакывъяс.

Вöч тадзи: *Öзйö – оз öзйы, ...*

2. Видлав кывсикас серти **ошкöд** эмакыв.
3. Вежлав лыд, кад да морт серти **пышйыны** кадакыв.
4. Вайөд текстысь **ловъя лов** да **ломзьöдчантор** вежöртаса эмакывъяс.
5. Вайөд **чишкисны** кыв дорö матын вежöртаса кыв.

191 удж. Лыдды кадакывъяссö.

Югнитны, сывны, торйöдны.

• Кадакывлөн кывподысь артмод да гиж өнiя, локтан да колян када 3 морта отка лыда соссяна кадакывъяс.

Воч таdzi: *Лэччыны – оз лэччы, оз лэччы, эз лэччы.*



192 удж. Лыдды серамбана гижодсö.

Садйын сёрнитöны кык ёрт. Саня юалö:

- Максимка, а тэнад эм ичотик чой либö вок?
- Эм ичотик чой Кира.
- А сийö бёрдлывлö?
- Бёрдö мукöддырйи...
- А мыйла?
- Ме ог тöд, меным оз висьтав.

В. Амосов

• 1. Мөвпышт, кыdzi тайö дженъыдик гижодас артмö серамбаныс.

2. Аддзы соссяна кадакывъяса сёрникузя да гиж.

3. Велöдчы ёртыдкөд петкөдлыны Санялысь да Максимкалысь сёрнисö класс водзын.

4. Лöсьод серамбана морта-морт сёрни да дасьтысь петкөдлыны ёртыдкөд класс водзын.

193 удж. Лыдды. Лöсьод да гиж **сы вöсна мый** кывъясөн йитöм сложной сёрникузяяс.

1) Посни челядылы оз позь сетны истöг. Истöгөн ворсöмсьыд вермö лоны пöжар.

2) Ю воссигөн оз позь вуджны йи вывтi. Вöсни йи вермас жугавны, да морт вермас веськавны йи улö.

3) Бушкала тöv дырйи оз ков петны керкаысь. Морт вермас доймавны усьысь пуясысь.



Кадакыв кыввужйын Й шыпас



194 удж. Лыдды кывтэчасъяссö.

Нистіс вурунсö, тэрыба печкис, путшкис шöртсö да гартліс тупыльö, кыис вит емön, пысавліс петляяс, кыис вурун кепысь.

- 1. Лыдды «Вурун кепысь кыан удж» (172-öд удж, «Коми кыв» велöдчан небöг).
- 2. Уськöд тöд вылад кепысь кыан удж да сетöм кывтэчасъяс пыртöмön висътав сы йылысь.
- 3. Лöсьöд кыис кывйön сёрникузя да гиж.



195 удж. Артмöд колян када 3 морта кадакывъяс да гиж. Пасйы кыввужсö.

лоны
вöйны
пуны
койны
шуны

196 удж. Лыдды кывбурсö. Велöд да гиж юрвежсьыд.

Вайис пöльö вöрысь рос,
 Меным гöлик вöчис.
 Чышка кильчö выв и пос.
 Мезда уджысь пöчöс.

В. Лодыгин

- 1. Видлав кызди кывсикас чышка кадакыв.
- 2. Видлав кыв тэчас серти мезда кыв.



197 удж. Лыдды кадакывъяссö.

луйны
кыйны
вайны

• 1. Сетом кадакывъяссө сувтөд индөм вежөртаса формао:

- 1) 3 мортын, өнiя кадын, өтка лыдын;
- 2) 1 мортын, колян кадын, өтка лыдын;
- 3) 2 мортын, колян кадын, уна лыдын.

2. Лөсьөд «Вөралөм» тема серти висът.

198 удж. Лыдды кадакывъяссө.

Лыйис, нуис, сөйис, суйис, суис, воис, кыйис, лоис, лойис, вайис, туйис, жуис.

- 1. Лөсьөдчы гижны кывъяссө кывзөмөн.
- 2. Скобкаын гиж кадакывлысь кывподсө.

Вөч тадзи: *Лыйис (луйны), ...*



Визь пыр гижсьысь тэчаса кадакывъяс

199 удж. Лыдды Василий Лодыгинлысь кывбурсө.

Олан гаж

Олө аслас няньөн-солөн
Коми котыр.
Мусянь-васянь ставлы чолөм,
Улөдз копыр.

Варов вомөн, тэрыб кокөн
Йөктам (сьылам).
Нэмыс тадзи, чойө-вокө,
Олам (вылам).

• 1. Кызди гөгөрвоан «Олө аслас няньөн-солөн коми котыр» сёрникузя?

2. Висътав, мый могысь гижысь пыртöма кывбурас визь пыр гижсьысь кадакывъяссö?

3. Кадакывъяслысь тöдмав лыд, морт да кадсö.

4. Аддзы тэчаса кадакывъяс да гиж найöс.

5. Корсь кывбурысь визь пыр гижсьысь эмакывъяс.

6. Прöверит уджтö.

200 удж. Лыдды сёрникузяссö.

Визувтö шор. Зэрö. Ломтысьö пач. Скöралö пон. Поткöдчö бать. Виялö войтва. Сералöны челядь. Бördö нывка. Узьö пöль.

Отсöг кывъяс: *сыркъялö, гижьöны, шковгö, тёлкö, шкоргö, тельгö, трачкöдчö, эргö.*

- 1. Бөрйы лöсялана кадакыв да артмöд тэчаса кадакыв.

Вöч тадзи: *Тельгö-визувтö шор.*

- 2. Гиж сёрникузяссö, визьнит тэчаса кадакывъяссö.

3. Прöверит уджтö.

201 удж. Лыдды кадакывъяссö.

Куткырвидзö-пукалö (*кодi?*) Жбыркнитис-лэбзис (*кодi?*) Гольнитис-пöдласис (*мый?*) Дзольгö-визувтö (*мый?*) Тривксöдис-пышйис (*кодi?*) Варгылтö-мунö (*кодi?*) Вежöдö-ловзьö (*мый?*) Вашкöдö-мойдö (*мый?*) Шливгö-киссьö (*мый?*) Исковтö-сылö (*мый?*)

- 1. Гиж сетöм кадакывъяс дорö лöсялана эмакывъяс.
- 2. Гөгөрвоод кадакывъяссылысь гижанногсö.

202 удж. Содты лөсялана эмакывъяс да гиж.

1) Ном моз дзизгө-ссылө 2) Бобув моз шбыргөны-лэбалөны 3) Пöлян моз ливкйөдлө-чипсө 4) Йöра моз шарсйö-котралö 5) Ва моз кывтö-исковтö

Отсöг кывъяс: *вöралысь, кадыс, колипкай, самö-вар, коръяс.*



203 удж. Лыдды.

Ывлавывсö он и тöд,
Паськöм йылысь абу тöжд.
Шондi ёнджыка пыр пöжö,
Мазi ма чукöртö-чöжö.
Ставыс öдйö кисьмö-воö.
Кодыр татшöмторйыс лöö?

Г. Торлопов

- 1. Тöдмав нöдкывсö.
- 2. Инды нöдкывйысь тэчаса кадакывъяс да гөгөрвоод налысь гижанногсö.
- 3. Гиж тэчаса кадакывъяссö колян када 3 морта вылö вежлалöмөн.



204 удж. Лыдды.


Шондыс сывдис-сёйис лым. Тёпкö-виялö войтва. Жургöны-визувтöны шоръяс. Дзирдалöны-югъялöны кузь йинёнъяс. Дзользьöны-ссылöны лэбачьяс. Челядь нимко-дясьöны-радлöны.

- 1. Паськöд сёрникузяяссö содтана юкөдъясөн.
- 2. Лөсьöд да гиж тулыс воом йылысь серпастор. Серпаса гижöдад пырт тэчаса кадакывъяс.



205 удж. Лыдды эмакывъяс да кадакывъяссö.

машинаяс	дзизгö-дзязгö
син	триньöбтис-звöнитис
телефон	жургöны-ветлöны
бипур	куньсö-пöдласö
гут	пласътвидзö-куйлö
ытшкöмин	ыпъялö-öзъялö



• 1. Эмакывъяс дорö бöрйы лöсялана тэчаса кадакывъяс да лöсьöд сёрникузяяс.

2. Паськöд сёрникузяяссö содтана юкöдъясөн.

206 удж. Восьты скобкаяссö да гиж кадакывъяссö.

Öвтчö (шенасьö), пестис (биалис), ырскöбтін (чеччин), лелькуйтас (дöзьöритас), пуритö (быдмö), шöйтан (ветлан), чуксали (кори), жбыркнитас (лэбзяс), шливгö (зэрö), зельмунис (жугалис), гольниті (пöдлалі), жургö (ломтысьö), плавгысис (пуксис).

• 1. Кадакывъясслысь тöдмав морт да кадсö.

2. Шы сетан либö серпасалан кадакывъяссөн лöсьöд 2 сёрникузя.

207 удж. Лыдды сёрникузяяссö.

1) Пöрöм пу бокысь ... повзьöм кöч да ... шорлань.
2) Руч моз ... вöрса туй. 3) ... тэрмасысь шоръяс. 4) Немын лун ... скöрмöм турöб.

Отсöг кывъяс: *тюрöдö-пышйö, звиркнитис-чечыштис, пöльтис-омлялис, варовитöны-бузгöны, тривксöдис-пышйис.*

• 1. Содты лöсялана кадакывъяс да гиж.

2. Прöверит уджтö.



Визь пыр гижсьысь паньд вежӧртаса кадакывъяс

208 удж. Лыдды.

Аннуш сулаліс да сюся видзӧдіс кодзувкоткар вылӧ.
Неыджыд лыска мылькйыс тыр аслыспӧлӧс олӧмӧн.

Кодзувкотъяс жуисны асланыс горт гӧгӧр. Ӧтияс кытчӧкӧ зіля мунісны мыльксьыс боклань, мӧдъяс ва-йисны кодзувкот гортаныс лысторъяс, турун сіторъяс. Найӧ пырӧны-петӧны, усьӧны-чечӧны, босьтӧны-энов-тӧны нуанторсӧ.

Посни зіль олысьяс тэрмасисны весавны вӧрсӧ да бур-дӧдны пуяссӧ.

Е. Козлова серти

- 1. Юрнимав текстсӧ.
- 2. Аддзы текстысь визь пыр гижсьысь паньд вежӧр-таса кадакывъяс. Гӧгӧрвоӧд налысь гижанногсӧ.
- 3. Медводдза сёрникузяысь аддзы грамматика по-дувсӧ.
- 4. Бӧрйы ӧти удж да вӧч сійӧс:
 - 1 удж. Видлав кыдзи кывсикас **веськӧдліс** кадакыв.
 - 2 удж. Видлав кыв тэчас серти **жуисны** кыв.



209 удж. Комиӧд текстсӧ.

Муравьи – лесные санитары. Муравейник – это их город. Жители одного муравейника за один день съедают тысячи гусениц. Муравьи тащат в муравейник стебельки, сухие палочки, веточки. Они разрыхляют землю. От этого корни деревьев получают больше воздуха и влаги. В плохую погоду муравьи прячутся в муравейники, закрывают все входы и выходы.

Если разорить муравейник, погибнет муравьиная семья. Тогда в лесу появляется много вредных гусениц. Они губят деревья и кустарники.

210 удж. Лыдды. Артмод паныд вежортаса визь пыр гижсьысь кадакывъяс да гиж.

1) Мыччасьö кымөр пöвстын шонді. 2) Керкадорса шортор öдйö ойдö гожöмын. 3) Ытшкөм турун лунтыр көтасьö зэр да шонді улын. 4) Видз вылын челядь котыр гажаа нуалöны турун юръяс.

Отсöг кывъяс: *косьмö, ваялöны, дзебсясьö, ямö.*



211 удж. Гиж мөвпалана текст **пырö-петö** кадакыв гижанног йылысь.

212 удж. Лыдды колана ногөн.

- 1) Качай пöвным лэччö-кайö.
– Ещö öддзöдчыштам вайö. *В. Ширяев*
- 2) Тувсов лунö, гажа лунö
Уна пыжа ветлö-мунö.
Уна пыжа кывтö-катö,
Коді ылö, коді матö. *Г. Юшков*
- 3) Видзöд, кызди тöлыс жöдзö,
Помся тупкö-восьтö öдзöс.
Мыйла тöлыс сэтшöм скөр –
Аслас ку пиö оз төр? *А. Лужиков*



Ку пиö оз төр.

- 1. Аддзы паныд вежортаса визь пыр гижсьысь кадакывъяс да гиж найöс.
- 2. Бөрйы **скөр** кывлы паныд вежортаса кыв.

213 удж. Лөсьөдчы гижны гөгөрвоодана диктант.

Тулыс

Пыр жарджыка шонтө шонді. Луннас вевтьяс вылысь тәпкө-виялө войтва. Шонді водзын дзирдалоны югъялөны кузь йи сыръяс. Съөдөдісны-вазисны туйяс. Ю вылын йиыс лөзөдіс. Муяс вылысь шондіыс сывдіс-сөйис лымсө.

- Инды текстысь төдса орфограммаа кывъяс.



Кадакывын -дч-, -тч-, -чч- гижөм

214 удж. Лыдды кывбурсө колана ногөн.

Тулыс тешкодя садьмөдө пусө –
Гөна дзоридзьяс петөны гарсьыс.
Бытьё ошпьян узисны арсянь,
А өні со – петөны гусьыс.

М. Елькин

- 1. Мыйла бербасө кывбуралысьыс шуөма «гөна дзоридзьясөн»?
- 2. Кодкөд сийө орччөдөма кывбурас бербасө ?
- 3. Видлав кызди кывсикас узисны кадакыв.
- 4. Төдчөдөм кывъяслысь гөгөрвоөд гижанногсө.



215 удж. Лыдды, юклы текстсө сөрникузяяс вылө.

Тулыс воөм

Со и матыстчө дыр виччысяна тулыс кельыдлөз енэжө частө нин **мыччысьлө** нюмъялысь шонді сылөн югөръясыс шонтөны ывласө керка вевтьяс дорө өшйисны кузь йинёнъяс ёна радлөны тулыс воөмлы челядь найө гажа тулыстө дыр нин **виччысисны**.

В. Лыткин серти

• 1. Висьтав, кыдзи йитчöмаоьсö öта-мöдыскöд сёрнику-зяясыс.

2. Текстусь бөрйы да гиж сöмын кадакывъяссö, сувтöд юалöмъяс.

3. Бөрйы öти удж да вöч сійöс:

1 удж. Тöдчöдöм кадакывъяслысь гөгöрвоöd гижан-ногсö.

2 удж. Видлав кыдзи кывсикас **мыччысьлö** кадакыв.

3 удж. Видлав **енэжö** кыв шы да шыпас серти.



216 удж. Лыдды да гөгöрвоöd.

1) Гажтöм кö – уджö ку...чысь. 2) Мича оз тусь вöсна муыслы не öтчыд копыр...чылан. 3) Ва гудыр...чывлö да бөр сöдзö. 4) Йöз сайö эн сайö...чы. 5) Вö...чыны да ви...чысьны медсьöкыд. 6) Велö...чöм морт – синма, велö...чытöм – синтöм.

1. Гиж шусьөгъяссö да кывйöзъяссö колана -д-, -т-, -ч- шыпасъяс содталöмөн.

2. Прöверитöй ёрта-ёртыдлысь уджтö.



217 удж. Лыдды да сет мöд юрним.

Вертолёт

Вертолёт лэбзис сикт помö да пуксис клубдорса кушинö. Челядь котөрөн уськö...чисны клуб дорö. Быдөнлы ёна кажи...чис тешкодь самолётыс. Лыабöжын и прöстöй самолётсö сöмын лэбигас аддзылан. А тані вертолёт пуксис! Кыдзи нö он матыс...чыв да видзöдлы сійöс?

М. Игнатов серти

• 1. Аддзы машина нимъяс.

2. Видлав кыв тэчас серти кушин кыв да гөгөрвоод сылысь гижанногсö.

3. Помав висътсö.

4. Гиж текстсö. Чутъяс местаö содтав -т-, -д-, -ч- шы-
пасъяс.



218 удж. Лыдды зумыд кывтэчасъяс да сылы
лöсялана вежöртасъяссö.

шогö усьны
öти кывйö воодчыны
сьолöм вылö воны
шемöсö усьны
чуш нюжодны

кажитчыны
дузгöдчыны
жугыльтчыны
сёрнитчыны
дивуйтчыны

шогö усьны –
жугыльтчыны

• 1. Быд зумыд кывтэчаслы аддзы лöсялана када-
кыв.

2. Гөгөрвоод кадакывйын -дч-, -тч-, -чч- гижöм.

3. Бөрйы 2 зумыд кывтэчас да лöсьöд сёрникузяяс.

4. Прöверит уджтö.

219 удж. Лыдды кадакывъяссö.

Öв...чыны – ..., вашкö...чыны – ..., тупыль...чыны – ...,
сайö...чыны – ..., кыпö...чыны – ..., игö...чыны – ..., бу-
кыш...чыны –

• 1. Кадакывъяс дорö бөрйы матын вежöртаса кывъ-
яс.

2. Гиж матын вежöртаса кывъяссö -т-, -д-, -ч- шы-
пасъяс содталöмön. Визьнит орфограммаяссö.

3. Прöверит уджтö да донъяв:

– Öшыбкатöм удж донъяв «5» вылö.

– Уджын кө эм 1–2 öшыбка, донъяв «4» вылö.

220 удж. Лыдды.

Нёров...чыны, ладмө...чыны, пөр...чысьны, сибө...чыны, кур...чыны, чукөр...чыны, копыр...чыны, ви...чысьны, мөдө...чыны.

- 1. Гиж кывъяссө куим пельö юклөмөн да колана шыпасъяс содталөмөн.
- 2. Прөверит уджтö.



221 удж. Лыдды кывъяссө.

Сялькөдчыны, сёлкөдчыны, бузөдчыны, булькөдчыны, польөдчыны, тельскөдчыны, шпольөдчыны, ызөдчыны.

- 1. Висьтав, мыйөн öткодьöсь кывъясыс.
- 2. Мыйөн торъялөны матын вежөртаса кывъясыс?
- 3. Лөсьөд текст «Вадорын» тема серти.



222 удж. Лыдды кыв чукөръяссө.

Дыш, дышпырысь, дышөдчö, дышиник, дыша.
Тэрмасьö, тэрыба, тэрыб, тэрмөдлыны.
Югъялө, югдö, югид, югыда, югидсьыс-югид.

- 1. Мыйөн öткодьöсь кывъясыс быд чукөрын?
- 2. Бөрйы да гиж сөмын кадакывъяссө.



223 удж. Лыдды Евгений Козловлысь гуга-бана сёрникузяяссө.

Вöччан, а Вова нач чöv.

Вöталö вöла тöv.

Геша нуö уна шег.



Нач – дзик.

Шег – ыж кокысь лы.

- 1. Лыдды бөрөн сёрникузяяссö.
- 2. Кутшöм аслыспöлöслун тайö сёрникузяясылöн? Мыйла найöс шуоны гуга-банаөн?
- 3. Лöсьöд ачyd гуга-бана кыв либö сёрникузя.



224 удж. Комиод серпаса гижöдсö.

Весной

Наступили весенние деньки. Жарче светит солнце. Днём с крыш капают капли. Тают на солнце длинные сосульки. Потемнели, распухли дороги. Лёд на реке посинел. На крышах снег растаял. На пригорках и около деревьев оголилась земля. Веселее защебетали синички и воробьи. По дорогам побежали весёлые и говорливые ручейки. Уже прилетели из тёплых краёв грачи.

225 удж. Лыдды. Дасьтысь гижны диктант.

Зэригөн

Зэр век öддзис. Сийö заводитис кисьтыны көшысь моз. Скöрысь гымалан кымöрыс ылыстчис. Швачöдис сідзи, мый көть пельтö тупкы. Гожöм шöрын таdzi оз гымавлывлы.

Микола ляскысис дзик нин коз пу бердас. Ваыс писькöдчис и татчö. Аддзö тай туйсö ваыд. Коз лапъясыс оз вермыны дзебны чорыд зэрсыйд.

Неважөн на лэбачьяс дзользисны. Друг налөн шыясис лөнисны. Лэбачьяслы зэрöмыд оз кажитчы. Найö дзебсисны позъясас.

Микола кыскыштіс асланьыс тшак тыра көрзинасö да кань моз йöжгыльтчис.

В. Ширяев серти



226 удж. Лыдды текстсö.

Пыжөн ветлём

Гожся лунö Вова чожыскöд мөдöдчисны ю паныд пыжөн. Дыр сынём бöрын найö воисны джуджыд берегаинö. Тані ваыс берегсö быттьö ыджыд пуртөн вундöма. Юыс лоис визувджык. Таті сынны вöлі сьöкыд.

Чöv-лөнъсö торкисны джыджъяс. Найö тюръялісны ва веркösöдыс, кыйисны лэбалысь гут-гагсö да гораа чивзісны.

Вовалөн чожыс туялö лэбачъясös, тöдмалö налысь оланногсö. Сійö индаліс Вовалы крут берегысь гöгрös розъяс, джыджъяслысь олан позъяссö.

Лэбачъясös туялысь дыр видзöдіс джыджъяс бöрся, лыддис налысь позъяссö да гижаліс тетрадьö. Сэсся висьталіс джыджъяс олём йылысь. Вова сюся кывзіс чожыслысь висьталёмсö.

Е. Козлова серти

• 1. Содты бөръя юкөнö джыдж йылысь юортана гижöд да вочавидз юалём вылö: Мый вермис висьтавны Вовалы чожыс джыджъяс йылысь?

2. Лыдды висьтсö мöдысь да лösöd план.

3. Гөгөрвоöd кывъяслысь гижанногсö: **мөдöдчисны, быттьö, чöv-лөнъ, гут-гаг, тюръялісны, оланног.**

4. Гиж изложение да прöверит уджтö.

227 удж. Лыдды кадакыв йылысь да помав сёрни-кузяяссö.

1) Кадакыв – тайö

2) Кадакыв вежласьö

3) Уна лыда кадакыв петкöдлö

4) Соссяна кадакыв артмö ... да петкöдлö

5) Кадакывъяс гижигөн колö кутны тöд вылын татшöм орфограммаяс:


КЫВБЕРД



Кывберд да сылөн вежортас



228 удж. Лыдды колана ногөн.



Тулыслөн лов шы

Вочасөн сылө-исковтө ... лым. Заводитёны уджавны ... шоръяс. Луннас найö ызгёны-сылёны вомтырөн, а войяснас вашкөдчёны-мойдёны надзёникён. Лун и вой пискөдчёны юяслань ... ваа шоръяс. Регыд дундасны, лөзөдасны юяс.

И. Коданёв серти

- 1. Содты чутъяс местаас кывбердъяс да лыдды текстсö мөд пөв. Мый тэ казялн?
- 2. Тулыслысь кутшөм лов шыяс дзебёма тайö текстас?
- 3. Төдмав, художествоа али наука гижөдыс.
- 4. Аддзы серпасалан кывъяс.
- 5. Корсь вуджөдан вежортаса кывъяс.
- 6. Төдчөдөм кадакывъяслысь гөгөрвоөд гижанногсö.
- 7. Кыдзи эськө тэ помалн текстсö? Лөсьөд 1–2 сёрникузя.

229 удж. Лыдды гижөдсө да юрнимав.

Коми пармао воис гөститны небыд ловшыа, гажа гөлөса, шөвк чышъяна да веж кудриа юрсиа тулыс. Тулыс воом йылысь медводз висьталісны керка жөлөбъясө ош-йөм йинёнъяс, сэсса кузь бөжа сырчикъяслөн нимкодя йөктөмыс. Найө асланыс ем кызта кокнаныс и вөрзё-дасны юяс вылысь измөм йисө.

В. Напалков



Жөлөб – керка вевт вылысь либө мукөд местаясысь ва вийөдөм вылө вөчөм ворга.

Йинёнъ – вылысянь киссьысь кынмөм ваысь ёсь йыла кузьмөс йитор.

- 1. Кутшөм кывбердъяс отсөгөн гижысь петкөдлөма тулыссө?
- 2. Мыйла сійө тулыс йылысь висьталө морт йылысь моз?
- 3. Дженьдөд сёрникузяссө грамматика подулөдз.
- 4. Вайөд **тулыс** эмакыв дінө гижөдысь лөсялана кывбердъяс да гиж найөс.

Вөч тадзи: *Тулыс – небыд ловшыа, ...*



МЕД- кывводза, **-ИНИК (-ІНИК)**
суффикса кывбердъяс

230 удж. Лыдды.

Кор дзоридзалө льөм

Тулысын видзөдан ошиньөд, а сәні чукөрөн ошалөны розъя дзоридзъяс. Чөскыд көр өвтө ывласянь. Весиг юрыд заводитлас бергөдчыны. Веж коръяс пөвстын дзользёны лэбачъяс.

Судзөдчан кустъясөдз, нетшыштан өти медыджыд роз. Матыстан еджыд розсө чужөм дїнад. И сэтшөма кутас кыскыны ывлавылө. Тані тувсовъя яр шонді ворсө югөръяснас веж коръяс вылын.

Мича, кыпид кад – гажа тулыс!

И. Изъюров серти

- 1. Кутшөм сьөлөмкылөмөн гижөма текстсө?

2. Аддзы текстысь мичкывъяс да кывтэчасъяс.

3. Корсь текстысь опорной кывъяс.

4. Бөрйы өти удж да вөч сійөс:

1 удж. Аддзы мед- кывводза кывберд, гөгөрвоод сылысь гижанногсө да гиж.

2 удж. Гиж текстысь кывберд + эмакыв схема серти кывтэчасъяс.

Вөч тадзи: *Розъя дзоридзъяс, ...*

231 удж. Лыдды колана ногөн кывбурсө.

Асыв

Кодыр асыв, чери шедө бура.

Асылын жө тшакыд ёна сюрө,

Медся ёна лэбач сэки сьылө,

Мөдлапөвсянь гөлөс сьлөн кылө.

Медся сөстөм сэки енэж лөзыс,

Медся зільөсь сэки сиктын йөзыс.

В. Лодыгин

- 1. Мый верман шуны кывбур гижысь йылысь?

2. Инды медся кыв кывбердъясыскөд, висътав налысь гижанногсө.

3. Висътав, мый петкөдлө медся кывйыс.

4. Содты кывбердъяс дорө мед- кывводз, гөгөрвоод гижанногсө да гиж: *...сөстөм, ...зіль.*



232 удж. Лыдды кывъяссö.

югьд – ...

кыз – ...

ясыд – ...

гырысь – ...

муса – ...

ёсь – ...

- 1. Содты мед- кывводз да лыдды артмöm кывъяссö.
2. Гиж кывъяссö кык чукөрö юкөмөн, гөгөрвоод кывъяслысь гижанногсö правилöөн.
3. Лöсьöд öти сёрникузя.

233 удж. Лыдды кывбердъяссö.

Том, дыш, ляпкьд, ьджьд, ён, ичöt, жеб, пöрысь, джуджьд, зиль.

- Бөрйы öти удж да вöч сійöс:
1 удж. Кывбердъясысь артмöd -иник, -иник суффиксьясөн кывъяс да гиж.

Вöч тадзи: *Томиник, ...*

2 удж. Сетöm кывъяслы бөрйы паньд вежöртаса кывъяс. Кывбердъясысь артмöd -иник, -иник суффиксьясөн кывъяс да гиж параөн.

Вöч тадзи: *Томиник – пöрысиник, ...*

234 удж. Лыдды кывбурсö.

Ло сöстöm

Югьд ва, сöстöm ва,	Медым югъяліс пинь,
Мыськы чужöm вылысь са!	Медым нюмъяліс вом,
Медым дзирдаліс син,	Медым вöлін мед (ён)!

- 1. Висьтав тöдчödöm кывбердлысь гижанногсö.
2. Вайöd 2–3 мед- кывводза кывберд, медым сэні гижсис торйöдан ъ.



-КОДЬ суффикса кывбердъяс да найӧс гижӧм



235 удж. Лыдды гижӧдсӧ.

Ур – ичӧт вӧрса пемӧс. Сылӧн морӧсыс да кынӧм улыс еджыд...ник. Мыш вылыс гӧрд(кодъ). Кок...ясыс дженьыдӧсь. Пашкыр бӧжыс вывлань чыкыля, пушыд...ник. Урлӧн оланіныс шоныд, лӧсьыд...ник. Позсӧ сійӧ лӧсьӧдӧма небыд ув...ясысь. Поз пыткас гӧн сора небыд(кодъ) нитш вольсалӧма.

- 1. Гиж текстсӧ колана шыпасъяс содталӧмӧн да скобкаяс восьталӧмӧн.
- 2. Визьнит **-кодъ** да **-иник (-іник)** суффиксъяса кывбердъяссӧ.
- 3. Вайӧд ӧтвужъя кывъяс **гӧрд, небыд** кывъяс дорӧ.
- 4. Ёртыдкӧд ӧтув прӧверит уджтӧ.



236 удж. Лӧсьӧд ур йылысь кывбур:

... .. ур,
... .. бур!



237 удж. Комиӧд текстсӧ.

У старой сосны

У старой сосны резвятся весёлые белки. Они радуются тёплому солнышку, встречают весну. Сменили к весне свои пушистые серые шубки. Рыжими стали у белок их спинки и пышные хвосты.

Всю долгую зиму жили белки в высоком лесу. От ветра и стужи прятались в глубоких дуплах деревьев. С ёлки на ёлку, с сосны на сосну носились по лесу, грызли смолистые шишки.

Никому в лесу не делают вреда белки. С сучка на сучок гоняются они по деревьям. Весело играют у старой сосны белки.



238 удж. Артмод кывбердъяс.

Лөз – лөзіник, лөзкодъ, медлөз. Сюсь – сюзиник, ...,
... . Мича – ..., Важ – ..., Съод – ...,



**Кывбердкөд да эмакывкөд КОДЪ кыв
гижанног**

239 удж. Лыдды.

Көч кодъ ..., руч кодъ ..., ош кодъ ..., кань кодъ ..., ку-
кань кодъ ..., йи кодъ ..., би кодъ

Отсөг кывъяс: ён, полысь, рам, пось, көдзыд, мелі,
мудер.

- 1. Бөрйы лөсялана кывъяс да гиж.
- 2. Лөсьод өти сёрникузя.



240 удж. Лыдды нөдкывсө да төдмав.

Сутуга кодъ сунис вылын
Джуджыд турун быдмө тыр.
Юрыс – чөскыд сөкъя нянь шеп,
Тусь кодъ вына сёянтор.



- 1. Мый отсаліс төдмавны нөдкывсө? Вайөд мукөд турун ним.
- 2. Гиж кодъ кывбөра эмакывъяс.
- 3. Лөсьод кодъ кывбөра орччөдөмъяс пыртөмөн нөдкыв.

241 удж. Лыдды.

Эрд вылө **мыччысис** дивө (кодъ) мича руч, бөжыс би (кодъ) гөрд. Öгыр кодъ синъясыс сюся югъялісны. Недыр мысти **тыдовтчис** мамыс (кодъ) жө гөрд(кодъ) ручпи. Сійө пелька **чеччаліс** мамыс водзын да вошис кустъяс сайö.

- 1. Гиж текстсö скобкаяс восьталöмөн.
- 2. Төдчөдөм кывъясылысь гөгөрвоод гижанногсö.

242 удж. 241-өд уджын сетөм текст серти бөрйы öти удж да вöч сійös:

1 удж. Аддзы **кодъ** кывбөра эмакывъяс да гөгөрвоод налысь гижанногсö, вайөд татшөм жө орфограммаа 2 кыв.

2 удж. Корсь **кодъ** суффикса кывберд. Лөсьөд **кодъ** суффикса кывберда кывйөн сёрникузя да гиж.



243 удж. Лыдды И. Тарабукинлысь серпаса гижөд.

Тузик – ичөтик тушаа, мач кодъ гөгрөсіник, смоль сьөд гөна. Сбылі гөгөрыс еджыд галстук кодъ кытш. Плешкас лым мач кодъ еджыд чут. Весиг пемыдінын тыдалö тайö пасыс.



244 удж. Лыдды кывъяссö.

Катшыс, лайка, ыджыд да ён, төлка, көлач кодъ бөжа, кокъясыс кузьös да тэрыбөсь, кисьмөм льөм тусь кодъ син.

- 1. Төдмав лайка пөрөдаа пон йылысь.
- 2. Висьтав, мыйла Катшыслы сетөма татшөм ним.
- 3. Лөсьөд Катшыс йылысь серпаса гижөд. Петкөдлы ас гижөдад понйысылысь сямсö да радейтанторсö.



Рөм петкөдлысь тэчаса кывбердъяс да найөс гижөм

245 удж. Лыдды сёрникузяссө.

1) Йылөдзыс увъястөм гөрдов(руд) сера пожөмъяслөн пучеръясыс энэжөдзыс кыпөдчөмаось. Пыдөс ни дор кельыд(лөз) энэжыслөн абу. (*В. Шахов*) 2) Паськыдкодь кушин весьтын мыччысис шонді, и му вывсяньыс кутіс лыбны пемыд(лөз) ру. (*В. Баталов*) 3) Чусалысь шом пиас ворсөдчөны вижов(гөрд) да югыд(лөз) би кывъяс. (*С. Раевский*) 4) Томиник льөм пу заводитіс пасьтасыны **посньыдик** югыд(виж) коръясөн. (*В. Безносиков*) 5) Увтасінын туруныс лөзов(веж), ойдлан видз вылас яр(виж). (*В. Юхнин*)



Пыдөс ни дор.

- 1. Гиж колана ногөн скобкаын сетөм тэчаса кывбердъяссө.
- 2. Төдчөдөм кывъяслысь гөгөрвоод гижанногсө.
- 3. Прөверит уджтө.



246 удж. Кутшөм кыв лөсявтөм да мыйла?

- 1) Пемыдлөз, кельыдлөз, яръюгыд, югыдлөз.
- 2) Съөдлөз, съөдруд, югыдвеж, съөдовгөрд.

247 удж. Гиж юрвежсьыд.

асья кыа

Асья кыа югыдгөрд,
Рытъя овлө лөз.
Шонді серти олөны
Чужан сиктса йөз.

рытъя кыа

А. Ванеев



248 удж. Лөсьöd гижöd гожся серпас йылысь, пырт рöm петкөдлысь тэчаса кывбердъяс.

249 удж. Лөсьöd рöm петкөдлысь тэчаса кывбердъяс да гиж.

пемыдруд	югыд	виж	ЮГЫДВИЖ
	пемыд	гöрд	
		руд	
		лöз	
		веж	



Визь пыр гижан тэчаса кывбердъяс



250 удж. Юклы сёрникузяяс вылö да гиж.

Веж бобöнянь

Кыддза рас бердын шыльквидзысь йөрö кöдзисны бобöнянь сійö быдмис да нимкодясис гожся шондiлöн мелысь-мелi югөръяс улын öти асылö воисны йөрö йöз да ытшкисны бобöняньсö колисны сылөн вужъясыс да помъясыс арнас вежсьыс-веж бобöнянь бара ырыштчис быдмыны вывлань öтаваөн.

И. Белых серти



Öтава – ытшкöм бöрын выльысь петöм турун.

- 1. Аддзы öтсяма юкöдъяса сёрникузяяс. Висьтав, кыдзи йитчöмаöсь öта-мöдыскöд öтсяма юкöдъясыс.

2. Визьнит текстысь тэчаса кывбердъяс.

3. Бөрйы öти удж да вöч сійöс:

1 удж. Видлав тэчас серти шондiлöн, вужъясыс кывъяс.

2 удж. Видлав кыдзи кывсикас кыддза кывберд.

251 удж. Лыдды кывбуръяссö.

- 1) Каньыд куйлö рузум вылын,
Синсö читкыртöма, сьылö.
Сьылöм мелі(мелі) сьлөн,
Мича (мича) мойданкылыс.

В. Лыткин

- 2) Ыджыд мамö разьö ноп,
А сэн ыджыд(ыджыд) гоб.

Г. Юшков

- 3) Шонді качö вылö,
Енэж лöзысь (лöз).
Лунтыр видзьяс вылын
Турун пунктö йöз.

А. Ванеев

• 1. Аддзы кывбуръясысь тэчаса кывбердъяс. Висьтав, мыйла гижысьясыс пыртöмаось тэчаса кывбердъяссö кывбурас.

2. Гиж тэчаса кывбердъяссö скобкаяс восьталöмөн эмакывъясыскöд.

3. Прöверит уджтö.

252 удж. Лыдды висьтсö.

Мездісны

Öти тувсовъя лунö Петя да Паша тэрыба восьлалісны чарöм вывті юлань. Воис пипу рас. Вокъяс эз вермыны эскыны синъяслы. Раскö шойччыны сувтöмаось йöра да йöрапи.

Бадь кустъяс сайсянь челядь радпырысь видзöдісны йöра мама-пия вылö. Зонкаяс нимкодясисны тайö ловъя вöрса серпаснас. Öтка пипу улын куйліс да вуграліс йö-

рапи. Сы дорын сулаліс мамыс. Йёра нюліс воддза кокъ-яссö. Чорыд чарöмыс вирöдз зыртöма-ниртöма сылысь коксö.

Вокъяс мыш сайын кыліс кок шы. Петя да Паша пипуяс сайысь аддзисны пиццаля мортöс. Сійö эз казьяв зонкаясöс да сюся дзоргис-видзöдіс йёраяслань. Сэссия зарадитіс пиццальсö да кутіс метитчыны йёралы.

«Эн лысьт лыйны!» – горш тырнас горöдісны зонкаяс. Виччысьтöм горöдöмсьыс пиццаля мортыдлөн ки-кокыс лигышмуніс. Сійö скöра видзöдліс зонкаяслань. Сэссия бергöдчис мöдарö, öшöдіс пиццальсö пельпом вылас да во-шис пуяс сайö.

А. Некрасов серти



Чарöм – тулысын лым вылын йи корка.

• 1. Мыйла гижысьыс висътыслы сетöма «Мездісны» юрним?

2. Мыйысь позьö ошкыны кык вокöс?

3. Кутшöм мортөн тыдовтчö ачыс гижысьыс – Александр Иванович Некрасов?

4. Текстысь инды кывъяс, медым позис шуны мöд ног Петя да Паша вокъясöс.

5. Кутшöм кывъяс пыртöма гижысьыс текстас йёра да йёрапи кывъяс пыдди?

6. План серти дженьдöд висътсö.

План:

1) Петя да Паша казьялісны йёраöс да йёрапиöс.

2) Зонкаяс нимкодясисны вöрса ловъя серпаснас.

3) Пиццаля мортлөн лёк мöвп.

4) Вокъяслөн горöдöмыс мездіс йёраясöс.

7. Уськöд тöд вылад кывъясслысь гижанногсö: **аддзис, шойччыны, мама-пия, пиццаля, дзоргис-видзöдіс, ки-кок.**

8. Гиж дженьдöдöм изложение да прöверит уджтö.

253 удж. Гиж лөсялана кывбердъяс сетом эмакывъяс дорө.

... пожом, ... яг, ... парма, ... гожом, ... мач, ... кымөр,
... кыйсьысь.

Отсөг кывъяс: *помтом-дортөм, чера-пицала, лөза-гөрда, руда-сьода, мичаысь-мича, кузь-кузь, лөддза-номъя.*



Кывберд йылысь төдөмлун да кужөмлун вынсьөдөм

254 удж. Лыдды текстсө.

Тундраын тулыс

Тулыс асьсө төдө. Ёна нин содісны лунъяс. Керка өшинь улын артмисны ыджыд...ник ва гөпъяс. Воссялісны визув...ник шоръяс. **Сэзь войясө артмывліс крепыд (кодъ) чарөм.** Йи кылалөмкод тшөтш вощьө тундраысь ва туй.

Мича поводдя дырйи лөсьыдөсь тундравывса тувсов войяс. Сэки шондіыс тані некор оз саявлы. Лунся дорысь сійө төкөтбө гөрдджык. Сынөдыс ыркыд(кодъ). Небыдик төвру чужөмтө гильөдыштө. Ывлалөн мичлуныс чуксалө овны.

Я. Рочев серти

• 1. Кызди гөгөрвоан «*Тулыс асьсө төдө*», «*Ывлалөн мичлуныс чуксалө овны*» сёрникузяяс?

2. Гөгөрвоод гижанногсө **оз саявлы, вощьө, гөпъяс, төвру** кывъяслысь.

3. Төдчөдөм сёрникузяысь корсь подувпассө да юөрпассө.

4. Аддзы да гиж **-иник (-іник)** да **-кодъ** суффикса кывбердъяс.

255 удж. Лыдды мичаа кывбурсö.

Коми му кузя ме муна.
Гөгөр сулалö съöd вөр.
Вöрыс вывті-вывті уна,
Сыысь унаыс оз төр.

Сэні, **быттьö** пöрысь пöчö,
Дзормöм **кыпöдчöма** коз.
Сійö увъяс костын вöчö
Вöрса пöтка шоныд поз.

М. Лебедев

- 1. Гиж кывбердъяссö эмакывъяскöд да прöверит.
- 2. Видлав кывбурысь медводдза сёрникузясö юкöдъяс серти кывъяс дорö юалöмъяс пуктöмөн.
- 3. Вайöд **вөр** кыв дорö öтвужъя кывъяс.
- 4. Гөгөрвоöd тöдчöдöм кывъяслысь гижанногсö.



256 удж. Лыдды кывъяссö да уськöд тöд вылад налысь гижанногсö.

Медъяр, вата кодъ, вилькодъ, синва, руда-сьöда, рами-
ник, кань кодъ, на моз, турунвиж, чеччö-водö, шаньлун,
югыд-югыд, медтэрыб.

- 1. Гиж сöмын кывбердъяссö.
- 2. Гөгөрвоöd налысь гижанногсö.
- 3. Прöвертöй уджтö ёрта-ёртыдлысь.

257 удж. Лыдды кывъяссö, гөгөрвоöd гижанногсö.

Яр(югыд), мичасьыс(мича), съöd(гöрд), кузя(дженъыда),
лöзов(еджыд), лöддза(номъя).

- Бөрйы öти удж да вöч сійöс:
1 удж. Гиж кывбердъяссö скобкаяс восьталöмөн.
2 удж. Гиж кывбердъяссö кык чукөрö юклöмөн.

3 удж. Гиж кывбердъяссö кык чукöрö юклöмөн. Сод-
ты уджын паныдасьöм быд правилö вылö кык кывйөн.



258 удж. Комиод да гиж гөгөрвоодöмөн.

Самый сильный, кругловатый, синий с белым, голу-
бой, самый короткий, длинный-длинный, тёмно-серый,
красный с синим.

259 удж. Гиж кывъяссö слогъяс вылö юклöмөн, мед
позис вуджöдны визьысь визьö.

Скөркодъ, медöдйö, ёнкодъ, съöдгöрд, медуль, югыдвиж,
ичёткодъ, ярьюгыд, медсук.



Кывбердлөн аслыспöлöслун

260 удж. Лыдды кывтэчасъяссö.

лөнъ лун
лөнъ лунö



лөнъ лунъяс
лөнъ лунъясö

- 1. Орччöд кывтэчасъяссö да висътав, кöни сулалöны кывбердъясыс – эмакыв водзас али бöрас.
- 2. Вежласьö-ö кывбердыс, кор сйö сулалö эмакыв водзас?

БОСЪТ ТÖД ВЫЛАД!

Кывбердыс кö сулалö эмакыв водзас, сйö оз веж-
лась: *лөнъ лун, лөнъ лунъяс.*

261 удж. Лыдды сёрникузяяссö.

Виддыс паськыд.



Видзясыс паськыдöсь.

- 1. Орччөд сёрникузяяссө да висьтав, торъялөны-ө эмакыв водзас да бөрас сулалысь кывбердъясыс.
- 2. Сёрникузяясысь инды подувпас да юөрпассө.

БОСЫТ ТӨД ВЫЛАД!

Кывберд кө сулалө эмакыв бөрын, сёрникузяын сійө лоө юөрпасөн да лөсялө подувпасыскөд лыдын:
луныс лөнь – лунъясыс лөньөсь.

Кывбердлысь уна лыдсө петкөдлө **-өсь** кыв вежла-лан суффикс.

262 удж. Лыдды сёрникузяяссө.

Луныс шондіа. Войыс лөнь. Сиктыс ичөт.

- 1. Подувпассө да юөрпассө сувтөд уна лыдө да гиж.
- 2. Кывбердъясысь инды уна лыда **-өсь** суффикс.

263 удж. Лыдды Николай Щукинлысь кывбурсө.

Луныс талун мича, Жөлөб помсянь тічкө
Өшиньяс көть осьтав. Тэрыб эзысь войтва.

- 1. Орччөд: мича лун и луныс мича.
- 2. Гиж кывбурсө юрвежсьыд.

264 удж. Лыдды кывтэчасъяс.

Гажа рытъяс, кузь лунъяс, мича дзоридзъяс, пашкыр пуяс.

- 1. Артмөд кывтэчасъясысь сёрникузяяс.

Вөч тадзи: *Мича лунъяс – лунъясыс мичаөсь.*

2. Артмөд кывтэчасъясысь сёрникузяяс. Өти сёрни-кузя паськөд содтана юкөдъясөн.



Простой да сложной сёрникузяс

265 удж. Лыдды Михаил Лебедевлысь кывбурсо.

Кодзыд лун-вой быри,
Сыліс еджыд лым,
Юыс ваон тыри,
Гымалө нин гым.

Надзөникөн киссьө
Муяс вылө зэр.
Сулалө да мыссьө
Зэрнас пемыд вөр.

- 1. Аддзы кывбурсысь простой сёрникузяс. Мый серти тэ тодмалін?
- 2. Аддзы кывбурсысь сложной сёрникузя. Мый серти тэ сійөс тодмалін?
- 3. Кызди йитчоны простой сёрникузясыс сложнойын?

БОСЪТ ТӨД ВЫЛАД!

Сёрникузя овлө простой да сложной.

Простой сёрникузяын өти грамматика подув.

Миян войвылө воис гажа тулыс.

Сложной сёрникузяын кык либө некымын грамматика подув. Сёрникузя лыд колө тодмавын грамматика подув лыд серти.

Воис гажа тулыс, и бузөбтисны визув шоръяс.

Сложной сёрникузя лыддигөн простой сёрникузя-яссө торйөдоны шуанногөн.

266 удж. Лыдды.

Тулыс сёрмис, нюжаліс. Водз өдөба гызьмуніс ытва, ойдөдіс гөгөр. Сэсся ывлаыс ыркнитіс, воисны зэра лунъяс. Төлысь чөж таdzi бужгылясис поводдяыс, да ытваыс некыз эз ям. Сөдзмөм енэжсянь яра ыпъяліс шонді, и сэки вөлисти сылісны кыз йиа нюръяс.

И. Торопов серти



Бужгылясьны – кымрасьны, ыркыдавны; таdzi шуоны шондiтoм поводдя йылысь.

• 1. Аддзы текстысь серпасалан кывъяс. Висьтав, мыйла гижысьыс пыртoма найoс.

2. Кызди гoгoрвоан «oдoбa гызьмунiс» кывтэчас?

3. Инды oтсыама юкoдъяса прoстoй сёрникузяяс. Корсь грамматика подувсo.

4. Текстысь аддзы сложнoй сёрникузяяс, корсь налысь грамматика подувъяссo.

5. Висьтав, кызди колo торйoдны сложнoй сёрникузя oтсыама юкoдъяса прoстoй сёрникузяысь.

БОСЪТ ТOД ВЫЛАД!

Прoстoй сёрникузяяс сложнoйo вермoны йитчыны:

1) кывйитoдтoг, сoмын шуанног oтсoгoн:

Гажа тулыс воис, гoгoр жургo шор. (М. Лебедев)

2) и, да, а, но кывйитoдъясoн:

– *Локтiс тулыс, и лунвывсянь войвылo воисны лэбачьяс.*

– *Тулыс пo гажа да гoль, а ар пo гажтoм да озыр.*

(Шусьoг)

– *Йoз дыр виччысьoны тулыс, но тувсов кадыд oдйo кольo бoрo.*

Сложнoй сёрникузяын кывйитoдъяс водзын пуктoны чутiк.



267 удж. Бoрйы 266-oд уджысь сетoм схемаяслы лoсялана сложнoй сёрникузяяс да гиж.

1. [————— =————], да [————— =————].

2. [————— =————], и [————— =————].

3. [————— =————], [————— =————].

268 удж. Лыдды текстсö да юрнимав.

Тулусыд куим сикаса праздник: югыд, ва да веж турун гаж.

Локтіс тулыс. Лунъяс нюжалісны. Яра дзирдалö шонді. Сöстöммис енэж. Вильыш төв ловзьöдö ывласö.

Сылö лым. Быдлаын тюргöны-визувтöны шоръяс. Гөгөр чукөрмöмаöсь ва гөпъяс. Увтасінъяс ойдöмаöсь нин ваён.

Лышкыд шонді аслас дзирдөн да шоньдөн ставсö ловзьöдö!

- 1. Артмод прөстөй сёрникузяясысь сложной сёрникузяяс, йитлы найос и, да, а кывйитөдъясөн.
- 2. Гиж сложной сёрникузяяссö.
- 3. Визьйөдлы сложной сёрникузяясысь грамматика подувъяс.
- 4. Лөсьөд öти сложной сёрникузялы схема.

269 удж. Мичаа лыдды Н. Щукинлысь кывбурсö.

Төп-төп! Войтва гөгөр төпкө.
Шонді шонтö, дзольгö шор.
Чик-чик! Сырчик вöсни кокнас
Жуглö йиа берег дор.
Пөрöм пуысь петіс лельö,
Тінгö-төнгö кузь ныр – ном.
Йинёнъ уси гия-голя,
Вот и төвлы воис пом.

- 1. Кутшöм тувсов серпас сувтіс син водзад?
- 2. Кутшöм шы сетан кывъяс петкөдлöны вөр-ва ловзьöмсö?
- 3. Аддзы кывйитөдтöм сложной сёрникузяяс.
- 4. Аддзы кывбурьысь тэчаса эмакывъяс да кадакыв.

КЫВ ДА СЫЛӨН ВЕЖӨРТАС



Кыв вежөртас



270 удж. Лыдды текстсö.

Сыктивдінкарса ярмарка

Батьö нуліс менö Сыктивдінкарö ярмарка вылö. Ву-засьны-ньöбасьны волывлöны сэтчö уезд пасьта олысьяс.

А йöзыс мыйта! Сыктив ю берегас сулаліс сё гөгөр ичöтик лавка. Сыктивдінкар быттö пыркнитчыліс, садь-мыліс узьöмысь. Кыліс ныв-зонлөн гаж, гудök шы улö сьылöмъяс.

Бать лэччöдліс ярмарка вылö звер куяс, кынтöм пöт-ка да кын чери. И ставыс тайö кокниа инасьліс.

В. Напалков серти



Уезд – территория юкөнлөн важ ним. Лöсялö öнiя районлы.

Ярмарка – уна йöза котырөн вузасьöм да ньöбасьöм.

• 1. Кутшом кадся олөм серпасалөма текстас? Кыдзи тэ төдмалін тайос?

2. Кутшом нөшта ним новлөдліс Сыктывкар? Гөгөрвоод Сыктывкар ним сетан подувсө.

3. Аддзы текстысь синонимъяс.

4. Бөрйы өти удж да вөч сійос:

1 удж. Вайөд гаж, ичөтик кывъяслы синонимъяс.

2 удж. Бөрйы садмыліс, гаж кывъяслы антонимъяс.

3 удж. Бөрйы кынтөм, инасис кывъяслы өтвужъя кывъяс.

БОСЫТ ТӨД ВЫЛАД!

Кыв вежөртасөн лоө предмет, признак, керөм-вөчөм йылысь вежөртөм, гөгөрвоөдөм: Коді сійө көчыс? Мый сійө пуыс? Кыв вежөртас эм унджык кывлөн.

Кыв вежөртас гөгөрвоөдігөн кывйөн серпасалам предметсө, признаксө, керөм-вөчөмсө: *Көч – вөрсә пемөс, кузь пеля, дженъыд бөжа, табъя кока.*

Кыв вежөртас позьө гөгөрвоөдны сідзжө:

– синоним отсөгөн: *веретя, вывтасін; воль, көр ку;*

– антоним отсөгөн: *дженъыд – кузь;*

– өтвужъя кывъяс вайөдөмөн: *игөдчыны – иган;*

– кывтэчас да сёрникузя лөсьөдөмөн: *Дубыд шыд. Кань куткырвидзө. Нылыс мамыс вылө мунө.*



271 удж. Төдмав юрпесансө да гиж. Гөгөрвоод кывъяслысь вежөртассө.



Сыктивдінкарлөн важ олöмысь

Важөн Сыктивдінкарын онас öтчыд овліс ыджыд ярмарка. Сійö мунліс век төвнас. Сэк карöдыс кокниджык веськавны.

Сыктивдінкарса ярмарка выlö немдінса мужикъяс вайлісны ас кыöm ной, пу чашкаяс, тасьті-пань. Паджгаса крестьяна вузасисны няньön. Нювчим да Кажим заводъясысь вузасысьяс вöзйисны көрта көлуй. Киподтуя вьльгортсаяс чуксалисны ньöбны куранъяс, мегыръяс, телега көлесаяс, кузнечьяслысь дорöмторъяс. Сыктивсаяс да Эжва вожсаяс вайöдлісны вöv табунъяс. Ярмарка вылысь позис сідзжö ньöбны вöралысьяслысь ур ку, байдög да сьöла-тар.

В. Напалков серти



Ной – вурунысь топыда кыöm матерье.

Табун – вöv чукөр.

• 1. Вайöd сетöm вежöртасыяслы лöсялана эмакывъяс да гиж найöс:

- 1) керка пытшкын сөйигön вöдитчан көлуй;
- 2) сөянтор;
- 3) уджалан да овмöсын вöдитчан көлуй;
- 4) ловъя лов;
- 5) вöрысь кыйöмтор;
- 6) оланін, посёлок ним;
- 7) йöзлөн чукöртчöм;
- 8) оланін серти йöзлөн ним.

2. Лыдды шусьöгъяссö. Гөгөрвоöd, кыдзи найö лöсялöны сетöm гижöd дорö.

1) Мастер ки помысь зöлöта киссьö. 2) Быд ремеслö бур. 3) Кужöмлун озырлунысь бурджык. 4) Абуыс сöмын абу. 5) Донтöm дона, да бур ёна.

273 удж. Лыдды кывъяссö. Кодлы лöсялö татшöм керöм-вöчöмыс?

Кывзö, видзöдö, мöвпалö, гижö, лэптö ки, вочавидзö.



274 удж. Лыдды кыв параяссö. Мыйöн торъялöны кывъясыс öта-мöдсьыс?


Гижанног – правописание, шыпас – буква, сёрникузя – предложение, шылад – музыка, подувпас – подлежащее, мусир – нефть, кадакыв – глагол.

• 1. Аддзы сетöм кыв параяс пысь кыв терминъяс да гиж найöс.

2. Вайöд татшöм жö öткодь вежöртаса роч кывъяс шуанног, юöрпас, чутік, кывбöр, юöртан сёрникузя кывъяслы да гиж.



275 удж. Тöдмав юржуглансö.



Кузяланог:

1. Юркар бердті кывтысь ю ним.

2. Керка öдзöс иган.

3. Гöгрöса кусыньтöм вöв доддялан пу кöлуй, мыйöн пысалöны вожсö сийöс дінас.

4. Сиктса йöзлөн ломтысянтор.

5. Нывка челядълөн ворсантор.

6. Тöv кежлö лыссö шыбитысь пу.

Судтаног:

7. Медводдза коми анбур лöсьöдысьлөн ним.



Вуджодан вежортаса кывъяс

БОСЫТ ТӨД ВЫЛАД!

Кывлөн вермө лоны өти да уна вежортас. Уна вежортаса кывлөн вермө лоны веськыд да вуджодан вежортас. Кывлөн **вуджодан вежортас** лоо сэк, кор кутшөмкө предмет, признак либө керөм-вөчөм позьö откодявны мөдкөд.

*Зарни вөрөн шуоны виж рөмъяса арся вөр виж рөма металлкөд откодълун серти. Пипу коръяслысь төвру улын кышакылөмсö откодялөны йөзлы лөсялана керөм-вөчөмкөд: **Мыйкө вашкөдчөны гора пипу коркөд кыз пу кор.** (М. Лебедев)*



276 удж. Лыдды кывтэчасъяссö.

Чөскыд рок – чөскыд ун, пөсь ва – пөсь кывъяс, сөстөм паськөм – сөстөм сьөлөм, том морт – том төлысь, лэчыд чер – лэчыд гөлөс, ньылыштис ва – кывсö ньылыштöма, зарни исерга – зарни ар, пемыд вой – пемыд морт.

• 1. Аддзы сетөм кывтэчасъяссысь вуджодан вежортаса кывъяс.

2. Лөсьöд некымын сёрникузя вуджодан вежортаса кывъясөн.

277 удж. Лыдды.

Гожөмын Мизин ю дорын лөсьыд, гажа. Ляпкыд-джык берегъяс пөлөн **овмөдчөмаёсь** бадь пуяс. Найö лунлун **видзөдөны** ваас да **варовитөны** юыскөд. Вылынджык льөм пуяс. Тулысъясын найö дзоридзалөны сідзи, мый



ылісянь кажитчö: кодкö берег дорсö вольсалöма еджыд дöраён.

Көнсюрö берег пöлöныс шевкнитчöмаöсь кыддза расъяс. Муыс сэнi **вольсалöма** веж вольöсөн, а вылын-джык, пуяс вылын, дугдывтöг дзользьöны лэбачьяс. Льöм пуяс да кыдзьяс костö **тöрöдчöмаöсь** сэтөр кустьяс, жельнöгьяс.

С. Раевский



Жельнöг – лежнöг.

- 1. Тöдмав текст сикассö да юрнимав.
- 2. Кутшöм сикаса текстын ёнджыка паныдасьлöны вуджöдан вежöртаса кывъяс?
- 3. Мыйла гижысьыс тöдчöдöм кадакывъясыслы сетöма мортлы лöсялана керöм-вöчöм?
- 4. Мый позьö шуны сетöм текст сертиыс С. Раевский гижанног йылысь?

278 удж. Лыдды кывтэчасьяссö.

сьöd льöм

сьöd пывсян

сьöd ки

сьöd вира

сьöd му

сьöd вöр

• 1. Тöдмав, кыдзи лоöмаöсь **сьöd** кывлөн мукöд вежöртасьясыс.

2. Öти кывтэчасөн лöсьöd сёрникузя да гиж.

Отсöг вылö:

1) сьöd рöма;

2) трубатöм, жырьö петысь тшына;

3) тшем, козья пуяса;

4) град выв пуктас быдтöм могысь вынсьödöм;

5) няйт;

6) лёк, вежöгтысь.

279 удж. Лыдды сёрникузяссö.

1) Зонкаяс мунісны подөн. **Туйыс** муніс вөр бокöд.

2) **Челядь** сылісны мыла гөлөсөн. Арся вöрын менам

сыліс сьölöмöй. 3) **Визув шорьяс** тэрмасисны юлань.

4) Миян Прошка вöлі зэв **визув каньпи.**

• Гиж тöдчödöм кывьяссö кык чукөрö юкөмөн:

1) веськыд вежöртаса кывьяс;

2) вуджöдан вежöртаса кывьяс.

280 удж. Лыдды кывбурсö.

Весьт кузьята гожöмыс тэрыба рöдтіс.

Чужöмö ляскысис войвывса гож.

Чардбиысь дугдіс нин потласьны вöртас,

Дзоргö гөрд синьясөн пелысь пу вож.

В. Напалков

- 1. Кыдзи гөгөрвоан «весьт кузьта гожом», «дзоргө гөрд синъясөн» кывтэчасъяс?
- 2. Аддзы кывбурысь вуджөдан вежөртаса кывъяс.
- 3. Мыйла найос пыртөма кывбурас гижысьыс?
- 4. Гөгөрвоод төдчөдөм кывлысь гижанногсө.



Серпасалан кывъяс

281 удж. Лыдды сёрникузяяссө.

1) Кок улын тричнитіс косьмыны заводитөм ув. (И. Торопов). 2) Пашляк бара шковгис-кынтіс. (А. Мишарина) 3) Гажаа сёльгө шорыс, быттё Воваос ворсны корё. (Е. Козлова) 4) Йи пластъяс зычитёны, зільёны панъыны өта-мөдсө. (И. Коданёв) 5) Шонді водзын долыд синва моз тэпкө коз пу лапъясысь войтва. (С. Тимушев) 6) Друг гымыштіс, югнитіс гөрд билөн кузь бөж. Сэсса шковмуні. Зэр войтъяс варова таркөдчисны шиферөн вевттём керка вевтъяс вылын. (И. Коданёв)

- 1. Аддзы сёрникузяясысь серпасалан кывъяс.
- 2. Мый серти төдмалін серпасалан кывъяссө?
- 3. Гиж серпасалан кывъяссө эмакывъясыскөд.

БОСЪТ ТӨД ВЫЛАД!

Серпасалан (изобразительной да шыалан) кывъяс петкөдлөны ывлавывса шыяс, ловъя ловъяслысь горалөмъяс да шыөдчөмъяс: *булькйё-пуо* ва, *герчкө* турунчөж, *зыньгёны* номъяс, енэжын *грымакылө*.

Медтшөкыда найө паныдасълөны серпаса гижөдын. Серпасалан кывъясыс стөчмөдөны, ловзьөдөны висьталанторсө, сетөны сылы содтөд мичлун.

282 удж. Чутъяс местаӧ серпасалан кывъяс содталӧ-мӧн лыдды текстсӧ.

Бипур бокас ... уль кер пом. Бӧр пыри шалашӧ да воді ёрт бокӧ. А тӧлыс век на ӧтмоза ... вӧрті, тыдорса кустъяс дорті, эжӧр пытшті. Тылысь васӧ ... мяян пыжӧ. Тӧв нырыс муас ... кос коръясӧн, быттӧ кодкӧ пошкигтыр ... шалаш дорын. Ӗзті пӧнар, чургӧді ортсыӧ. Видзӧда гӧгӧр: некӧн некод абу.

С. Раевский

Отсӧг кывъяс: *швачӧдӧ, шарӧдчӧ, тапикасьӧ, чискӧ, швичкӧ-гуляйтӧ.*

• 1. Бӧрйы текстлы лӧсялана юрним: **Ты дорын. Шуштӧм войӧ. Арся войлӧн шыяс.**

2. Кутшӧм кывъяс отсалӧны стӧчмӧдны да мичмӧдны текстсӧ?

3. Гиж текстсӧ. Визьнит кывбӧра эмакывъяссӧ.



283 удж. Лыдды текстсӧ. Инды серпасалан кывъяс.

Дӧзмӧм зі моз дыр жувгис-таргис места вылас не-виджыд самолёт. Сэсса сійӧ нетшыштчис да кокниа исковтис южмӧм лым кузя. Син улысь боквыв катовтчы-ліс тӧвса кар. Ӗта-мӧд бӧрся вошисны керка вевтъяс, паськыд туйлӧн веськыд визьыс да кодзувкот моз жуысь йӧз. Сӧмын азыма жувгис мотор шы да клёнӧдчис ӧтарӧ-мӧдарӧ лэбысьяслӧн осьса ӧдзӧсыс.

А. Ульныров серти

• 1. Тӧдмав, гижӧдыс паськыд али векныд тема вылӧ.

2. Кутшӧм серпасалан кывъяс артмӧмаӧсь керан-вӧчан шыясысь?

3. Аддзы гижӧдысь рочысь пырӧм кывъяс.

284 удж. Лыдды.

1) Потшөс вылө жбыркнитис 2) Ва веркөсө плавгысис пу вылысь 3) Сикт весьтын жургө 4) Бипурын чискө уль 5) Сёр арын пөльтө чизыр 6) Тулысын гажаа бузгөны 7) Войбыд шливгис 8) Нитшув ёлын сёльгө зарава кодь

- 1. Чутъяс местаө пырт сёрникузяө лөсялана кывъяс.
- 2. Гиж сёрникузяяссө да визьнит серпасалан кывъяссө.

285 удж. Лыдды. Чутъяс местаө содтав лөсялана эмакывъяс.

Көнкө неылын ун йывсьыс чирөстис ... да бөр ланьтис. Сылы воча нюр дорын гораа букөстис Берег дорын бузөдчө Тöлыс васө койө берегө да швачөдө пыжө. Пыжным тракйысьö да зельөдчө

Муртса петі шалашысь, ме мышкын мыйкө чажгигтыр ыджыд шумөн бруткысис-усис муас. Повзи, весиг юрси сувтліс. Недыр мысти гөгөрвои: миянсянь неылын тöлыс пөрөдіс косьмөм коз пу.

С. Раевский

Отсөг кывъяс: *ва, сюзь, чепөн, лэбач.*

- 1. Инды серпасалан кывъяссө. Вайөд налы лөсялана серпастөм кывъяс.
- 2. Мый петкөдлөны серпасалан кывъясыс? Мый могысь наөн вөдитчө С. Раевский?
- 3. Медводдза сёрникузясьыс торйөд кывтэчасьяссө.
- 4. Аддзы текстысь зумыд кывтэчас.
- 5. Инды текстысь схемалы лөсялысь сёрникузяяс:
[Ö да Ö].



Матын да паныд вежӧртаса кывъяс

286 удж. Лыдды. Аддзы текстысь матын вежӧртаса кывъяс.

Утка кыйӧм

Бать пестіс бипур.
Ме босьті бательсы
пищаль да муні уткаяс
видзӧдлыны.

Бать велӧдіс мун-
ны вӧртіыс. Кок чунь
йылад пӧ тыланьыс
матыстчы. Ме сідзи
и вӧчи. Муна вӧрті.
Гусьӧник кыйкнитла
пуяс сайсянь, видзӧда
ты вылысь уткаясӧс.



Медбӧрын син улӧ уси ичӧтик чут. Тайӧ ӧтка утка
уяліс гыяс вылын. Ме воді муӧ да кысси. Дзикӧдз нин кӧ-
таси, кынми. Но вот и позьӧ лыйны. Кыпӧдчышти эжӧр
вывсьыс да грымӧбті. Тшыныс разалышти. А уткаыд
водзӧ уялӧ. Тэрыба суйи виль патрон да мӧдысь на ка-
мӧбті. Бара на уялӧ, коймӧдысь на шковги.

А тайӧ вӧлӧма Пиля Мишлӧн резина уткаыс ва вылын!
А. Ульянов серти



Син улӧ уси.

- 1. Кызди артмӧ текстын шмоньыс?
- 2. Аддзы ӧтсыма юкӧдъяса сёрникузяяс да на костысь йитӧдъяссӧ.
- 3. Мыйла гижысьыс пыртӧма матын вежӧртаса кывъясӧ текстас?

4. Гөгөрвоод роч кыв отсөгөн **велөдіс** кывлысь вежөртассө.

287 удж. Аддзы да гиж сетом кывъяс дорö «Утка кыйом» текстысь матын вежөртаса кывъяс.

Öztis, ...; восьлалі, ...; сибөдчы, ...; гусьоник видзөдла, ...; дзорга, ...; лыйи, ...; вази, ...; йирмөг босьтіс, ...; зіля,



288 удж. Лыдды кывъяссө.

Панласьны – вермасьны, дзирдавны – югзыны, төдмасьны – төдса, дзескавны – топавны, ломзыны – югзыны, ылавны – вошны, збоявны – падъявны, вынсявны – слабмыны, суктыны – кизьортны, ылавны – ылөдчыны, чукөртчыны – разөдчыны.

• Юклы кыв параяссө куим чукөрö:

- 1) өтвужъя кывъяс: ...
- 2) матын вежөртаса кывъяс: ...
- 3) паныд вежөртаса кывъяс: ...

289 удж. Гиж сёрникузяяссө чутъяс местаö паныд вежөртаса кывъяс пыртөмөн.

1) Зэр көтөдө, а шонді 2) Рытын ывлаыс пемдө, а асылын 3) Зэрөм бөрын юыс ойдө, а кос **поводдя** дырйи 4) Увтасінын **виддзыс** туруна, а керөс вылын 5) Гожся войяс югыдөсь, арся войяс

• 1. Кутшөм кывсикасъясөн лооны паныд вежөртаса кывъясыс?

2. Торйөдөм кывъяслысь висьтав орфограммасө нимнас.

290 удж. Лыдды матын вежортаса кывъяссö.

- 1) Серавны, раксыны, ваксыны.
- 2) Игöдчыны, грымöдчыны, тотшкöдчыны.
- 3) Котöртны, мунны, тöвзыны.

• 1. Гөгөрвоод, мыйöн öткодъöсь да мыйöн торъялöны öта-мöдсыс матын вежортаса кывъясыс.

2. Лöсьöд öти кыв чукөрөн куим сёрникузя.



291 удж. Вайöд да гиж рочысь пырöм кывъяслы лöсялана коми кывъяс да прöверит уджтö.

Книга, флаг, художник, дневник, врач, учитель, больнича, магазин, снегурочка.

292 удж. Веж сетöм сёрникузясысь торйöдöм кывъяссö матын вежортаса выль коми кывъясөн.

1) Пöдругаöй отсаліс меным лöсьöдны сочинение-лысь план. 2) Каникул дырйи миян челядь ветлісны **столицаö**. 3) **Комнатаын** сулалö мича **аквариум**. 4) Миян республика озыр **нефтьöн** да **газöн**. 5) Воклы школаын сетісны дзик выль **буквар**. 6) Телевизор пыр юргис мыла **музыка**.

Отсöг вылö кывъяс: *шылад, юркар, черигорт, биару, мусир, жыр, нывъёрт, анбур.*

293 удж. Вайöд паныд вежортаса öтвужъя кывъяс сетöм кывбердъяс дорö.

Öшина – öшиньтöм, деньгаа – ..., нökъя – ..., зепта – ..., кодзула – ..., коръя –

- 1. Артмөд эмакыв отсөгөн кывтэчасъяс.
- 2. Кызди артмөмаось паныд вежөртаса кывбердъясыс?

294 удж. Лыдды кывъяссө.

Сюрис, талапөв, тшөкмунны, пөсяліс, дженьдөдіс, чукөр, туша, жугыль.

- 1. Бөрйы өти удж да вөч сійөс:
 - 1 удж. Гиж кывъяс дорө лөсялана паныд вежөртаса кывъяс.
 - 2 удж. Гиж кывъяс дорө лөсялана паныд вежөртаса, а сэсса матын вежөртаса кывъяс.

Вөч тадзи: *Сюрис – вошис, шедіс.*

Отсөг кывъяс: **Паныд вежөртаса кывъяс:** *нюжөдіс, көдзаліс, вошис, гажа, мөдлапөв.*

Матын вежөртаса кывъяс: *шедіс, мыгөр, тшөтшөдіс, шог, таладор, виньдыны, кельөб, шоналіс.*

- 2. Кутшөм кывъяслы эз сюрны паныд либө матын вежөртаса кывъяссыс?

295 удж. Лыдды гижөдсө.

Войыс пуксис лөнь да югыд ва гуранъяс төлысь улын пөртмасьöны рөмпөштанъяс моз чусмыштөм енэжас лыдтөм-тшөттөм кодзувъяс найө дзирдалöны, гажөдöны төдса пармасö.

- 1. Юклы текстсö сёрникузяяс вылө да гиж.
- 2. Вайөд матын вежөртаса кывъяс **пөртмасьöны, дзирдалöны, пармасö** кывъяс дорө.



296 удж. Лыдды шусьөгъяссö да гөгөрвоод.

1) **Велöдчытöг** мортö он во. 2) **Бакытöм** ыжöс оз вердны. 3) **Войвывса** гожöмыд кöч бöж кузя. 4) Гыррдзайд **матын**, да он курччы. 5) **Гожся** луныд йöлөн-выйөн искөвтö.

• 1. Вайöд торйöдöм кывъяс дорас паныд вежöртаса кывъяс.

2. Гиж юрвежсьыд кык шусьөг.



Зумыд кывтэчасъяс

297 удж. Лыдды сёрникузяяссö. Гөгөрвоод вежöртассö торйöдöм зумыд кывтэчасъясслысь.

1) Луныс **выйөн войталö**, олын куртам турун. (А. Мишарина) 2) Гортад эськö мамыд дорын овны, комиён кö шуны, **мус оз зырт**. (А. Мишарина) 3) Миш да дядьыс воисны öти кывйö, мый неладнö лои **вöчöма пöсь йывсьыд**. (А. Попов) 4) Со нин и чомйыс **син увсьыс вошис**. (Е. Рочев) 5) Некор зептö ме эг **пырав кывла**. (А. Мишарина)

298 удж. Лыдды зумыд кывтэчасъяссö.

пель сайö сюркнявны
дыш поз
югыд шондi
сап пемыд
садь быртöдз
зарни ки
кыв ньылыштны

Дыш Парпонь
кöть синмад зор суй
кок вылысь усъмөн
зарни чунь пом
нырö тшупны
кыв воштыны
оз тусь

• 1. Бөрйы шуйгаладорас вайөдөм зумыд кывтэчаслы
веськыдладорсьыс лөсялана зумыд кывтэчас да гиж.

Вөч тадзи: *Пель сайё сюркнявны – нырö тшупны.*

2. Кутшөм зумыд кывтэчас позьö вежны кадакывйөн?

299 удж. Лыдды зумыд кывтэчасъяс да гөгөрвоод
налысь вежөртассö.

Синсьыс би петö, синмö пырны, синмөн ог аддзы,
синлы колö, син ни пель, кык син костысь, синсö сувтöдö-
ма, син водзö оз ков, синсö оз лапнит, син водзын сулалö.

• Бөрйы öти удж да вөч сійöс:

1 удж. Öти зумыд кывтэчасөн лөсьöд сёрникузя.

2 удж. Öти зумыд кывтэчас серти лөсьöд текст.

3 удж. Вайөд 2–3 зумыд кывтэчас ки кывйөн.

300 удж. Лыдды. Аддзы да гиж зумыд кывтэчасъ-
яссö.

Вой төв тундраөд койтö,

Ку пиас быттьö оз төр.

Сьөлөмсö Яковлысь дойдö:

– Көнi тэ, зарни көр?

Зарниысь сылөн гöныс,

Зарниысь сылөн сюр.

Кынтö. Быд ты вылын сөнiк,

Падмыштлан – воштан юр.

Н. Щукин



Сөнiк – ва лым.

• Мыйла гижысьыс пыртöма кывбурас зумыд кывтэ-
часъяссö?



301 удж. Вайёд коми зумыд кывтэчас дорö рочысь лöсялана фразеологизмъяс.

Кольлы некытчö усьны, кык би костö веськавны, сир пинь тэныд горшад, киас уджыс пуö, шыла йылын моз пукавны.

Отсöг кывтэчасъяс: *яблоку негде упасть, как на иголках сидеть, оказаться между молотом и наковальней, типун тебе на язык, работа в руках кипит.*



302 удж. Аддзы сетöм фразеологизмъяслы паныд вежöртаса зумыд кывтэчасъяс.

Кокыд кузь, рытъя узян унма, кок вылö сувтны, көр ни гос, юрид оз усь.

Отсöг кывтэчасъяс: *кок йылысь усьны, кокыд дженьыд, юр усътöдз, көть чуньтö ньылышт, асья узян унма.*

303 удж. Лыдды зумыд кывтэчасъяссö.

Сьöкыд пеля. Яндысьтöм бугыль. Порсь вор. Юртöм катша. Рака поз. Пытш пырöма. Öти вевт улын (овны).

- 1. Гөгөрвоёд зумыд кывтэчасъяслысь вежöртассö.
- 2. Аддзы йöзкостса сёрниын паныдасьлысь мортöс лёка донъялан зумыд кывтэчасъяс.

304 удж. Аддзы зумыд кывтэчасъяс пиысь ывлавыв петкöдлан да донъяланаяссö.

Шы ни тöv, роч акань, көть синмад зор суй, кынöм сюмалö, жель оз бергöд, вый войталö, грöш дон оз сулав.

Прөверит астьö

- 16 удж. Паныд вежöртаса кывъяс: öтарланьö – мöдарланьö.
- 21 удж. Ныв кодъ, багатыр кодъ; пуяс бердысь, бобувъяс моз, му вылö.
- 44 удж. Коз-гоз, кыр-гыр, чир-дзир, кора-гора, пи-би, сi-зi, рос-роз.
- 48 удж. Сöмын чорыд согласнöя кывъяс: пон, гаг, тулыс.
1) **Тулыс** кыв оз лöсяв, сы вöсна мый [т] – параа чорыд согласнöй шы.
2) **Йöв** кыв оз лöсяв, сы вöсна мый [й'] – паратöм небыд согласнöй шы.
- 50 удж. Югöр, енбиа, ёнлун, ябыр.
- 51 удж.

<u>с</u> ов	<u>с</u> юзь
<u>н</u> эм	<u>н</u> ебыд
<u>л</u> эбув	<u>л</u> ежнöг
<u>д</u> она	<u>д</u> ивö
- 58 удж. Кольча, партук.
- 64 удж. Шкап, пöнар, сакар, кöзяин, чеп, кольча, больнича, плаш, щöтка.
- 69 удж. Шондi югöр.
- 72 удж. Оз, коз, доз. Оз – озйис, коз – козийис, доз – дозийис.
- 73 удж. Пас – пасъяс, пас – пасöдз – кыв формаяс; пасйис – пастор – öтвужъя кывъяс.
- 76 удж. **Й, к, м, т** шыяслөн содтысьöм: **синма** – синтöм, **зепта** – зепсьыс, **гöптын** – гöпъяс, **нитштöм** – нитшкалöма; **ы, ö** шыяслөн усялöм: **тупыль** – туплясьö, **чукыр** – чукравны, **чепöль** – чеплясьны.
- 78 удж. 1) **Небöгысь, гортысь, биысь.**
Вузасьысь, велöдысь.
2) **Вижöсь, сьöдöсь, мичаöсь.**
Номйöсь, турунöсь.

- 79 удж.** Лөсявтөм кывъяс: 1) чери; 2) мегö; 3) кушман; 4) кöин; 5) локта; 6) пöчлөн.
- 80 удж.** Сёрмыны – дышмыны; кöмасьö – чышъянасьö; корсьö – чинö; ола – ытшка; нуышти – пуышти; узи – босьти. Эз сюр парайс мöвпалан кывлы.
- 81 удж.** Ёльясыс, муясö, лэбöны кывъясас эмось сöмын кыввуж да кыв вежлалан суффиксьяс.
- 82 удж.** 1) – кöмасьö, 2) – висьтышта, 3) – узи, 4) – гымалö.
- 83 удж.** Лөсявтөм кыв параяс: 1) пыкöд-пыка; 2) заптö-заптöны; 3) гижа-гажа.
- 89 удж.** 1) Олöм (овны), сьылысь (сьывны), вотöс (вотны), пывсян (пывсьыны), пыкöд (пыкны).
2) Нюраин (нюра), косін (кос), чöскыдтор (чöскыд), кöдзыдін (кöдзыд).
- 93 удж.** Öтвужъя кывъяс: гаж, гажöдчыны; гудöк, сигудöк; ворсісны, ворсанторъясыс; войпук, войпукны, войпукигөн; кыисны, кыисны.
- 97 удж.** Öти кыввуж моски, керка, öшинь, стеклö, йи, узор кывъясын.
- 103 удж.** Нимтан вежлöга эмакывъяс: муыс, пармаыс, Сык-тыв, юыс; сетан вежлöга эмакыв – бать-мамлы.
- 105 удж.** 1) Нимтан; 2) вуджан; 3) керанторъя; 4) пы-ран; 5) сетан; 6) петан; 7) ылыстчан; 8) асалан; 9) ина; 10) матыстчан.
- 110 удж.** А – нимтан вежлög.
- 120 удж.** Биысь пышйис да ваö веськаліс. – Из огня да в полымя. Туйö кö он петав, нинöмö он велав. – Не познавши броду не узнаешь воду.
- 127 удж.** Ылыстчан вежлög.
- 158 удж.** Мой
- 180 удж.** 1) Чуймыны – чуйми (кад серти); 2) солавны – солаліс (морт да кад серти); 3) нуны – вайны (вежöртас серти: паныд вежöртасаöсь).

- 187 удж. 1) Кыв; 2) синъяс; 3) рос; 4) өдзөс; 5) төлысь.
- 188 удж. Вуджөр, анькытш.
- 203 удж. Гожом.
- 216 удж. 1) Гажтөм кө – уджө кутчысь. 2) Мича оз тусь вöсна муыслы не öтчыд копыртчылан. 3) Ва гудыртчывлö да бөр сөдзö. 4) Йöз сайö эн сайöдчы. 5) Вöтчыны да виччысьны медсьöкыд. 6) Велöдчöм морт – синма, велöдчытöм – синтöм.
- 218 удж. Шогö усьны – жугыльтчыны; öти кывйö воöдчыны – сёрнитчыны; сьölöм вылö воны – кажитчыны; шемöсö усьны – дивуйтчыны; чуш нюжöдны – дузгöдчыны.
- 219 удж. Öвтчыны – шенасьны; вашкöдчыны – шöпкöдчыны, тупыльтчыны – быгыльтчыны; сайöдчыны – дзевсьыны; кышöдчыны – кайны; игöдчыны – таркöдчыны; букыштчыны – зумыштчыны.
- 220 удж. тч: нёровтчыны, чукöртчны копыртчыны
дч: ладмöдчыны, сибöдчыны, мöдöдчыны
чч: пöрччысьны, курччыны, виччысьны
- 230 удж. Розъя дзоридзьяс, чöскыд көр, веж корьяс, медыджыд роз, еджыд розсö, тувсовъя шондi, яр шондi, веж корьяс, мича кад, кыпыд кад, гажа тулыс.
- 233 удж. Паныд вежöртаса кывъяс: томиник – пöрысиник, дышиник – зiлиник, ляпкыдiник – джуджыдiник, ыджыдiник – ичötиник, ёнiник – жебиник.
- 235 удж. Ур – ичöt вöрса пемöс. Сылөн морöсыс да кынöм улыс еджыдiник. Мыш вылыс гöрдкодь. Кокъясыс дженьыдöсь. Пашкыр бöжыс вывлань чикыля, пушыдiник. Урлөн оланiныс шоныд, лöсьыдiник. Позсö сiйö лöсьöдöма небыдiник увъясысь. Поз пыткас гөн сора небыдкодь нитш вольсалöма.

240 удж. Ситурун.

249 удж. Югыдвиж (светло-зелёный), югыдлөз (светло-синий), югыдруд (светло-серый) югыдвеж (светло-жёлтый). Пемыдгөрд (тёмно-красный, багровый), пемыдруд (тёмно-серый, тёмно-бурый), пемыдлөз (тёмно-синий).

255 удж. Съөд вөр, пöрысь пöчö, вöрса пöтка, шоныд поз.

271 удж. Мегыр, куран.

275 удж. 1) Сыктыв; 2) томан; 3) мегыр; 4) пес; 5) акань; 6) ниа; 7) Степан.

281 удж. Ув тричнитіс; пашляк шковгис-кынтіс; шорыс сёльгö; йи пластъяс зычитöны; тёпкö войтва; гымыштіс, шковмуні; зэр войтъяс таркöдчисны.

286 удж. Кыйкнитла, видзöда; камöбті, грымöбті, шковги, лыйи.

287 удж. Öзтіс, пестіс; осьлалі, муні; сибöдчы, матыстчы; гусьöник видзöдла, кыйкнитла; дзорга, видзöда; лыйи, камöбті; вази, кöтаси; йирмöг босьтіс, кынми; зіля, тэрыба.

291 удж. Небöг, дöрапас, серпасалысь, луннебöг, бурдöдысь, велöдысь, бурдöдчанін, лавка, лымныв.

294 удж. Паныд да матын вежöртаса кывъяс: сюрис – вошис, шедіс; талапöv – мöдлапöv, таладор; пöсяліс – кöдзаліс, шоналіс; дженьдöдіс – нюжöдіс, тшöтшöдіс; жугыль – гажа, шог.

Вежӱртас гӱгӱрвоӱдан

КЫВКУД

Биармия – легендаяс серти важ коми йӱзлӱн вына страна

Бужгылясьны – кымрасьны, ыркыдавны; тадзи шуӱны
шондӱтӱм поводдя йылысь

Весът – ыджыд да индан чунь кост

Вӱйджык – полысьджык

Дав – вылын местаын коръя пуа вӱр

Дзав – вӱснъыдик пугор

Жӱлӱб – керка вевт вылысь либӱ мукӱд местаясысь ва
вийӱдӱм вылӱ вӱчӱм ворга

Жельнӱг – лежнӱг

Зу – чукӱрӱн топыда кӱрталӱм порсь тшӱть, юрси сына-
лантор

Идол – морт мыгӱра да морт судта пуысь вӱчӱмтор

Йинӱнь – вылысянь киссьысь кынмӱм ваысь ёсь йыла
кузьмӱс йитор

Кантеле – шылада (музыкальнӱй) инструмент

Ковтыс – ю бокъясын вольсыштчӱм шыльыд видзьяс

Кӱдж – юлӱн, шорлӱн крут чукуль

Кунва – пӱйма пуӱм ва, войдӱр вӱдитчисны кӱлуй пес-
лалӱгӱн

Кунӱр – гымалан-чардалан кымӱр

Кыркӱтш – джуджыд крут берег

Лӱбын (диал.) – вила

Нач – дзык

Ной – вурунысь топыда кыӱм матерье

Ордым – вӱрын векнъыдик пода туй

ӱтава – ытшкӱм бӱрын вылысь петӱм турун

Парма – вылыс местаын козъяин

Понӱль – посни лыска пуа вӱр

Парч – абу шылъыд (*парча кыдз*)
Пырмӧс – ручлӧн, мойлӧн поз
Кумач – ярьюгыд гӧрд рӧма бумазея дӧра
Ракпань – из кодъ чорыд кӧрӧб пытшкын вапытшса олысь
Репас – лымйын вӧрса лӧбачлӧн (сьӧла-тарлӧн) узыланін
Сигӧртны – ёсьмӧдны турун зорӧд, медым эз кӧтась зэ-
рысь да лымйысь
Сӧнік – ва лым
Сён – вӧрын, видз вылын васӧд, увтас места
Сыв – кузъта мурталан единица, кык киӧн сывйыштӧм-
шымыртӧм кызта
Табун – вӧв чукӧр
Тшамъя – вӧралысьяслӧн джуджыд сюръяяс вылӧ лӧптӧм
прӧмыс видзан неыджыд керка
Тшукӧдны (*диал.*) – сатшкыны
Уезд – территория юкӧнлӧн важ ним, лӧсялӧ ӧнӧя районлы
Чалькост – зорӧдын кык майӧг кост турун
Чарӧм – тулысын лым вылын йи корка
Чомкост – коми вӧралысьяслӧн да чери кыйысьяслӧн
ылна пасьян мера; ӧти чом дорсянь мӧд чом дорӧдз
5–7 верст гӧгӧр, кык вӧралан керка кост
Чурк – мыльк
Шег – ыж кокысь лы
Шер – йиа зэр
Ыргӧн – гӧрдов рӧма металл, рочӧн: медь
Эпос – проза ногӧн литература род
Язычник – Кростослы эскӧмӧ пыртӧдз вӧр-валы эскысь
морт
Ярмарка – уна йӧза котырӧн вузасьӧм да ньӧбасьӧм

Матын вежӱртаса кывъяс

алькӱс, лажмыд, ляпкыд, нюз (*берег йылысь*)
артмӱдчыны, сӱрнитчыны, ладмӱдчыны, ӱти кывӱӱ воӱд-
чыны
бергавны, гӱгравны, кытшлавны
биавиж, вижовруд, вижовгӱрд
букшасъны, бугжыльӱн видзӱдны, бугжылясъны, син
бӱжӱн видзӱдны, син еджыдӱн видзӱдны
букыштчыны, зумыштчыны
быгльӱдлыны, быглявны, гӱгльӱдлыны, тупльӱдлыны
быгыльтчыны, гӱгыльтчыны, тупыльтчыны, тюрны
вазыны, кӱтасъны
вашъявны, вашвидзны, нюмъявны
вашкӱдчӱны, шӱпкӱдчӱны, шушкӱдчӱны
восьлавны, мунны
гаж, праздник
гольӱдчыны, игӱдчыны
дӱзӱӱритны, чередитны, видзны
дӱлавны, шпорӱдчыны, шпорақывны, шпоргыны
дженъдӱдны, вундыны, чинтыны, тшӱтшӱдны
дзескавны, топавны
дзирдавны, югзыны
дзользыны, сӱльгыны, сильгыны, тӱльгыны, чирксыны
дзоля, ичӱт, дзоляник
дзоргыны, видзӱдны
ӱсь, чизыр, ярскӱб
ӱртасъны, дружитны, лӱсявны, ладмыны
жӱдзны, жӱвъявны, педзикасъны, педзны, тапъявны
жеб, ӱбӱстӱм, вынтӱм, ляб, нӱр, слаб
жугӱдны, пазӱдны

жугыль, шог
зільны, нырчыны, старайтчыны
зіля, өдйө, тэрыба, чожа
заводитны, босътчыны, кутны, кутчысьны, пондыны
збыльмөдны, могмөдны, олөмө пөртны
зэрны, киссьыны, кисътны, швальгыны, шливгыны, шляв-
гыны, слөтитны
игөдчыны, гримөдчыны, гольөдчыны, зымөдчыны, йир-
көдчыны, таркөдчыны, торйөдчыны, тотшкөдчыны
йөгзыны, дзирдавыны
йөнөд, тод, тіль
йирмөг, дрөж
казытыштны, гарыштны, дум вылө уськөдны, кайтыштны,
төд вылө уськөдны
качөдчыны, кыпөдчыны
косьмыны, рудзавны, төлавыны, шуравны
котөртны, гөнитны, пызйыны, кырсьыны, ризйыны,
төвзыны
куснясьны, нюгласьны, нюклясьны
кучкыны, вачкыны, зымгыны, камөбтыны, камыштны,
колскөбтыны, косьөбтыны, швачкыны
кывтны, шыньгыны
кымрасьны, кунрасьны
кынмыны, турдыны, гегдыны, йирмөг босътны
кыпөдны, лэптыны, лыбны
кыпөдчыны, кайны, качны, лыбны, лыбөдчыны, лэптысьны
кыптыны, лэптыны, лыбны
кышны, эжны
лажыньтчыны, ляпкөдчыны
лөг, скөр
лөставны, югъявыны, дзирдавыны
ланьтны, чөв усьны, лөнны, өвсьыны

латшкӧс, ичӧт тушаа, лажмыд, ляпкыд
ливкйӧдлыны, лывкйӧдлыны, нюркйӧдлыны
личӧдны, кокньӧдны, прӧстмӧдны
лог, сён
ломзъыны, югзъыны
луйны, шковгыны, резъгыны, дзенгыны
лэч, нальк, чӧс
матыстчыны, матысмыны, сибӧдчыны
морттуй, сям, киподтуй, кипод, кужӧм, кужӧмлун
мыччысьны, петкӧдчыны, тыдовтчыны, мыччӧдчыны
музыка, шылад
мыгӧр, туша
норасьны, элясьны, зыньгыны, няргыны
нуръясьӧны, сёйӧны
нырччыны, зільны
нырччысь, водзмӧстчысь
нюмунны, нюмдыны, вашмунны, шпыньмунны
нюмсер, нюм
ойбыртны, вугыртны
ойбыртчыны, унмовсьыны
онишпырысь, унзільпырысь
ошйысьны, ышнясьны
ӧбича, ру, сям, этш
ӧвсьӧдны, бурӧдны
ӧвтчыны, шенасьны
ӧзтыны, ломзӧдны, пестыны
ӧлӧдны, дугӧдны, ланьтӧдны
ӧтувтчыны, ӧтлаасьны
парма, вӧр
падмыны, шӧйӧвошны, шай-паймунны
пемдыны, рӧмдыны
пемыдгӧрд, мугӧм
пескыльтчыны, нигыльтчыны, песовтчыны

петкӧдчыны, мыччысьны
пинясьны, видчыны
польӧдчыны, сялькӧдчыны
помтӧм, пом ни дор, помтӧм-дортӧм
пӧдруга, нывъёрт
пӧлӧстчыны, пӧлыньтчыны, доровтчыны, нёровтчыны
пӧрччысьны, личӧдчыны, кульсьыны
пӧсявны, ньылӧдны
пышйыны, шутёвтны, уёвтны, уйкнитны
ризӧдны, гӧнитны, дзизӧдны, тӧвзыны, пызйыны
сӧдз, югид, сӧстӧм, пырыс тыдалана
сайӧдчыны, дзебсьыны
саймовтчыны, дзебсьыны
серавны, ваксьыны
сетчыны, лэччысьны
сибӧдчыны, ладмӧдчыны
столица, юркар
скӧр, лёк, лӧг
сунгысьны, сунны, дзумгысьны, пурскысьны, суныштны,
тjувгысьны
сюрны, шедны, веськавны
сялькӧдчыны, сёлькӧдчыны, бузӧдчыны, булькӧдчыны,
бультjикасьны, польӧдчыны, тельскӧдчыны, шпольӧд-
чыны, ызӧдчыны
тjмбыльтчыны, сунгысьны, тумбыльтчыны, турбыльтчыны,
тjувгысьны
талапӧв, таладор
таркӧдчыны, игӧдчыны, тотшкӧдчыны
тривкнитны, котӧртны
тунавны, водзвыв висьтавны
турӧб, пурга
турунвиж, веж, нjудзвиж

туша, мыгөр, статья
тшөкмунны, виньдыны
тјувгөны, визувтөны
удитны, слөймыны, эштыны, вевъявны
уськөдчыны, тэрыба матыстчыны
чөв усьны, ланьтны
чөвлун, шы ни гу, шы ни ру, шы ни төв, шыч ни рач, чөв
чөжны, видзны, чукөртны
чард, гымньөв, чардби, биньөв
чепөсйыны, быйкнитны, вирскөбтыны, бырскөбтыны
чередитны, дөзьөритны
чипсыны, чивгыны, чивзыны, чивөдчыны, чипсасьны
чирйыны, крөшитны, пыригтыны, чириктны
читкыля, гартчысь, гөглясьсөм, кудриа, чикыльөсь, чикыля
читкыртны, куньтыртны
чишкасьны, сотчыны
чукөр, ватага, кельөб
чуктөдны, чашкөдны, юкыштны
швачнитны, клопкыны, крапкыны, швачкөбтыны, швач-
кыны
шебравны, вевттыны
шемөсмыны, чуймыны, шемөсө усьны, шензыны, дивуйт-
чыны
шмонитны, серавны, шутитны
шуззыны, шоммыны
шуксьыны, жуны, гыны
ыпнитны, өзйыны
ылавны, вошны
юөртны, висьтавыны, төдмөдны
юкавыны, поткөдлыны
юковтны, вожөдны, вундыны, костөдны, поткөдны
ямны, косьмыны, ляпкавыны, усьны, чинны

Паныд вежортаса кывъяс

азым – писка
водзкыв – бөркыв
важөн – өні
верстьö – посни
воссисны – тупкысисны
вошис – сюрис
гаж – шог
гора – лөня
гудыр – сөдз
дженъдөдіс – нюжөдіс
жугыль – гажа, нимкодъ
жугыльлун – гажлун
зіль – дыш
зільлун – дышлун
зэлыд – личыд
йитны – орөдны
йитөда – йитөдтөм
йыв – дін
йывтөм – йыла
кайны – лэччыны
катны – кывтны
катыд – кывтыд
катөдны – лэччөдны
кедзовтны – радейтны
кид – сибыд, мелі
кизьөр – сук
кизьөртны – суктыны
косьмыны – вазыны
көдзавны – шонавны
кын – сыв
кынмыны – сывны
кынтыны – сывдыны
лэптисны – лэдзисны

личөдны – зэвтны, топөдны
лунтыр – войбыд
матыстчыны – ылыстчыны
мыччысьны – вошны, дзеб-
сьыны, саявны
нор – гажа, кыпыд
нуны – вайны
нуөдны – вайөдны
нэр – вына, крепыд, ён
ойдны – ямны, косьмыны
омөльтчыны – ёнмыны
ошкыны – видны, дивитны
өтувтчыны – торйөдчыны
пасьтавны – пөрччыны
помавны – панны
пөсявны – көдзавны
пуктыны – босьтны
разөдчыны – чукөртчыны
садьмыны – унмовсьны
содны – чинны
содтыны – чинтыны
сук – гежөд, кизьөр, шоч
сяма – сямтөм
сюрны – вошны
таладор – мөдлапөв
торйөдны – өтувтны
узыны – овны
уль – кос
унмовсьны – садьмыны
уськөдны – лэптыны
чатөртны – копыртны
чеччыны – водны
ышөдны – өлөдны

Өтвужъя кывъяс

ар – арся, арбыд, арйыны

арт – артасьны, артасьӧм, артасьысь, артыштны, артыштӧмӧн, артавны, арталысь, арталӧм, артмыны, артмӧдны, артмӧм, артман, артмантор

асыв – асывся, асъя, асъядор, асъявыв

баксыны – баксӧм, баксысь, бакӧстны

важ – важиник, важкодъ, важджык, медваж, важӧн, важдырся, важмыны, важся, важтор, важмӧм

варов – медваров, варовджык, варова, варовлун, варовитны, варовитӧм, варовитысь

векныд – векныдик, векныдӧник, векниджык, векныда, векнявны, векнӧдны, векнӧдчыны, векняммыны

велӧдны – велавны, велӧдчыны, велалӧм, велӧдӧм, велӧдчӧм, велӧдысь, велӧдчысь

вердны – вердчыны, вердчысь, вердчӧм, вердан, вердысь, вердӧм

вермыны – вермасьны, вермӧм, вермасьӧм, вермысь, вермасьысь

веськыд – веськыдӧник, веськыдкодъ, медвеськыд, веськыдджык, веськыда, веськавны, веськӧдны, веськӧдчыны, веськӧдыштны

ворены – ворыштны, ворсӧдчыны, ворссыны, ворсӧм, ворсӧдчӧм, ворсысь

восьтыны – осьса, осьсаин, осьсӧн

вотны – вотыштны, вотчыны, вотчыштны, вотӧс, вотӧм, вотысь, вотчысь, вотӧмтор, вотантор, вотчанӧн, вотӧса, вотӧстӧм, вотӧсаин, вотӧстӧмин

вошны – воштыны, воштавны, вошӧм, вошӧмтор, воштӧмтор

вын – вына, вынаджык, медвына, вынтӧм, вынтӧммыны, вынсявны

гөгөр – гөгравны, гөгрөдны, гөгрөдлыны, гөгрөс
гөп – гөпта, гөптөсь, гөптаин, гөптөсин, гөптөссьыны
гөрд – гөрдник, гөрдкодь, гөрдджык, гөрдов, гөрдөдны,
гөрдөдыштны
дженъид – дженъидник, дженъидик, дженъидкодь, дже-
нъидджык, дженъыда, дженъдөдны, дженъдөдчыны,
дженъдөм
джуджыд – джуджыдник, джуджыдкодь, джуджыд-
джык, джуджыдыны, джудждөдны, джудждаммыны,
джуджыда
дзескыд – дзескыдкодь, дзескыдник, дзескыдджык,
дзескыда, дзескавны, дзескөдны, дзескөдчыны
дзугыль – дзугылиник, дзугылькодь, дзугыльджык, дзу-
гыльмыны, дзугыльтны, дзугыльмөм, дзугыльмысь,
дзугыля
дыш – дышиник, дышкодь, дышджык, дышмыны, дыш-
мысь, дышдөдны, дышдөдчыны, дышдөдчөм, дыша, дыш-
пырысь
еджыд – еджыдник, еджыдкодь, еджыдджык, еджгов,
еджыдыны, еждөдны, еждөм, еждөдөм, ежыда
збой – збойник, збойкодь, медзбой, збойлун, збойджык,
збоя, збоймысь, збоявны
зумыд – зумыдкодь, зумыдик, зумыдджык, зумыдлун,
зумыда, зумыдмыны, зумыдмөм
из – изъя, измыны, измөм, измысь, изъявны
ин – ина, интөм, инавны, иналөм, иналан, инасьны, ин-
сьөм
иславны – исковтны, исковтөм, иславны, ислалөм, исла-
лыштны, ислалысь, исласьны, исласьөм, исласянин
керны – керасьны, керөдны, керавны, кералөм, керыштны,
керыштөм, кералысь, керас
кизьөр – кизьорник, кизьоркодь, кизьорджык, кизьора,
кизьортны

КОВНЫ – КОВМЫНЫ, КОВМЫШТНЫ, КОЛАНТОР, КОЛАНА, КОЛА-
НАИНӖ

КОКНЬЫД – КОКНЬЫДКОДЬ, КОКНЬЫДИК, КОКНЬЫДИКА, КОК-
НЬЫДДЖЫК, КОКНЬЫДА, КОКНЯВНЫ, КОКНЬӖДНЫ, КОКНЬӖД-
ЧЫНЫ, КОКНЬӖДЫШТНЫ

КОР – КОРЪЯ, КОРТӖМ, КОРЪЯСЬНЫ

КОС – КОСКОДЬ, КОСДЖЫК, КОСИНИК, КОСЬМЫНЫ, КОСЬМӖМ,
КОСЬТЫНЫ, КОСЬТӖМ, КОСЬТЫСЬ, КОСӖДНЫ, КОСӖДӖМ, КО-
СӖДЫСЬ

КӖДЗЫД – КӖДЗЫДИНИК, КӖДЗЫДКОДЬ, КӖДЗЫДДЖЫК, КӖДЗЫД-
ИН, КӖДЗЫДЛУН, КӖДЗЫДАВНЫ, КӖДЗЫДАЛӖМ, КӖДЗӖДНЫ,
КӖДЗӖДНЫ, КӖДЗӖДӖМ, КӖДЗЫДА, КӖДЗЫД-ПЫРЫСЬ, КӖ-
ДЗАВНЫ

КӖТӖДНЫ – КӖТАСЬНЫ, КӖТАСЬЫШТНЫ, КӖТАСЬӖМ

КУЗЬ – КУЗИНИК, КУЗЬКОДЬ, КУЗЬДЖЫК, МЕДКУЗЬ, КУЗЬКОДЬ,
КУЗЬДЖЫКА, КУЗЬТА

КУТНЫ – КУТАСЬНЫ, КУТЧЫСЬНЫ, КУТЛЫНЫ, КУТАВНЫ, КУ-
ТӖМӖН, КУТАН, КУТӖМ, КУТЫСЬ, КУТӖД

КЫВ – КЫВЪЯ, КЫВТӖМ, КЫВЪЯВНЫ, КЫВЪЯЛӖМ, КЫВЪЯЛЫСЬ

КЫВНЫ – КЫВЗЫНЫ, КЫВЗЫСЬНЫ, КЫЛЫШТНЫ, КЫЛӖМ, КЫЛАН,
КЫВЗӖМ, КЫВЗЫСЬӖМ, КЫВЗЫСЬЫСЬ, КЫВЗЫСЬТӖМ

КЫН – КЫНКОДЬ, КЫНДЖЫК, КЫНТЫНЫ, КЫНМЫНЫ, КЫНМӖМ,
КЫНМЫСЬ, КЫНТӖМ

КЫПАВНЫ – КЫПӖДНЫ, КЫПӖДЧЫНЫ, КЫПӖДЧЫШТНЫ, КЫПА-
ЛӖМ, КЫПӖДЧӖМ

ЛАД – ЛАДА, ЛАДӖН, ЛАДТӖМ, ЛАДИТНЫ, ЛАДИТӖМ, ЛАДМЫНЫ,
ЛАДМӖМ, ЛАДМЫСЬ

ЛӖК – ЛӖККОДЬ, ЛӖКИНИК, ЛӖКДЖЫК, ЛӖКЛУН, ЛӖКТОР, ЛӖКИН,
ЛӖКМЫНЫ, ЛӖКМӖМ, ЛӖКӖДНЫ, ЛӖКА, ЛӖКЫСЬ

ЛОМАВНЫ – ЛОМЗЫНЫ, ЛОМЗЫӖДНЫ, ЛОМӖДНЫ, ЛОМЗЫӖМ,
ЛОМЗЫӖДӖМ, ЛОМӖДӖМ, ЛОМЗЫӖДЫСЬ, ЛОМЗЫӖДЧЫСЬ, ЛОМ-
ЗЫӖДЧАНТОР

лөз – лөзіник, лөзов, лөзкодъ, лөзджык, лөзавны, лөзөдны

лэбны – лэбавны, лэбалыштны, лэбөм, лэбысь, лэбач

лэччыны – лэччыштны, лэччөдны, лэччөдлыны, лэччавны, лэччөм, лэччөдөм, лэччысь, лэччөдысь

ляпкыд – ляпкыдіник, ляпкыдкодъ, медляпкыд, ляпкыдджык, ляпкыда, ляпкавны, ляпкөдны, ляпкөдчыны

мича – мичакодъ, мичаджык, медмича, мичаа, мичлун, мичатор, мичаммыны, мичаммөм, мичмөдны, мичмөдөм, мисьтөм, мисьтөмкодъ, мисьтөмджык, мисьтөмтор, мисьтөма, мисьтөмакодъ, мисьтөммыны, мисьтөмтыны

мудер – мудеркодъ, мудерджык, медмудер, мудера, мудермыны, мудеравны

небыд – небыдик, небыдіник, небыдкодъ, небыдджык, небыдлун, небыда, небзьыны, небзьөдны, небзьөм, небзьөдөм

нитш – нитштор, нитшка, нитштөм, нитшкавны, нитшкасьны, нитшкалөм, нитшкасьөм, нитшкасьысь

нөк – нөктор, нөкъя, нөктөм, нөкъявны, нөкъялыштны, нөкйыштны, нөкъялөм

нюм – нюма, нюмъявны, нюмъөвтны, нюммунны, нюмдыны, нюмдөм

овны – олыштны, овмөдны, овмөдчыны, олөм, олысь, оласног, оланін

өткодъ – өткодя, өткодълун, өткодътор, өткодявны

өшинь – өшиньтор, өшиня, өшиньтөм, өшинявны

паськыд – паськыдіник, паськыдкодъ, паськыдджык, паськыда, паськавны, паськөдны, паськөдчыны

пемыд – пемыдіник, пемыдкодъ, пемыдджык, пемыдін, пемдыны, пемөдны, пемөдчыны, пемдандор, пемдөм

пөльтны – пөльыштны, пөлявны, пөлясьны

пукны – пукавны, пукалыштны, пукалөмөн, пукалігөн,
пукалысь, пукалөм, пуксьыны, пуксьөдны, пуксьөм,
пуклөс

разавны – разөдны, разөдчыны

рыт – рытя, рытядор, рытив, рытиввыв, рытивбыд,
рытйыны, рытйысь, рытйөм, рытйысьны

сувтны – сувтөдны, сувтавны, сувтыштны, сулавны, су-
лалөм, сулөдны, сулыштны, сувтысь, сувтөм, сувтөмөн

сьөд – сьөдіник, сьөдкодь, сьөдджык, сьөдов, сьөдөдны,
сьөдөдыштны, сьөдасьны, сьөдасьыштны

сьывны – сьылан, сьылыштны, сьылөмөн, сьылысь, сьы-
лөм, сьылантор

том – томиник, томкодь, томджык, томмыны, томмыштны,
томмөдчыны

топыд – топыдкодь, топыдджык, топыда, топавны, топөд-
ны, топөдчыны, топөдыштны

төв – 1) төла, төлакодь, төладжык, төлавны, төлөдны;
2) төвся, төвйыны, төвбыд, төвъян, төвйөм

төдны – төдмавны, төдмасьны, төдмөдны, төдса, төдсаин,
төдысь

тупыль – тупылявны, туплявны, туплясьны, тупльөдлыны

турун – турунтор, туруна, турунтөм, турунаин, турунтөм-
ин, турунасьны

тшын – тшынтор, тшына, тшынөдны, тшынөдөм, тшынас,
тшыनावны, тшыналөм, тшынасьөм

тэрыб – тэрыбкодь, тэрыбджык, медтэрыб, тэрыба, тэр-
масьны, тэрмөдлыны, тэрыблун, тэрмасьөм, тэрмөд-
лөм

чеччыны – чеччыштны, чеччавны, чеччөдлыны, чеччөд-
лөм, чеччалысь, чеччөм, чеччысь

чорыд – чорыдіник, чорыдкодь, чорыдджык, чорыдін, чо-
рыдтор, чорыдлун, чорзыны, чорзьөм, чорыда

чөскыд – чөскыдіник, чөскыдкодъ, медчөскыд, чөскыдтөм, чөскыдджык, чөскыда, чөскыдтор, чөсмасьны, чөсмөдны, чөсмөдчыны, чөсмөдлыны

чукөр – чукөра, чукөрмыны, чукөртны, чукөртөм, чукөртчыны, чукөртчанін, чукөрөн, чукөртавны, чукөртанін, чукөртысь

чукыр – чукырттор, чукыра, чукырөсь, чукравны, чукрасьны, чукрөдлыны

ылавны – ылөдны, ылөдлыны, ылөдчыны, ылалөм

ыджыд – ыджыдкодъ, ыджыдджык, медыджыд, ыджыдтор, ыджда, ыдждыны, ыджыдавны, ыджыда

шонді – шондіа, шондітөм, шондіаин, шондітөмин, шондіасьны

шоныд – шоныдіник, шоныдкодъ, шоныдджык, шоныдін, шонтыны, шонавны, шондөдны, шоныда, шоныдпырысь

югыд – югыдіник, югыдкодъ, югыдджык, медъюгыд, югөр, югыда, югдыны, югдөм, югнитны, югнитөм, югъявны, югъялөм, югзыны

юм – юмов, юмовкодъ, юмовтор, юмовджык, медъюмов, юммыны, юммөдны, юммөдөм, юмзьөдны

Юриндалысь

СЁРНИКУЗЯ, СЁРНИ ДА ТЕКСТ

Сёрникузя сикасъяс.....	4
Текст сикасъяс. Паськыд да векни тема.....	6
Художествоа да наука гижөдъяс	13
Грамматика подув. Сюрөса да содтана юкөдъяс.....	16
Өтсыма юкөдъяса сёрникузяяс.....	19

ШЫ ДА ШЫПАС

Чорыд да небыд, гора да гортөм согласнөйяс	27
Е, Ё, Ю, Я шыпасъяс	28
Коми да роч кывйын шыяс, ударение да шуанног орччөдөм	30
Согласнөйяс бөрын 1 да И шыпасъяс гижөм	34

КЫВЛӨН ТЭЧАС

Кыввуж. Өтвужъя кывъяс да кыв формаяс Кыввужйын содтана [й], [к], [м], [т] шыяс.....	36
Кывдін да кыв вежлалан суффиксъяс	38
Кыв артмөдан суффиксъяс.....	42
Кыв юкөнъяс. Тэчас сертиыс кыв видлалөм	45

ЭМАКЫВ

Эмакыв. Эмакывлөн вежөртас.....	47
Эмакывлөн нимтан, асалан, босьтан, сетан вежлөгъяс .	49
Керан да керанторъя вежлөгъяс.....	52
Өтвывтан, торйөдан, могман вежлөгъяс.....	54
Ина, петан да пыран вежлөгъяс.....	56
Матыстчан, ылыстчан, вуджан, воан вежлөгъяс.....	60
Эмакыв артмөдысь суффиксъяс.....	62
Эмакыв йылысь төдөмлун вынсьөдөм	65

НИМВЕЖТАС

Первой, мөд да коймөд морта өтка да уна лыда нимвежтасъяс.....	69
Өтка лыда морта нимвежтасъяслөн вежлөг серти вежласьём	70
Уна лыда морта нимвежтасъяслөн вежлөг серти вежласьём	72
Нимвежтас видлалём	73

КАДАКЫВ

Кадакывлөн лыд да морт серти вежласьём. Кывпод.....	76
Кадакывлөн кад серти вежласьём	79
Соссяна кадакывъяс да найös гижанног	85
Кадакыв кыввужйын Й шыпас.....	91
Визь пыр гижсьысь тэчаса кадакывъяс.....	92
Визь пыр гижсьысь паньд вежөртаса кадакывъяс.....	96
Кадакывйын -дч-, -тч-, -чч- гижём	98

КЫВБЕРД

Кывберд да сылөн вежөртас.....	104
МЕД- кывводза, -ИНИК (-ИНИК) суффикса кывбердъяс	105
-КОДЬ суффикса кывбердъяс да найös гижём	108
Кывбердкөд да эмакывкөд КОДЬ кыв гижанног	109
Рём петкөдлысь тэчаса кывбердъяс да найös гижём	111
Визь пыр гижан тэчаса кывбердъяс.....	112
Кывберд йылысь төдөмлун да кужөмлун вынсьөдём	115
Кывбердлөн аслыспөлөслун	117
Прөстой да сложной сёрникузяяс.....	119

КЫВ ДА СЫЛӦН ВЕЖӦРТАС

Кыв вежӧртас.....	122
Вуджӧдан вежӧртаса кывъяс.....	126
Серпасалан кывъяс	129
Матын да паныд вежӧртаса кывъяс	132
Зумыд кывтэчасъяс.....	136
Прӧверит асьтӧ	139
Вежӧртас гӧгӧрвоӧдан кывкуд.....	143
Матын вежӧртаса кывъяс.....	145
Паныд вежӧртаса кывъяс.....	150
Ӧтвужъя кывъяс	151

Допущено Министерством образования Республики Коми

Учебное издание

**Полякова Эльвира Ивановна
Прокушева Тамара Ивановна**

КОМИ РЕЧЬ

Упражнения по коми языку
для 4 класса

На коми языке

Художник И. А. Авилова

Редактор В. И. Трошева
Художественный редактор И. А. Авилова
Технический редактор, компьютерная верстка – С. И. Оверин
Корректор Ю. В. Харкун

Подписано к печати 30.11.13. Формат 70х100¹/₁₆

Бумага офсетная. Печать офсетная

Усл. печ. л. 12,90. Уч.-изд.л. 8,07

Тираж 760 экз. Заказ № 6852

ООО «Анбур». 167982, г. Сыктывкар, ул. К. Маркса, 229

Отпечатано с готового оригинал-макета в полном соответствии
с качеством предоставленных материалов
в ООО «Коми республиканская типография»
167982, г. Сыктывкар, ул. В. Савина, 81. Тел. (8212) 28-46-71, 28-46-61

ISBN 978-5-91669-125-2



9785916691252

АНБУА
Сыктывкар
2013

